

SSH
Current
Shelves
DU
740
A2
W3
v. 1653

WAN

Wantok (Boroko, Papua New Guinea)
SSH Current Shelves
UC San Diego
Received on: 04-11-06



OCEAN BLUE


Tuna in oil
Rait teist
yah!



Namba
1653

NIUSPEPA BILONG YUMI OL PNG STRET!


Wan Wik, Mas 30 - Epril 5, 2006 K1.00
long Mosbi tasol - Ausait Mosbi K1.30



Ol stori
na poto
INSAIT!

Bogenvil Kirap Bek!

Lukim 12-pes saplimen bilong ol liklik bisnis
na Otonomes Gavman i kirapim bek
Bogenvil na kamapim gutpela sindaun.



BODA TOKTOK



RAUN I GO LONG SIOS BUNG: Ol dispela lain i go long Siba Viles klostu long Kieta long stap insait
long wanpela sios selebresen bilong ol las wiken. Lukim stori long Pes 11

Foto: A. LOYSIUS LAUKAI

PNG, Solomon
Ailans na Bogenvil
stretim belgut na
strongim sekyuriti
long boda...

Aloysius Laukai i raitim

KAMAPIM belgut pasin na sekyuriti em tupela bikpela samting gavman bilong PNG na Otonomes Bogenvil Gavman i givim luksave long en bilong stretim ol hevi i kamap long boda namel long PNG na Solomon Ailans.

Presiden bilong Bogenvil Otonomes Gavman, Joseph Kabui i bin tokaut long dispela insait long wanpela de PNG/Solomon Ailan boda toktok long Tunde.

I go moa long pes 3

**Rausim BSP Benk
posta bilong Ryan
Pini insait!!**



TOYOTA

HIACE

- ✓ 3.0 litre diesel engine
- ✓ 5-Speed Manual
- ✓ AM/FM Radio Casset.
- ✓ Power steering
- ✓ Seats 15 people

From **K55,990**
Drive Away!

Limited Stock Only!

Ela Motors

TOYOTA

WHEELS FOR THE NATION

Phone 3229400

www.elamotors.com.pg



✓ **TOYOTA Quality** ✓ **GENUINE PARTS & SERVICE backup** ✓ **15 BRANCHES NATIONWIDE**

Graun long Vidar i no fri ... Ol papagraun i no wanbel

Veronica Hatutasi i raitim

OL PAPAGRAUN bilong graun we RD Tuna tinpis kampani long Madang i no harim tok olsem graun em i "fri hol len".

Dispela i min olsem graun em i fri na RD kampani i bin winim long tenda na wokim bisnis long em.

Mausman bilong ol Vidar papagraun bilong ples Kananam em John Waso i tok long las Fraide, Sief Seketeri bilong Prais Minista Joshua Kalinoe Kalinoe i bin go pas wanpela gavman delegesen i go long ples Kananam long tok tok long dispela hevi bilong ol papagraun.

Long Trinde las wik, ol papagraun i bin wokim wanpela protes mas i go long RD Tuna Kampani hap long soim no amamas bilong ol i go long kampani na gavman bikos em (RD Tuna) i no kisim sevis i go long ol pipel.

"Seketeri Kalinoe i bin tokaut olsem, dispela graun long Vidar i bin

stap olsem Fri Hol len. Na i bin i stap long tenda. Na gavman wantaim sampela lain, na RD kampani i bin bet long em, tasol gavman i nogat mani na RD kampani i bin winim na kisim o baim dispela graun.

"Tasol mipela ol papagraun long ples Kananam i no amamas tru long harim tok olsem, dispela graun em i fri hol len. Bikos aninit long kastomari rait, mipela ol Kananam i papa tru bilong dispela graun.

"Sapos yumi lukluk insait long olgeta hap insait long kantri na world, olgeta hap graun i gat papa bilong graun. I nogat wanpela hap graun em i stap fri, nogat. "Na nogat tru. Na narapela bikpela samtung tu em i olsem, insait long kantri bilong yumi PNG, gavman i save yusim tripela kain lo. Em long Kastomari lo, Komon Lo na Fomesen ov Niupela Lo

"Na aninit long wanem kain lo we gavman i yusim long wokim kamap dispela graun olsem fri hol len.? Orait mipela ol papa graun bai

sanap antap long Kastomari Lo bilong dispela kantri PNG na egensim dispela fri hol len.

Noreen Dada i raitim

OL meri i nogat luksave long ol meri lida bilong ol na save go het long makim ol man kendidet..

Dispela tok i kam long Lida bilong Oposisen na Pipels Nesanel Kongres (PNC) Lida, Peter O'Neill Ilektoe Komisen i laik mekim Gavman long putim 20-pela provinsel sit long ol meri kendidet long taim i kam bihain.

"PNC bai egensim tru wok long helpim husat long kisim membasip insait long Nesanel Palamen tasol long fri na ikwal


ileksen tasol. Mipela olgeta i sapatim tingting long jenda ikwaliti na ol planti wok we i kamap long kamap long dispela bikpela tingting. Ol PNG meri na husat arapela, i no sot long was lukaut o spesel tingting long stap insait long palamen. Bikpela banis we ol meri i bungim em ol i nogat bilip long ol meri lida bilong ol," Mista O'Neill i tok.

Em i tok PNC i luksave long bikpela posisen na wok bilong ol meri insait long kamapim kantri na i tok ol hevi we ol meri i bungim bai kamap namba wan

toktok insait long Nesanel Konvensen bilong PNC long taim bihain dispela yia.

Long wan kain taim ol Koalisen Patna bilong ol meri ogenaesen i givim bikpela tenkyu i go long olgeta man, meri na pikinini husat i wokabout long Fraide wik i go pas long selebretim Nesanel Wimens De.

Ol i tok dispela kain wok mas go het inap mun Novemba we ol i bai bungim olgeta wok bilong ol wantaim wok we i kamap long makim Yunivesel Pikinini De long namba 20 de long mun Novemba.



JAPAN TIKET: Faipela PNG sumatin i bin winim skolasip long go skul long ol Yunivesiti na kolis long Japan i kisim ol tiket bilong ol long wanpela seremoni long dispela wik.

Nupela saina Ambaseda laik strongim wok pren

Noreen Dada i raitim

WOK pren namel long PNG na Saina bai kamap strongpela wantaim opisel welkam serimoni bilong nupela Ambaseda bilong Saina long PNG, His Ekselensi Wei Ruixing.

Opisel serimoni i bin kamap long Gavman Haus long Tunde dispela wik we Gavana Jenerel Sir Paulias Matane i kisim ol pepa we Ambaseda Ruixing i raitim

long watpo em i ting em i bai mekim gutpela wok insait long nupela opis bilong en.

"PNG i wanpela impotent kantri insait long Saut Pasifik we ol planti natrel risos na ol man husat i save wok hat i save stap. 1977 i makim stat bilong ol wok pren namel long Papua Niugini na Saina na long dispela, em i kamapim gutpela samtung insait long edukesen, helt na praiwet sekta. Dispela yia i makim 30 yia anivesari bilong wok pren

namel long PNG na Saina. Mi laik ting mipela i ken strongim moa dispela rilesen," Ambaseda Ruixing i tok.

Ambaseda Ruixing i tok long 1975 kam inap nau, PNG Gavman na ol pipel i wok hat tru long lukautim wok long kamapim independens insait long kantri na em i laik ting kantri bai go het long mekim nupela gutpela wok long kamapim bel isi na gutpela go het long wok mani..

Bikos long gutpela ples we

PNG i stap long en insait long Pasifik, PNG i bikpela treding patna bilong Saina insait .

Sir Paulias long givim welkam toktok bilong em i tok wok pren namel long tupela kantri i kamap na nau i kamap long nupela ples olgeta. Em i tok dispela developmen i kamap bikos long hat wok long tupela kantri long stap insait long diplometik ron, tred, invesen na arapela fremwok plen.

"Pipels Ripablik bilong Saina i nau kamap impotent hap samtung

long strongim gutpela politikel na ikonomik sindaun insait long Asia-Pasifik rijen na wol. Em i tingting bilong mi olsem dispela gutpela ron bai kamap bikpela long 10-pela yia i kam bihain bikos tupela kantri i wok hat long painim wan kain on, we i gat ikwaliti na rispek," Sir Paulias i tok.

Oktoba 12 long dispela yia bai lukim namba 30 wok pren namel long PNG na Pipels Ripablik bilong Saina.



Strongim sekyuriti long boda

I kam long pes 1

Presiden Kabui i autim tok amamas bilong em long nesenel gavman i kisim Otonomes Bogenvil Gayman (ABG) i go insait long boda toktok namel long PNG na Solomon Ailan.

Em i tok taim Bogenvil na pipel bilong em i wok long lukim gutpela sindaun i kam bek long ailan, em i taim nau long sindaun na toktok long rot bilong lukautim gut na menesim boda was we Bogenvil na nesenel gavman i mas bungim han wantaim na wokim.

Mista Kabui i tok Bogenvil i wet longpela taim long dispela kain toktok i kamap bikos wanem samting i kamap long boda em gavman i save wari long em.

Em i bin tokim ol opisa i makim nesenel gavman long Buka toktok olsem ABG i no sapotim o wanbel long ol pipel i go na i kam long boda eria na kamapim hevi long rijen.

Em i tok ol brata na susa bilong Bogenvil long narapela sait bilong boda i laik wok wantaim ol wanlain bilong ol long Bogenvil sait na wanem samting i kamap long dispela bung, ol i laik kamap hap long em na go insait.

Wanpela de toktok em i kamap namel long PNG na Bogenvil lida tasol bihain ol bai sindaun wantaim ol bikman bilong Solomon Ailan na skruim ol toktok.

Planti Bogenvil pipel i pilim olsem ol bikman i mas luksave olsem samting i sut long boda em i bikpela samting we i ken kamapim hevi na bel pen na ol lida i mas skelim gut ol toktok bikos planti lain long Bogenvil i gat ol famili na haus lain long Solomon Ailan sait bilong boda. Na ol i save i go i kam olsem ol tumbuna boda krosa long wokim ol gaden, famili samting olsem marit o man i dai, maket na raun limlimbur lukim ol haus lain bilong ol.

Presiden Kabui i tokaut tu olsem ol pipel bilong Bogenvil na Solomon Ailan i mas kamapim belgut na sekan pasin bikos long ol hevi na bagarap i bin kamap taim Bogenvil pait i bin kalapim boda i go long narapela sait. Na nesenel gavman i mas stretim dispela kwiktaim.

Long sait bilong sekyuriti na boda menesmen na moa yet, long ol lain bilong narapela kantri olsem ol Fiji lain i bihainim boda na kalap i kam long Bogenvil, Presiden Kabui i tok em i laikim rot bilong kontrolim dispela kwiktaim long boda.

Em bin tok nesenel gavman i noken wari moa long ABG na komitmen bilong em long Pis Agrimen bikos pasin saspek long wanpela narapela i samting bilong bipo na i no nau.

Em i tok Bogenvil i nogat samting bilong haitim long Nesenel Gavman na em i bihainim olgeta samting i stap aninit long Bogenvil Pis Agrimen.

Bung i bin kamap long Hani's Inn i bin gat long em 16-pela bikman i kam long Mosbi we Alexis Maino em Dairekta bilong Intenesenel Rilesen wantaim Foren Afeas i go pas long em. i gat ol opisa long Dipatmen bilong Bogenvil Afeas, Polis, Ami, Koreksenel Sevis, Bogenvil Afeas, Dipatmen bilong Praim Minista, Sivil Aviesen, IPA, Provinsel Afeas na Kastoms.

Dispela bung i bilong kamap wantaim gutpela luksave na ol agenda bipo long toktok wantaim ol lain long Solomon Ailan long sampela taim i kam.

Sampela samting i karamapim boda eria we ABG na Nesenel Gavman i wari long ol em, Noah Musingku na U-Vistrak Kwik mani bisnis we i pulim ol kain man i go insait long Bogenvil, ol soldia bilong Fiji i bin go long Bogenvil las yia yet na sampela moa i laik kalapim Solomon Ailan boda i go long Saut Bogenvil, sampela waitman i save i go na i kam long go long No Go Zone na lukim Mista Musingku we i kamapim hevi long sekyuriti na wok bilong painim gutpela sindaun long Bogenvil.

Nupela banis long sik malaria

PNG bai stat yusim nupela malaria marasin ARCO



Foto: PMS Media

NUPELA MALARIA MARASIN: Praim Minista Gren Sief Sir Michael Somare i lon-sim nupela marasin bilong malaria we ol bai yusim insait long Papua Niugini.

PAPUA Niugini nau bai stat long yusim wanpela nupela marasin bilong daunim sik malaria.

Dispela nupela marasin em ol i kolim ARCO na em i bungim tupela arapela malaria marasin we ol sikmanmeri i gat sik malaria i ken kisim long wanpela taim tasol long kilim binatang bilong en.

ARCO i bin go aut pinis long wanpela wok tra'im insait long Pot Mosbi na Madang. Dispela wok tra'im em Yunivesiti bilong Papua Niugini i bin go pas long en aninit long wanpela wok bung wantaim wanpela marasin kampani bilong kantri Saina, em Kunming Pharmaceutical Corporation.

Dispela nupela marasin em UPNG wantaim Helt Dipatmen i bilip olsem em bai halivim long givim banis long ol pipel long ol nupela kain binatang bilong malaria husat i lainim pinis long sakim rausim ol marasin bilong kilim malaria bilong bipo.

Praim Minista Sir Michael Somare i tok amamas long dispela wokbung namel long UPNG, Helt Dipatmen na Kunming Pharmaceutical Corporation long kari-maut ol wok painimaut long kisim wanpela nupela malaria marasin bilong ol pipel bilong PNG.

"Dispela nupela malaria marasin em i gutpela tru bilong Papua Niugini bikos mipela planti i no save pinisim gut marasin bihain long mipela i pilim orait bek gen. Malaria em i wanpela bikpela birua bilong helt bilong mipela insait long Papua

Niugini. Em i save daunim planti manmeri na pikinini bilong yumi na kilim ol tu. Ol pikinini na mama i bel em ol lain husat i save karim bikpela hevi bilong dispela sik.

"Nau daunim na banisim agensim dispela sik i kamap hat moa bikos ol malaria binatang i wok long senis long abrusim ol malaria marasin," em i tok.

Marasin ARCO em ol i yusim pinis long kantri Saina long sampela yia pinis na nau em i stap pinis insait long sampela arapela kantri long Saut Is Asia na long Afrika.



Swit olsem suga

Ol niusman long Mosbi i bin go lukluk long wanpela eksibisen bilong ol Siapan long Japanis Embasi na long belo taim stret ol Siapan i givim ol grinpela ti bilong dring. Dispela ti em i wanpela spesol ti bilong ol Siapan yet.

Tasol strong bilong PNG long swit bilong suga i moa moa yet na wanpela mangi saki i dring na pilim olsem i nogat wanpela swit bilong dispela ti. Em i kirap na askim ol Siapan, olo boi, dispela ti ya i nogat suga. Plis sampela suga i kam.

Sori tru, Wantok saki ya i no save olsem dispela grinpela ti em ol i no save putim suga long en. Em i wanpela marasin bilong klinim bodi tu ya.

Neks taim, ankol. Tingim Ramu i stap long PNG - i no long bik ples Siapan.

Bihainim Ryan

Husat nau bai stopim olgeta yangpela pikinini bilong yumi long bihainim lekmak bilong Ryan Pini na tra'im dispela spot bilong swimming? Wanpela dai hat Pini sapota i pasim tingting long tra'im long swim pinis. Famili i go waswas long nambis na em i kalap i go insait long solwara. Wantu tasol, em i singaut long mama bilong em na askim, "Mami, bataflai i olsem wanem gen". Tru tumas, bihain taim bilong yumi bai strong moa long swimming nau.

Balus bilong PNG o nogat?


Mangi Karanas i raun long bikpela balus i save karim piksa bilong kumul long en go long Mosbi. I no long taim ol ea hostes i karim kaikai bilong balus i kam. Em i lukim liklik hap keik ya inap stret bihainim namel bilong han bilong em stret. Em i kirap na askim narapela mangi wantok, "Man, ol lain ya olsem wanem? Yumi PNG i nogat ol gutpela kaikai bilong holim bel na ol i wok long giamanim yumi wantaim ol pipia bret bilong ol Malaysia na India? Wopa biskit i nogut?" Em nau. Ol bosman bilong dispela bikpela balus kampani bilong yumi mas opim ai na lukluk long ol bisket, keik na samting we mipela yet i ken mekim hia insait long kantri. Sapos nogat, daunim pe bilong tiket rausim ol kaikai bilong ol arapela kantri na lusim ol pasindia yet i karim ol mumu kaukau, tapiok na smuk pis i go antap long balus bilong kaikai.

Olgeta i save asua

Bikman husat i save strongim toktok long PNG i mas kamap long taim stret ating i bin asua liklik taim em i laik go bungim Tim PNG i bin bung long Sir John Guise Stadium long Mande apinun. Turangu ol yangpela sumatin na manmeri i bin sanap wetim em klostu 1 awa bipo em i kamap. Em i orait. Mipela i klia. Sampela taim bai asua i kamap. Mipela i luksave long strong bilong yu na ol toktok bilong yet.

John Clarke's Coaching

Term One Holidays



15th YEAR IN PNG

Porgera Results...
Grade 8... ALL STUDENTS PASSED THE EXAMS IN 2003 & 2004!!
Grade 10... MOST SUCCESSFUL YEAR EVER IN 2005!!

...DON'T MISS THESE PORT MORESBY PROGRAMS!!


BOOKINGS OPEN MONDAY... APRIL 3. PHONE NOW!!!

325 7033



TOK NOGAT LONG REIP!

SAPOT: Bikpela mas i bin kamap long egensim pasin reip o bagarapim ol meri long PNG. Hia em sampela yangpela man husat i bin mas wantaim moa long tausen meri, sampela man na ol skul pikinini long Boroko long soim sapot bilong ol long ol meri long stopim pasin nogut ya. I gutpela long lukim planti yangpela man egensim pasin bilong bagarapim ol meri bikos dispela i soim piksa nogut tru long PNG i go long wol.



PULAP: Maski traipela san, ol meri long ol kain wok na ol dispela i stap nating tu i no wari. Ol bin bung wantaim na mas i kam long 5 Mail Trefik Lait wantaim ol bena na singaut, "Say No to Rape" Mas i bin stop long Tabari Ples we ol wan wan grup i holim bena bilong ol na go insait sindaun harim ol toktok we ol bik manmeri i bin wokim. Egensim reip mas i bin kamap long selebretim Nesenel Wimens De long Mas 23.



HIRI MAMA: Asi Hisiu bilong ples Boera i winim moa long 90 krismas. Tasol em i stap strong yet. Hia em i prisenim "Lagatoi", em i bikpela samting long tumbuna pasin bilong Hiri Moale Tred we bikpela Hiri Moale festivel bilong ol Motu pipel i kamap long em. Mama na Bubu Asi i prisenim lagatoi i go long Sentrel provins Gavana Alphonse Moroi husat i sapotim ol Boera pipel long kisim Hiri Moale festivel i go long asples stret bilong em. I gat kot i stap yet we ol Boera pipel i laikim bai pablik i tuksave olsem ol i asples stret long Hiri Moale Tredisen.



STRONGIM KALSA: Ol yangpela bilong Boera i go hetim ol pasin kalsa bilong ol tumbuna we ol i mekim aninit long Edai Siahu Faundesen ol bin kirapim long ples yet.



BIKPELA SAMTING: Pik em bikpela samting long PNG na moa yet long Hailans rijen. Llong stretim hevi, ol lain wanpin bilong Hailans ya i bungim ol pik long givim olsem kompensesen i go long narapela we ol i birua wantaim pastaim.



BAGARAP NA STAP: Dispela em wanpela hap long Panguna kopa main ol i kolim long konsentreta. Bikpela hevi long Bogenvil i kamap na planti ol bikpela masin bilong main i bagarap.

Paul i mitim Ryan

DISPELA liklik boi ya em Paul Tiensten Sakete, hap Manus na Kieta long Otonomes Bogenvil Rijen, em inapim driman bilong em taim em i bungim biknem PNG swima i bin winim gol long Komonwel Gems las wik, Ryan Pini, long bikpela bung kaikai we Praim Minista i bin singautim long PNG Tim long Gems long dispela Tunde nait.

Paul em wanpela Gret 2 sumatin bilong long St. Peter's Chanel skul, Erima.

Stat long dispela taim Ryan Pini MBE, i winim gol medol bilong PNG long Melbon, Australia insait long bikpela pilai Komonwel Gems, Paul em i kamap nambawan fen bilong em. Long Sarere taim Paul i go raun long Lealea viles long Sentrel provins, em stat long lainim swim bataflai long nambis pinis.

Taim tim PNG i kambek, Paul i fosim ol hauslain long kisim em i go long stedium long lukim sta bilong em. Tasol em i no wanbel taim em i

no sikan long Ryan olsem em i krai na i no laik go long skul long Tunde moning. Dispela i brukim lewa bilong mama stret olsem na mama i askim wanpela kandre bilong Paul husat i save kisim poto bilong Wantok Niuspepa long karim Paul i go kisim piksa wantaim Ryan taim em i go long dina long Ela Bis Hotel. Olsem na nau em piksa ya. Nau yet Paul i tokim papa olsem em i laikim swiming pul baksait long haus. Papa nau i paul paul i stap.

Papa bilong Paul i bin wanpela long ol i makim PNG long Nesenel Ragbi Yunien tim na mama em makim PNG long soka. Tasol i luk olsem pikinini bai bihainim feveret pilaia bilong em long swim, em Ryan Pini.

Paul em i laki manki stret bikos i no olgeta liklik manki we inapim ol kain driman long bungim ol fen bilong ol.



Foto: Nicky Bernard

INAPIM DRIMAN: Paul Tiensten Sakete i bungim feveret sempion bilong em, Ryna Pini.

Gutpela Kot so long Buka

Aloysius Laukai i raitim

OTONOMES Bogenvil Gavman (ABG) i autim bikpela amamas long kot so we i kamap insait long Buka.

Dispela kot so i ron long wanpela wik olgeta na wok bilong dispela i long bringim ol kot klostu long ol pipel we i kamap isi long pablik long kisim sevis long bekim ol kros pait na holim pasim bel isi ga gutpela sindaun insait ol komyuniti.

"Wok bilong tim husat i mekim dispela so i long skulim ol pipel wei ol i ken yusim ol kot. Em i gutpela tingting tasol em i wanpela we i kisim longpela taim long mekim

bikos jastis sistem i nupela long yumi na em i mas gat strongpela aweanes na brod bes komyuniti sapat," Vais Presiden bilong ABG, Joseph Watawi i tok.

Em i tok jastis sistem mas strongim wok long yusim ol lo we i stap long luksave na yusim ol kastom na tingting we i stap we jastis i gat mining long ol pipel.

Long dispela taim i gat ol planti Nesenel Kot kes we i stap yet long ol kot i harim bikos i bin nogat Nesenel Kot sindaun insait long Bogenvil long longpela taim nau.

Australia Ed (AUSAID) i fandim dispela kempen aninit long Lo na Jastis Sekta Program bilong en.

Sonoma koles i baim graun long mekim skul wok

MOA long 600 sumatim, ol tisa, ol ges ol i askim ol long go na ol plantesen woklain i bin bung long Sonoma Ewentis Kolis long Kokopo, Is Nu Briten long stap insait long

seremoni long blesim hap graun skul i bin baim long karimaut wok bilong em.

Oi bin toktok long dispela 80 hekta hap graun wantaim ol gavman atoriti na baim

dispela hap graun las yia. Long nau, ol sumatin i wok long wokim ol gaden long em tasol long taim yet bilong em, skul bai yusim long sanapim moa bilding long em.

Bogenvil kirap long olgeta hap

Aloysius Laukai i raitim

I gat ripot olsem sik HIV na AIDS i wok long kamap strong long Bogenvil na i nogat rot bilong pasim dispela sik long wanem Human Rait lo i tambuim ol lain bilong haus sik long kisim namba tu tes long ol man/meri o i lukim olsem ol i karim dispela binatang nogut.

Laboretori Teknisen bilong Buka General

....Ripot tok AIDS go bikpela

Hospital, Jacinta Mangona i bin tokim bung bilong ol niusman long Buka olsem sik bai go antap moa yet sapos Otonomes gavman i no mekim wanpela lo bilong sevim pipel bilong en long Bogenvil.

Ms Mangona i bin tok namba em Nesenel na Provinsel AIDS komiti i wok long kolim olsem namba pipel i gat dispela sik i no trupela namba long wanem dispela human rait lo i

pasim tru ol wokman/meri bilong ol haus sik long Papua Niguni long bihainim ol sikman/meri na autim tok tru long ol namba bilong AIDS siklain.

Em i tokim ol niusman na ol provinsel AIDS komiti memba olsem wok long paitim dispela kain sik ino nap kamap gut taim dispela lo i wok long pasim ol lain bilong haus sik long mekim dispela wok.

Nau yet long dispela taim, dispela miting i bin tok orait long olgeta grup husat i save karim aut AIDS awenes long wokbung wantaim na helpim daunim dispela sik long Bogenvil.

Dispela miting i tok-save tu olsem wok bilong testim ol lain i gat dispela sik i mas bringim ol ripot bilong ol long Provinsel AIDS Kansel opis long lukim olsem ripot bilong hamas man meri i gat dispela sik em i wanpela kain tasol.



PNG LAW AND JUSTICE SECTOR

TOK SORI

Siaman bilong National Coordinating Mechanism (NCM), Mr Valentine Kambori MBE wantaim ol wokmanmeri i makim Lo na Jastis Sekta i givim bikpela tok sori long ol famili bilong Leit Misis Jeanette Leah O'Connor (nee Pokut).

Jeanette em i wanpela strongpela memba bilong Sectoral Approach, i makim Ombudsmen Komisin long Lo na Jastis Sekta Woking Grup na tu long sampela Teknikel Grup.

Ol wokmanmeri bilong em bai i misim em tru long wanem em wanpela strongpela na gutpela meri long wok.

Long ol wanfamili, man bilong em, ol pikinini, wokmanmeri bilong Ombudsmen Komisin, mipela i stap sori wantaim yupela long dispela dai bilong wanwok, fren, menta, mama, bubumeri na wanpela strongpela Papua Niugini.

Bai sol bilong em i ken kisim gutpela malolo na bai ol gutpela pasin bilong em bai i ken strongim mipela long karim wok bilong em we i lusim bihain.

Valentine Kambori, MBE
Siaman bilong NCM

Hakaua Harry
Siapesen, L&JSWG

Sumatin bung pait kamap bikpela

Bustin Anzu i raitim

PASIN bilong ol sumatin long pait wantaim narapela sumatin long narapela skul i wok long kamap bikpela insait long ol skul bilong siti.

Dispela pasin bipo i kamap long ol skul bilong ol waitman na mipela i save lukim long TV na ridim long Niuspepa. Nau i kamap long haus dua skul bilong mipela stret.

Dispela kain pasin bilong ol skul i salensim skul ngu i wok long kamap bikpela insait long Lae siti na planti papa mama i pret pinis bai ol i daunim dispela hevi olsem wanem.

Long las wik, tupela sumatin bilong Lae Sekendari Skul i kisim bagarap wantaim naip long bodi bilong tupela bihain long ol sumatin long tripela hai skul insait long siti i bung pait long tupela. Dispela birua bilong ol skul pikinini i kamap long traipela apinun.

Tupela sumatin wantaim i save wokim Gret 11 na tupela i laik wokim sampela skul rises taim ol narapela sumatin i bungim tupela long Kamkumung na katim tupela wantaim naip.

Ol dispela sumatin husat i bung pait em ol i ting ol sumatin bilong Busu Hai Skul, Malahang Teknikel na Bumayong Sekendari Skul.

As bilong dispela hevi i no kamap klia yet na ol dispela skul wantaim polis i wok long mekim painim aut tasol strongpela tingting em olsem ol dispela skuls i bekim bek long sampela birua bilong las yia wantaim ol sem skul insait long Lae siti.

Wanpela bilong dispela sumatin i

bin go long Yunitech klinik na ol lain long haus sik i somapim em long bel bilong em.

Klinik bilong Unitech i tok ol i bin somapim dispela sumatin na sem taim prinsipel bilong Lae Sekendari Skul Chris Raymond i tok dispela kain pasin ino gutpela tru.

Prinsipal Raymond i tok long moning bilong dispela taim, wanpela mama bin lusim Bumayong long 3 kilok apinun na kam tok save long dispela samting we ol sumatin i pasim tok long wokim dispela trabel.

Tasol taim mama kam kamap, ol i kisim stori olsem tupela sumatin bilong ol i kisim bagarap.

Em i tok wanpela bilong dispela ol sumatin husat i kisim bagarap i ron i go bek long skul long toksave long dispela birua kamap namel long ol.

Raymond i tok taim ol i harim dispela stori long apinun ol i bin pasim skul na skul ka i go lusim ol sumatin husat i save slip ausait long siti.

Husat i save stap insait long siti, ol polis i was long ol long bus stop na ol i go long haus.

Em i tok tu olsem skul yet bai wok painim aut na putim ripot i go long polis.

Long las yia, wankain birua i bin kamap long narapela skul insait long taun we wanpela sumatin i kisim naip na sutim na kilim idai wanpela tisa na bagarapim narapela wantaim ol sumatin.

Dispela sumatin, em ol polis i kisim em na sasim em pinis na nau wet long go kamap long kot.

Buimo wet yet

BUIMO haus kalabus long Lae, Morobe Provins i wet yet long Provinisel gavman long givim sampela mani long wokim gutpela gad haus na bum get. Dispela em promis bilong Gavana Luther Wenge long las yia.

Gavana i bin mekim dispela promis taim ol i bin openim nupela bris long go insait long CIS banis. Olsem na ol wokman meri bilong CIS wantaim ol lain kalabus i wet long lukim dispela senis i kamap.

Bosmeri husat i lukautim CIS Buimo Sief Inspekta Judy Tara i tok dispela em wanpela promis Gavana yet i bin mekim na ol i wet long dispela.

Em i tok tu olsem dispela gat haus na bum get em bai helpim ol long mekim wok bilong ol gut.

"Bum get nau em nogat woda i stap long wanem, ino gat gutpela haus i sanap. Dispela em long helpim ol woda long wok bilong ol na tu long

luksave long ol visita husat i go kam insait long banis kalabus.

"Dispela get bai skelim planti manmeri husat i save raun nating nating," em i tok.

Em i tok Mabey na Johnson, kampani husat i bin wokim dispela bris na tu ol narapela bris insait long kantri, ibin givim pinis K14, 000 na ol i wet long narapela K10, 000 we Gavana i bin promis long em.

Long wankain taim tu bosmeri Tara i tok namba bilong ol lain long haus kalabus igo antap tumas winim mak. Tasol wantaim luksave bilong Nesinol Kot, namba bai surik i kam daun.

Em i tok 270 lain i wetim kot yet na 230-pela i kisim taim pinis. 150-pela wet kot lain, ol i kisim i go stap wantaim ol lain i kisim taim. Tasol dispela tupela sel haus tu i gat samting olsem 100-pela kisim taim lain istap.

Dispela em ol i brukim pinis kot oda, we ol i kisim long 2003, we i tok, ol i ken kisim 70 tasol.

Taun Rets i klinim Wewak taun

Fuzo Paul i raitim

TAUN Rets em i nem we sapos yu raun long ol strit insait long ol bikpela setelmen bilong Wewak taun bai yu harim.

Ol soti mobs bai pairapim long promotim ol liklik operesen bilong ol insait long taun olsem pikpoket, salim drag, salim yawa na ol liklik pasin nabaut we i save kamapim planti belpen na pipia insait long Wewak taun.

Tasol nau ol Wewak Taun Rets i kamap wantaim nupela na gutpela tingting. Ol i no moa laik long wokim pekpek na pipia long taun. Nau ol i laik klinim pipia insait long taun bilong ol.

Olsem na nau, Wewak taun nau i lukim olsem taun i klin gut long wanem, ol Wewak taun yut i statim pinis bikpela voluntia klinaton program we olgeta taun ret yut i bin givim fri helpim long klinim Wewak taun.

Dispela voluntia klinaton program i bin stat long las wik Monde we i lukim ol Taun Rets i kamaut long olgeta kona bilong ol setelmen insait long biktaun bilong Is Sepik provins na soim gutpela piksa tru long givim fri han long klinim gut taun bilong ol.

Olgeta hip pipia arere long ol rabis dram, ol pipia bilong ol rot sait, maket, ol pipia insait long ol barek i klin olgeta long han bilong ol taun rets.

Ol boi i wokim wok klinap i kam daun olsem long Dagua Maket. Ol i karim aut tu awenes long tambuim pasin bilong tromoi pipia na tu tokim ol pablik long helpim long kipim Wewak taun i mas fri long pipia.

Man i go pas long dispela klinaton program, Kansela bilong Kaindi, Vincent Namis i tok dispela voluntia klinaton program bai i kisim ol i go insait long wanpela bikpela drag awenes pro-

grem we i stap insait wantaim Wol Environmen De program.

Mista Namis i tok klinaton program bai i go het yet we ol yut bai lukautim taun long lukim olsem ol pablik insait long Wewak taun i harim tok na i noken tromoi pipia nabaut.

Kansela Namis i tok em i taim nau ol yut insait long Wewak taun i mas kontributim sampela gutpela developmen i go insait long sosaiti bilong ol.

Em i tok bihainim dispela klinaton program bai ol yut i lukluk long planim ol plawa raunim taun na tu redi long holim wanpela bikpela open forum we ol yut bai toktok long ol drag isu we i wok long bagarapim sosaiti na ples ol i stap long em. Long wankain taim, bai helpim ol yet long luksave long ol hevi we drag olsem mariwana i ken kamapim insait long wanwan laip bilong ol, em i tok.

Dreikikir meri gat distrik kaunsel



OPIM: Ol Dreikikir meri lonsim Distrik Meri Kaunsel bilong ol.

OL meri long Dreikikir Distrik insait long Is Sepik i lonsim distrik kaunsel bilong ol meri las Fraide.

Dispela i pundaun wantaim de bilong ol meri, Nesenel Wimens De.

Mary Soodrawu EM Presiden bilong Is Sepik Kaunsel bilong ol Meri i tok ol i makim dispela de yet long lonsim Dreikikir Distrik meri kaunsel long selebretim ol wok go het ol meri i kamapim na long etresim ol salens we ol meri PNG i gat long em tude.

Dreikikir em namba wan distrik long Is Sepik long gat distrik kaunsel bilong ol meri aninit long nupela Mama Lo bilong Is Sepik Kaunsel bilong ol Meri bai sapatim 26 kaunsel long provins.

Ms Soodrawu i tok dispela em i wanpela bikpela

senis long sait bilong ol meri we bai helpim olgeta meri long kam wantaim na sapatim wanpela arapela long salensim stap bilong ol meri PNG tude.

Nupela Presiden bilong Dreikikir Distrik Wimen's Kaunsel Dorca Silas i amamas olsem ol atoriti i harim nek bilong ol meri long distrik na em i gat bilip olsem bai ol i kirapim wanpela risos senta bilong ol meri we bai helpim ol meri long ol wok bilong ol.

Em i gutpela mak long lukim planti ol gutpela wok i kamap long Dreikikir distrik. Dispela i soim olsem ol manmeri i redi long kamapim wok maski planti taim helpim i kam long ol atoriti i save hat. Kain tingting bai helpim gut tru ol pipel.

Graun bruk givim bikpela hevi

James Kila i raitim

MOA long 50,000 manmeri insait long Kundiawa-Gembok distrik long Simbu provins nau yet i bungim bikpela hevi tru na i no inap moa kisim gavman sevis bikos bikpela ol graun i bruk na pasim rot olgeta.

Ripot Wantok Niuspepa i kisim long dispela hap i tok olsem graun bruk i kamap long 15-pela hap bilong rot namel long Gembok na Kundiawa na ol dispela bikpela namba bilong ol manmeri i no inap tru long go long taun long Kundiawa na salim gaden kaikai na kopi bilong ol.

Plantil ol pipel long Gembok em ol lain bilong salim ol gaden kaikai olsem poteto, brokoli, kauliflaua na ol kumu na kaikai bilong kol ples. Nau yet ol dispela fama i no inap long karim ol samting bilong ol i go aut long maket na salim bikos rot i pas olgeta.

Narapela bikpela samting tru em ol turis husat i save laik i go lukluk raun long bikpela maunten bilong PNG em Maunten Wilhelm i no inap long go nau bikos rot i pas olgeta na ol trak i no inap mov. Saplai i go long ol

.....ol fama kisim taim tru na nogat turis go long Maunten Wilhelm



BAGARAP: Ol ples manmeri i wokabaut raunim wanpela traipela ston i sindaun long rot long Bimbanono klostu long matmat bilong leit Gavana Jenerel Sir Ignatius Kilage.

stesis insait long Gembok olsem Maunten Wilhelm Hai skul na ol Katolik misin stesis i painim hat long givim ol saplai na tu ol sevis long sait bilong helt na ol gavman sevis i no inap go insait long sevisim ol dispela pipel.

Ol tua opereta husat i save

karim ol lain turis i go antap long Maunten Wilhelm long kisim poto na lukluk raun long dispela ples tu nau yet i bungim bikpela hevi stret. Maunten Wilhelm i save pulim plantil ol turis i kam long kantri olsem Japan na taim dispela hevi i stop, mani i kam insait long provins long



GAVMAN WE: Bipo memba bilong Kundiawa-Gembok Wagi Merimba i singaut askim sapos gavman i luksave long hevi bilong ol pipel bilong em.

sait bilong turis tu bai go daun.

Wanpela sinia lidaman na bipo memba bilong Kundiawa-Gembok, Wagi Merimba i mekim bikpela singaut i go long nesanel na provinsel gavman long hariap long mekim sampela samting long stretim dispela

hevi bikos laip na sindaun bilong moa long 50,000 manmeri long dispela distrik i bungim bikpela hevi tru.

Insait long wanpela narapela ripot Wantok Niuspepa i kisim i tok olsem sampela ol man bilong wanpela ples Bobanono insait long dispela eria we i painim bikpela

bagarap i kamapim wanpela kain pasin tru long rausim ol pats bilong wanpela kar ol i save yusim na bihain ol i karim i go long hapsait na joinim gen na laik bringim ol i go olgeta long Kundiawa taun.

Long dispela ples Bobanono wanpela bikpela graun bruk i karim ol ston na ol hap sait bilong maunten olgeta i kamdaun na karamapim hap bilong rot. Dispela eria i bagarap tru wankain olsem ol narapela hap long rot.

Ol dispela lain long Bobanono i bin wet longpela taim tru na ol i belhat na ol het i rausim ol pats na samting bilong bilong kar long narapela sait na karim i go long hapsait na stretim gen na ol bai ron i go long Kundiawa.

Dispela kain pasin i soim tru olsem ol pipel long dispela eria i nidim tru sevis na hevi bilong graun bruk na rot bagarap i bagarap tru sindaun bilong ol long ples.

"Gavman na memba bilong mipela i stap we? Mipela ol pipel i gat bikpela hevi tru na taim mipela nidim helpim bilong gavman na memba ol i no stap" wanpela lida bilong Gembogl Kagl Bagme i tok.

Wok stretim Hailans Haiwe bai stat

Noreen Dada i raitim

WOK long stretim sampela seksen bilong Hailans Haiwei bai kamap bihain Gavman i bin givim fanding.

Nesanel Eksekutiv Kaunsel (NEC) i givim tupela kontrek i go long Shorncliffe na COVEC PNG long mekim dispela wok.

NEC i givim K31, 956,341.00 long Shorncliffe long stretim Okuk Haiwei long Mai Bris i go

long boda bilong Isten Hailans na Simbu na i go long Kundiawa. Wok long rot long Kundiawa i go long Miunde Bris long boda bilong Simbu na Westen Hailans bai COVEC PNG i wokim long mani mak we i sanap long K31, 647,408.00.

"Wok long stretim Hailans Haiwei bai Gavman bilong PNG tasol i fanding na em i makim namba wan taim we gavman i fanding bikpela infrastraksa projek.

Wok long stretim Okuk Haiwei i stap namba wan long wok we gavman bilong mi mas mekim na stat long dispela wok i evidens long pablik na bisnis komyuniti long komitmen bilong gavman," Sir Michael i tok.

Tupela kontrek i kam aninit long namba wan hap wok bilong ri-divelopmen na wok mentenens long impotent seksen long nesanel haiwei, we i bungim bagarap long ol kris-mas we i go pas.

Taitwara bagarapim Bena

Sape Metta i raitim

TAIT na hai wara long Bena Bena Distrik insait long Isten Hailans i bagarapim sindaun bilong pipel.

Bena Riva i solap na pundaun i go insait long distrik na bagarapim ol gaden na karim plantil ol enimol olsem bulmakau i go. Sampela haus tu riva i wasim i go.

Dispela hevi i bagarapim na rausim tu 4-pela bris we i bungim Bena Bena wantaim Goroka taun.

Mausman na Unggai/Bena Distrik Eksekutiv Opisa, Tebani Onopika i tokim Wantok Niuspepa olsem nau yet moa long 10,000 pipel long ol 17-pela viles husat i kisim bagarap

long apa na lowa Bena i stap long bikpela hevi tru.

"Klostu long 200 famili i lusim haus bilong ol na ol pipel long dispela eria i singaut i go long provinsel disasta opis na provinsel gavman long lukluk na helpim ol. Long dispela kain taim nogut, i gat bikpela sans long ol man painim sik," Mista Onopika i tok.

Mista Onopika i tok em i mekim ol ripot na salim i go long opis bilong Isten Hailans Gavana, provinsel disasta opis na opis bilong Memba bilong Unggai/Bena long lukluk long en long givim helpim.

FEBRUARY CLEARANCE SALE

YAMAHA E25BMHLR

- ✓ 25hp Enduro
- ✓ 2 Cylinder, 2 Stroke
- ✓ Manual Start, Pre Mix
- ✓ Manual trim/tilt
- ✓ Tiller handle & shallow water drive

SPECIAL PRICE

K6,699

Available Immediate Delivery

For More Information Contact your nearest Ela Motors branch

Port Moresby.. Ph 3229400	Kavieng..... Ph 9842788	Wewak..... Ph 8562255
Lae Ph 4781800	Kimbe.....Ph 9835155	Vanimo... Ph 8571254
Kokopo..... Ph 9829100	Lihir.....Ph 9864059	Tabubil... Ph 5489060
Madang..... Ph 8522188	Buka.....Ph 9739915	Alotau.... Ph 6410100

Email : jmoveh@elamotors.com.pg

Ela Motors

Offer Expires: 31 / 03 / 2006 or until Stocks Last!

Redio Stesen helpim ol Mekeo pipel

Harlyne Joku i raitim

MEKEO pipel bilong Sentrel Provins husat i bungim bagarap long tait wara i kisim helpim wantaim ol klos samting.

Ol bisnis haus na pablik insait Pot Mosbi i givim helpim long 3000 kilogrem long ol samting olsem klos taim lokol provinsel reidio stesen, FM Sentrel i kamapim Hiritano Tait Wara Apil we i ron long tupela wik olgeta.

FM Sentrel Program Dairekta William Mairi husat i go pas long ronim apil i tok bekim bilong pipel bilong Inauabui i gutpela tru.

"Ol viles lida i givim gutpela welkam na ol pipel i kisim ol samting wantaim amamas," Mista Mairi i tok.

Opis bilong Sentrel Provins Gavana i salim ol samting i go long ol Mekeo pipel long las wiken.

Mista Mairi i tok tenkyu long Gavana Moroi long givim sapot bilong en long givim trenspot na em i tok tenkyu tu long ol bisnis haus olsem Mondo Seken Han Klos, Wridgeway Rimuvels, Seken Taim Raun na Kukus Kilomat Em i tok tenkyu tu long ol pablik na wan wan man husat i bekim dispela apil.

Wara i stap na yumi stap

LAS wik Trinde Mas 22 em bikipela de bilong tingim wara em bikipela samting long laip. Olsem na long dispela taim ol wokman bilong wara i bin raun long skul long Mosbi long toktok long ol skul mangi long wara.

Dispela de bilong wara em insait long olgeta kantri long wol ol i makim na tingim we ol i kolim Wol Wara De.

Long Papua Niugini ol wokman bilong wara kampani EDA RANU i bin raun long ol skul olsem Kilakila Sekonderi Skul, Bavaroko Praimeri Skul na Ted Diro Praimeri Skul long skulim ol skul pikinini long lukim save gut long wara em i bikipela samting long

laip na ol i mas lukautim gut na was gut long en.

Bikipela tok skul em wara i no samting nating long yumi long kisim na yusim. Wara i kam long rot bilong em yet na yumi no mekim wanpela samting long en. Olsem na yumi mas lukautim gut.

Long sait bilong ol taun na siti, wara i kam long bikipela hatwok we ol wokman bilong wara i pulim i kam long paip na klinim gut na bihain salim long ol paip i go long wanwan haus na ol lain long yusim.

Ol skul pikinini kisim save tu olsem long taun na siti wara i save kos mani tu. Ol bai peim wara bil taim ol i yusim wara. Olsem na ol i mas yusim gut wara na


noken westim wara bikos bil bilong wara bai i go antap na bai papa-maam i hatwok long westim moa mani bilong lukautim famili bilong ol.

Insait long dispela skul program ol pikinini i amamas long harim ol gutpela toktok bilong wara na ol i kamap wantaim ol kain kain askim long ol wokman bilong wara long bekim.

Ol tisa i bin tok amamas tu long ol wokman bilong EDA RANU long raun long ol skul na skulim ol skul pikinini long dispela bikipela samting we i stap long sevim laip na sindaun bilong yumi olgeta man-meri bilong dispela graun.



HARIM: Ol skul pikinini bilong Bavaroko Praimeri skul i harim ol toktok bilong wara i stap.



BODA AILAN: Tripela yangpela manki i amamas malolo i stap taim ol i pis long dispela ailan i stap namel long Saibai na Daru, em bodamak bilong Australia na PNG. Ailan ya i gat ol mama bilong ol traipela ston, olsem dispela yu ken lukim long foto.

US bai lukim Galp Kalsa



KALSA EM BUN: Lapun papa wantaim ol yangpela manki i mekim save long soim kain danis we ol ovasis lain i save amamas long lukim. *Fail foto.*

Noreen Dada i raitim

KALSA bilong tupela hap ples bilong Galp Provins bai stap insait long wanpela so long Yunaitet Stets.

Kalsa bilong Baimuru

na Kikori bai stap long Nu Hampshire insait Yunaitet Stets. Dispela so ol i kolim "Pulim ol Masalai" na i tingting we i kamap namel long PNG Nesanel Musiem na Art Galari na Hood Musiem bilong Arts long

Dartmouth Kolij.

Tupela man husat bai go long promotim tupela kalsa em Sebastine Haraha, teknikel opisa husat save karimaut ol wok risets long ol samting bilong bipo insait long

Nesanel Musiem na Art Galari na Kaia Rova, viles kaunsela an, memba bilong Galp Turisim Bod long Mapaio insait Baimuru distrik.

Mista Haraha i tok so i kamap long tingting bilong Dokta Robert Welsch bilong Hood Musiem bihain em i lukim planti samting long sait bilong kalsa we i kam long Galp Provins taim em i bin raun long provins long yia 1999.

Eking Dairekta bilong Nesanel Musiem, Simon Poraituk i tok ol kain so save kirapim aweanes long arapela long kantri na i save salim PNG olsem wanpela kantri we ol turis i mas kam long en.

Mista Haraha na Rova i lusim kantri long las wik na bai stap long U.S long 3-pela wik olgeta.

Ol Hap Hap Nius

Kerema Hai skul i pas

KEREMA Hai skul insait long Galp Provins i pas bihainim sik taifoid long skul.

Ol ripot i tok ol helt atoriti i givim tok orait long pasim skul bihain long 30 sumatin i bin go long haus sik wantaim dispela sik. Sik taifoid i mekim man i pekpek blut na i save kamap long kaikaim kaikai ol i redim wantaim han i no klin o kukim long ples i deti. Na dringim deti wara. Ripot i tok Galp Provinsel etminsitresen i givim

K200,000 long helpim stopim dispela sik nogut. Long nau, ol i salim ol tisa na sumatin i go long ples na sekim ol toilet, wara samting na karimaut mentenens long skul.

Ol ripot i tok ol bai salim ol sem-pol ol i bungim raun long skul eria na salim i kam long Mosbi long ol lebaretori long haus sik i sekim.

Motu Koitabu lusim bikman MAN husat i save sanap strong long pait long rait bilong gutpela

luksave long ol papa graun bilong Pot Mosbi siti i dai.

Leit Adira Gumasa i bin stap olsem Siaman bilong Kaunsel i go inap em i lusim laip bilong em long dispela wik.

Mosbi Not Is Memba Casper Wollom i tok leit Mista Gumasa i save makim maus bilong pipel bilong en na i kamapim nupela Motu Koitabu ilekoret. Em i salim tok sore i go long pipel bilong Motu Koitabu long dai bilong bikman ya.

Laikim lo bilong kilim ol reip lain

WANEM taim bai lo bilong kilim ol reip lain bai kamap?. Olgeta taim yumi ritim long nius pepa na harim long redio bai i gat stori bilong reip o man bagarapim meri. Olsem na lo bilong kilim ol dispela kain raskol bai kamap long wanem taim?.

Gavana bilong Sandaun provins, Carols Yuni i bin mekim dispela askim bihainim dispela hevi we em i askim Minista bilong Jastis (Minista i go pas long lo) long tokim kantri olsem wanem taim bai dispela lo bilong kilim ol man i reipim ol meri i kamap wantaim tu lo bilong kilim man i kilim arapela i dai.

Minista i go pas long lo o Jastis, Mark Maipakai i tok i gat lo pinis long lukluk insait long ol dispela kain hevi bilong man kilim man o bagarapim meri. Tasol sapos yumi laik kamapim lo bilong kilim ol man husat i bagarapim ol meri, orait Kabinet i givim orait pinis long surukim taim bilong ol sas i go moa long kampim dai long dispela trabel man.

Olsem na dipatmen bilong em i wetim yet kabinet long putim aut dispela ripot long palamen i tok-tok long en.

Mista Maipakai tok taim dispela ripot i kamap long palamen, em nau ol memba i ken autim wanem kain mekim save ol i laikim bai i kamap long dispela lo bilong mekim save long ol lain i save bagarapim ol meri.

Ol arapela lida na memba bilong palamen i bin toktok hat tru long dispela hevi bilong ol man i bagarapim meri insait long kantri.

Ol grup we i sapotim rait bilong ol meri na famili i askim gavman long kamapim strongpela lo long mekim ave long ol lain i mekim dispela kain pasin bilong reip na dispela i bin kamap ples klia long egensim reip mas las Fraide.




STRONGPELA TOKTOK: Kain toktok i sut long ol atoriti long givim strongpela mekim save long ol lain i save bagarapim ol meri na kilim i dai narapela.


Raun Lukim ol Meri na Pikinini



SOIM SAPOT: Ol pikinini man, ol yangpela man i mas wantaim ol mama long autim bel kros long pasin bilong reipim ol meri.



EGENSIM: Virginia Molok na Cathy bilong Katolik Bisops Konferens i stap insait long mas egensim reip tu.



MAN SAPOTIM: Liklik lain man i save wokim pasin nogut long bagarapim ol meri na mama. Ol man long mas i autim strongpela tok egens long reip na askim ol brata i wokim dispela pasin long stop na givim luksave long ol meri. Ol i laikim bikpela mekim save long ol reipis tu.



SITI MISIN: Ol yangpela man bilong Siti Misin i stap insait long meri sapot mas.



GREENPEACE: Sevim environmen grup, Greenpeace, i joinim mas.

Lo bilong Lukautim ol Meri



Skruim Mentenens Toktok

Oda bai stap inap wanem taim?

Mentenens oda bilong yu yet bai i stap inap kot i tok i mas pinis. Kot bai pinisim mentenens bilong yu sapos yu brukim marit o sapos yu gat kot long adaltri (tasol kot i no inap pinisim mentenens sapos yu soim olsem man yet i no mentenim yu, olsem na yu painim narapela man. Sapos yu na man bilong yu i sindaun wantaim gen, em i mas baim yet mentenens bihainim kot oda, inap em yet i go bek long kot na soim kot olsem em i lukautim yu gut gen.

Mentenens oda bilong pikinini bai stap inap pikinini i winim 16-pela krismas, maski sapos yu marit gen.

Kastodi oda tu bai stap inap pikinini i winim 16-pela kris-mas.

Moa long neks wik.

Sotpela Tok Lukaut

Skruim AIDS Toktok

Bilong ol mama i gat HIV/AIDS na i susuim bebi.

Susu i gutpela kaikai bilong ol bebi. Em i save banisim bebi long kisim pekpek wara na planti arapela desis. Mama mas givim susu long bebi maski mama o pikinini, o tupela i gat HIV o AIDS. Tasol sapos helt kea wokman i givim yu risen o astok long noken givim susu, yu noken givim susu. Ol meri husat i save ol gat HIV mas kisim etvais long helt kea wokman long wanem wei ol i ken givim kaikai long bebi.

Moa long neks wik



Kuk Kona wantaim MERI WANTOK

BANANA PENKEK

Yu mas i Gat:

- 1-pela mau banana (mesim)
- 12-pela Tebelspun flawa
- 2-pela kiau
- 3-pela Teibelspun suga oil

We Yu Redim na Mekim:

1. Miaksim banana, flawa, kiau na suga wantaim na paitim isi.
2. Skelim 1-pela teibelspun long ol samting yu tanim na putim insait long praipan wantaim hotpela oil. Praim tupela sait i go inap ol i braun.
3. Tromoim suga antap.

STORI TASOL



wantaim

FR. PAUL LIWUN. SVD

Rot bilong bilong Holi yumi mas stretim olgeta taim

INSAIT long buk bilong em, SONG OF THE BIRDS - Pater Anthony de Mello, SJ - i bin raitim wanpela stori bilong wanpela save-man husat i bin wokim rifleksen o glasim laip bilong em yet. Save man i bin tok:

"Taim mi stap yangpela, mi i gat strongpela laik long senisim dispela graun. Olsem na prea bilong mi long God i go olsem; 'Lord - givim mi pawa long senisim dispela GRAUN'."

Tasol taim krismas bilong mi i kamap olsem 45 yia, mi bin luksave olsem hap bilong laip bilong mi i pinis, tasol mi no bin senisim wanpela man yet long laip bilong mi. Olsem na mi senisim prea bilong mi long God long dispela taim; 'Lord, givim mi planti blesing na grasia long senisim olgeta manmeri i save stap klostu long mi. Nambawan em ol FAMILI memba bilong mi na ol PREN bilong mi. Sapos ol i senis, mi bai amamas."

Tasol nau mi kamap lapun pinis na de bilong laip bilong mi tu inap long kaunim wantaim pinga bilong mi. Long dispela taim mi luksave olsem - mi wanpela longlong man. Mi bin kamap stupid stret long laip bilong mi na ai bilong narapela. Olsem na prea bilong mi long God i kamap olsem; 'Lord, givim mi blesim na grasia long mi, bai mi inap long SENISIM MI YET'. Na man ya i tokim em yet olsem: 'Sapos dispela prea mi bin askim God taim mi stap yangpela yet, ating mi no bai lusim taim."

Gutnius bilong namba tri Sande bilong Len i skulim yumi long SENIS o KAMAP NARAKAIN, olsem stori bilong Anthony de Mello. Gutnius i stori long Jisas i kamap narakain antap long maunten: Pes bilong em lait olsem san, na laplap samting bilong em i kamap waitpela olsem lait". (Mt:17:2)

Jisas i kamap narakain long maunten i skulim yumi olsem yumi tu mas senis na kamap narakain olgeta taim. Olsem wanpela olpela tok: "YOUR CHARACTER IS YOUR FATE". Yumi mas senis olgeta taim long kamap srong long kristen bilip bilong yumi. Bilip bilong yumi i no kamap/gro wantaim taim tasol na i pinis. Nogat. Bikos yumi stap long olgeta de, long narapela situesen, narapela taim, na kankain salens i save kamap. Olsem na yumi nidim taim bilong senis kamap narakain olgeta taim.

Ating planti bilong yumi i bin draiv o kalap long ka na kamap long sampela hap rot, ol man i wokim/stretim rot i stap. I gat bikpela masin i stretim rot, olsem na trafik i save jam na sampela taim ol i dairektim yumi i go long narapela rot. Wanpela taim, man i draivim greida i gat aidia long mekim ol manmeri i stap isi na i no belhat taim ol i kamap long ples we i gat jam na planti ka i wokabaut isi isi na bihainim narapela rot nogut.

Dispela draiva bilong greida i bin raitim na hangamapim wanpela toksave long fran na long baksait bilong greida bilong em. Em i bin raitim olsem: "THE ROAD TO HAPPINESS IS ALWAYS UNDER CONSTRUCTION." Em i tru. Yumi ken yusim dispela toksave long spiritual laip bilong yumi - olsem; ROT BILONG KAMAP HOLI YUMI MAS STRETIM OLGETA TAIM. Sapos yumi laik kamap gutpela kristen manmeri, stretim yumi yet pastaim. Na bihainim yumi ken stretim ol manmeri i stap klostu long yumi.

Baptais na Marit - Ista Meditesen

Bisop Stephen Reichert i raitim

ISTA em i gutpela taim bilong tingting gen long Baptais bilong yumi. Em i gutpela taim bilong ol marit manmeri i tingting tu long ol gutpela pasin na lo ol i bin promis pinis long bihainim taim ol i kisim Sakramen bilong Marit na sekan long haus lotu.

Jisas i kam bilong i stap wantaim yumi. Em i bihainim tok bilong God Papa na em i autim Gutnius.

Em i tokaut olsem, God i laikim yumi na em i marimari long yumi. Jisas i autim plen bilong God tu, ol lo bilong em na pasin God i laikim bai yumi ken bihainim long kisim laip bilong ol taim.

Bilong pinisim wok Papa i givim em, Jisas i karim pen na em i dai long diwai kros. Em i givim laip bilong em olsem wanpela ofa na sakrafais bilong baim bek yumi.

Tasol bikos em yet i no mekim sin, God i kirapim em long namba tri de.

Long dispela Jisas i soim yumi olsem, yumi tu bai kisim nupela laip bilong oltaim.

Ol dispela bilip bilong sios i stap ples klia long Holi Wik na long bikpela pestode bilong Ista.

Jisas i wokim nupela kontrak wantaim yumi, i winim olpela kontrak God i wokim wantaim Abraham na Moses.

Mak bilong dispela nupela kontrak em i bodi na blut bilong Jisas, laip bilong em, em i givim long God long diwai kros.

Tude dispela ofa bilong Jisas i stap ples klia long Santu Misa, long selebresen bilong Yukaris na long Santu Komyunio yumi save kisim na kaikai.

Taim em i laik i go bek long heaven na salim Holi Spirit long nupela sios bilong em, Jisas i tokim ol Aposel wantaim liklik

lain bilip manmeri olsem: "Yupela i mas i go long olgeta hap bilong graun na autim gutnius long olgeta manmeri. Manmeri i bilip na i kisim baptais, God bai kisim bek em (Mak 16:15-16)."

Long dispela tok Jisas i skulim yumi olsem, Baptais em i rot long kam insait long nupela kontrak bilong Jisas.

Manmeri husat i bilip long Jisas ol i ken kisim Baptais na kam insait long lain sios. Na olgeta de dispela Baptais na bilip i mas stiaim laip olgeta bilong ol dispela manmeri.

Holi Spirit i save givim bilip long wan wan manmeri, olsem long laik bilong em yet.

Ol bilipmanmeri husat i kisim na laikim dispela presen, ol i save amamas na kisim Baptais. Tasol nau dispela ol manmeri i mas bihainim olgeta tok na lo na pasin bilong Jisas, olsem Gutnius bilong em na skul bilong Katolik Sios i skulim ol long en. Ol i promis


pinis long Baptais long mekim olsem.

Dispela tok i gat moa mining long ol marit manmeri. Marit bilong man na meri i mas kirap pastaim na sanap oltaim bihainim long strongpela laik-pasin tasol.

Man na meri i mas sekan long haus lotu long Sakramen bilong Marit bai Jisas yet i ken blesim marit bilong tupela. Olsem na man i mas pas wantaim dispela wanpela meri tasol inap long indai. Na meri i mas pas wantaim dispela wanpela man inap long indai.

Tupela i no i stap tupela moa. Tupela i kamap wanpela long Kristen marit. Na samting God i pasim pinis long en, manmeri i no inap brukim gen. Ista i gutpela taim bilong tingting long ol promis yumi bin mekim long Baptais.

Em i gutpela taim tu long ol marit manmeri i tingting long ol promis ol i bin mekim long Sakramen bilong Marit.



SIOS SOIM SAPOT: OL Evanjelikel Luteran Sios Mama na ol arapela sios memba i egensim reip na sapotim mas ol meri grup long Nesenel Kapitel Distrik i bin go pass long en.

Ol nupela sios wok-lain kisim salens

Paulus Tali i raitim

OL nupela hetman bilong Luteran kongrikisen long Ridima Peris long Lae i kisim salens long givim taim bilong ol long karimaut wok bilong Bikpela.

Was bilong Sipsip Progam Seketeri bilong Evanjelikel Luteran Sios Evanjelisim Dipatmen long Lae, Morobe provins em Saki Ronuc i bin wokim dispela salens long sios sevis we 7-pela nupela hetman i bin kisim blesing long karimaut wok bilong ol.

Mista Ronuc i bin tokim ol nupela sios wokman olsem ol i mas bihainim wokabaut bilong Jisas we ol Kristen manmeri bilong Ridima Peris i ken lukim trupela piksa bilong lida long ol.

Em taim long lukautim ol sipsip bilong yumi we bai ol i ken tu go aut na serim wanem samting yumi givim long ol.

Jisas i bin wokabaut na go stret long ol manmeri na toktok wantaim ol pipel stret na autim nem bilong papa bilong em olsem i tru god bilong dispela graun na antap tru.

Ol lida bilong yumi tu mas wokabaut olsem em na autim tok long ol manmeri na soim tru kala bilong ol olsem ol i kristen man husat i wokabaut long nem bilong bikman. Aipas i noken lidim ol aipas. Nogut yumi olgeta i pundaun wantaim long hul nogut.

Bung kirapim krai long belisi

BIKPELA laik bilong olgeta sios i bilong wok bung wantaim long painim bel isi na stap wantaim.

Ol sios lida long olgeta hap long Esia na Pasifik rijen i bin bung long namba tu Inta- Feit Toktok long

tripela de long dispela mun long toktok long dispela na painim bekim long wanem wei ol sios i ken helpim ol pipel long stap wantaim bel isi.

PNG i bin salim ol lain long makim maus bilong ol sios hia insait long dispela Filipins Inta Feit bung we ol arapela lida long ol kain kain lotu i bin stap long en.

Bikpela tingting i kirap long olgeta husat i bung em laik long wok bung wantaim long painim bel isi namel long pipel.

Ol i tok strong long ol man husat i save kilim man i dai long ol bom olsem ol i no man husat i gat bilong, na ol i noken kolim ol yet olsem ol sios lida.

Bishop Peter Fox long Angliken Sios i tok man husat i bihainim ol trupela bilip long wol i laikim bel isi. Na i no wo o pait. Na i gat laik long helpim ol arapela na i no long daunim arapela.

"Jisas, Mohammed na Buddha i toktok long bel isi. Wanem taim bai wol i harim? Ol lida husat i stap namel long mipela bai man i no luksave long en. Nogat man bai tingim wo we i kamap o wo we ol toktok long bel isi i stap, tasol maski long dispela, ol laip bai stap gut," Bishop Peter i tok.

OL ISRAEL I NO SAVE LONG PASIN BILONG GOD

THE BIBLE SOCIETY PAPUA NEW GUINEA

Moses i raitim tok long pasin ol manmeri i bihainim lo i mas mekim na bai God i kolim ol stretpela manmeri. Em i tok olsem, "Man i bihainim lo em bai i stap laip." Tasol man i bihainim pasin bilong bilip na God i kolim em stretpela man, em i bihainim dispela tok, "Nogut yupela i tok long yupela yet olsem, 'Husat bai i go antap long heaven?' Em i olsem yupela i laik bringim Krai i kam daun. "Na nogut yupela i tok olsem, 'Husat bai i go daun long ples bilong ol man i dai pinis?' Em i olsem yupela i laik bringim Krai i kambek long matmat. Tasol as tingting bilong dispela tok em i olsem, "Dispela tok i stap klostu tru long yupela, insait long bel bilong yupela, na long maus bilong yupela." Em dispela tok bilong bilip mipela i save tokaut long en. Sapos yu tokaut klia long Jisas em i Bikpela, na sapos long bel bilong yu yu bilip long God i bin kirapim bek em long matmat, orait bai God i kisim bek yu. Long bel yumi save bilip na God i kolim yumi stretpela manmeri. Na long maus yumi save autim bilip bilong yumi na God i kisim bek yumi. **ROM 10:5-10**

Nambawan HIV/AIDS Voluntia Senta i op

GOROKA Katolik Daiosis long lsten Hailans i bin opim namba wan HIV/AIDS Volunteri Senta bilong lukautim, Kaunseling na karim Tes long ol manmeri i gat AIDS. Ol i kolim senta long Sen Joseph bilong Hop senta.

Naispela tumbuna singsing grup i bin wok-abaut bihainim ol strit na pulim tu ol manmeri long rot husat i bin kisim blesing long Bisop Francesco Sarego, em Bisop bilong Goroka Daiosis.

Dispela nupela AIDS Volunteri kea senta i stap namel long not Goroka klostu long taun maket, Teknikel Kolis na Goroka Yunivesiti. Ol i hop olsem senta i stap long namel ples we ol lain i laikim helpim i ken go long en.

Pasin we ol pipel long olgeta krismas grup i



SOIM HAMAMASIM: Ol meri i putim bilas na danis long amamasim opening bilong Sen Joseph Hop na AIDS Voluntia senta long Goroka.

bin stap insait long opening bilong senta i soim olsem komyuniti i gat strongpela sapot long en. Ol lapun manmeri i putim ol tumbuna klos wantaim ol yang-

pela pikinini i bin putim kamap ol singsing na danis, ol yunivesiti sumatin na ol tisa i miksim wantaim olpela na nupela stail singsing na putim kamap na i bin

naispela mak bilong sapot long nupela senta.

AIDS i kamap olsem wanpela bikpela salens long ol Hailans komyuniti.nau.

Tes i soim olsem 8.5 pesen populesen o kaunim bilong manmeri long rijen i gat binatang bilong AIDS. Na populesen long rijen i bikpela na i gat bikpela wari long sik bai go nogut long hap we nogat man i laik lukim i kamap.

Olsem na Caritas Australia i bin luksave long dispela kain hevi na i givim bikpela sapot i go long Nesenel Katolik AIDS opis long PNG long sanapim dispela senta.

Ol wankain senta tu olsem long Sen Joseph's Hop senta i wok long kamap long olgeta hap bilong PNG. Wantaim ol senta, ol i givim tu ol risos metiriel, trening long ol sinia medikel woklain, ol kaunseling lain, ol lain i karimaut ol tes na ol lain husat bai lukautim ol AIDS siklain.

Ol Vietnam seminari i pulap

KATOLIK Sios long Vietnam i lukim moa yangpela man i go insait long skul na kamap pater.

Olsem na ol i laikim moa ples bilong kisim ol nupela sumatin na tu moa tisa long skulim planti yangpela man i wok long go insait long seminari skul long kamap pater.

Kadinel Jean-Baptiste Pham Minh man i gat 72 krismas i tok Asdaiosis i gat 230 yangpela seminari na ples we ol i stap na skul long em i liklik tumas nau.

"Dispela i min olsem spes bilong slip na skul i liklik," Kadinel i tok.

Em i tok tu olsem ol i sot long ol tisa.

Em i tok as long sot long ples long ol sumatin i stap long en em bikos Asdaiosis we pastaim, ol i kolim long Saigon Asdaiosis i bin kisim ol kendidet long seminari long 6-pela daiosis long saut na gavman i tokim ol long kisim olgeta lain i putim aplikesen bilong ol.

Long Hanoi, Sen Mary's Seminari i save lukautim ol seminari na pater long 8-pela daiosis long not hap bilong kantri. Nau em i gat 235 sumatin tasol nogat inap spes long ol i stap na stadi.

Ol Bogenvil Sios mas wok poroman

Aloysius Laukai i raitim

BIKPELA toktok i go aut long ol sios long Bogenvil long yunait na wok poroman (netwok) wantaim long karimaut wok evanjelais i go long ol Kristen bilip manmeri.

Dispela i bin kamap insait long tripela de woksop long ples Siba we ol lain i makim 5-pela sios long Bogenvil i bin bung long selebretim 10-pela yia bilong Yunaitet Sios i mekim wok long hap.

Yunaitet Sios Konau Seket long ples Siba insait long Sentrel Bogenvil i bin selebretim 10-pela krismas long sios i go insait long ples las wiken.

Ples Siba i stap klostu tasol long Kieta, we i bin wanpela gutpela liklik nambis taun bipo long hevi i bruk long Bogenvil

... Siba U/C amamasim 10-pela yia

moa long 17 krismas i go pinis, tasol nau taun i bagarap na bikpela bus tasol i stap.

Selebresen i bin pulim ol lai kruset long 5-pela lotu husat i bin bung long Kieta Haba long kisim ol motobot i go long Siba vijes.

Ol 5-pela lotu em long Katolik, Yunaitet, Kristen Rivaivel Sios (CRC), Kristen Laip Senta (CLC), Asembli ov God (AOG) na Kristen Misineri Felosip (CMF) na ol arapela yut grup husat i bin laik stap insait long konvensen.

Samting olsem 500 bilip manmeri i bin stap insait long tripela de woksop we i bin gat bikpela tingting long bungim wantaim ol sios long Bogenvil. Aninit long hat tok, "Apostolik Muvmen long God."

Ol Pasto na ol bikman

bilong ol sios husat i bin stap long woksop na selebresen i bin tok strong long wokbung ol sios long ailan i mas gat long strongim wok evanjelaisesen long olgeta Kristen manmeri long hap. Wesley na Jonathan Kenneth husat i bin go pas long woksop i tok ol i kirap nogut long lukim planti lain i kamap long woksop ya.

Ol i tok ol bai ol bai wok wantaim ol arapela ogenaisesen long promotim na strongim wok long autim Tok bilong Bikman.

Tupela brata i bin autim tok tenkyu bilong ol i go long ol bikman bilong ol sios na ol Pasto husat i bin kam long ol narapela hap bilong Bogenvil na Is Nu Briten na givim planti gutpela kontribusen we i mekim ol progrem i go gut.

Ol bin luksave tu long Ishmael Toroama na ol musik lain bilong em long mekim kruset i kamap nais wantaim gutpela musik bilong ol long stes.

Bikos i nogat rot long go long Siba viles, olgeta Kristen i bin go na kam tasol long ol bot na kanu, tasol ol bin laikim stret.

Gimafa Peris Ista Kem

Paulus Tali i raitim

GIMAFI Peris long Luteran Sios, Boana Distrik bai go pas long wanpela Ista kem long mun i kam.

Shalom Kongriksen bai lukautim bai kamap long ples Kopara na i stat long April 13 inap long de namba 17.

Het tok bilong dispela Ista Kem em "Kristen i mas Wokabaut long Gutpela Laip."


Man i go pas long Baibel Stadi na

opis bilong Ekumenisim long Evanjelikel Luteran Sios em Reveren Don Muhucjupe i tok dispela het tok i singaut long ol yangpela na ol papamama long bung wantaim na harim, tingim, pilim na wokabaut aninit long Tok bilong God.

Ol papamama bilong dispela peris bai mekim wok long lukautim kaikai na dring na haus we ol deleget bai slip long en. Fi bilong go insait long kem em long K5 tasol long wan wan man.

GLASIM
TOK

wantaim



BISOP PETER FOX

Sivilaisesen o stap bilong man i save kam na go

PLANTI krismas long taim bilong man long graun i save kam na go, stat yet long taim namba wan siti i bin kamap 5000 yia i go pinis. Taim bilong ol bipo lain Isip long stap i ron long 3000 krismas, na ol arapela olsem Romen Empaia we ol Rom i bin bosim wol i pinis bihain long sampela 100-pela yia. Olgeta i pinis; sampela pinis isi isi, arapela pinis kwik taim tru.

Ron bilong stap bilong namba long pipel long wol i save dai bikos long givim kaikai bilong ol yet, ol i bagarapim graun, yusim ol minerel risos we ol i bai i no inap putim bek na tanim het long askim bilong arapela husat i stap long arapela hap. Ur bilong Chaldees we Abraham i bin kam long en i bin gat gutpela graun we i stap longpela taim stret, nau em i san na ston, we nau i kamap kantri Iraq. Ol i bin katim ol diwai, win i rausim graun i go inap ol samting i go nogat na ol pipel i stap long strong bilong ol yet we ol lida i gridi bilong ol lida i ronim eria. Planti wan kain toktok yumi ken wokim long Babylon na Assyria tu.


Wanem wei bai ol bihain taim lain i stap sapos mipela go het long tanim het long dispela lainim long taim bipo?

Taim stap bilong ol bipo lain i no wok, ol pipel bai go long ol ples we bik bus i stap yet, na we ol riva i ron klin na klia. Nau, stap bilong mipela i long olgeta hap bilong wol. Taim mipela i pinisim oil na diwai, taim graun i les na bai i no inap karim ol samting na solwara wantaim skai i bagarap, i gat nogat wanpela hap we yumi ken ron long en.

Ista Ailan, bipo i bin gat gutpela bus na stap grin, i nau sanap olsem evidens long wanem samting i ken go rong taim mani tanim het long piksa bilong birua, na Man go het long kisim, kisim, kisim long graun na i no givim samting bek long en. Yumi stap long narapela kain ailan we i slip insait long spes, em i Planet Earth. Sapos yumi no lainim ol samting long histri na lukautim graun yumi stap long en, bai de i kam olsem Ista Ailan we nogat man inap stap long graun. Na liklik taim long man i stap long graun bai pinis. Pasin gridi na wokim nogut long ol animal, diwai na bus em bai lus. Bikman tasol bai tingim olsem yumi inap stap long Gaden bilong Iden, tasol yumi yet i asua na pinisim gutpela sans bilong yumi.

Ol no bin raitim stori bilong Kriesen long Buk bilong Genesis 1 na 2 olsem histri. Ol bin raitim olsem tok lukaut. God i givim yumi graun long bosim sapos yumi laik, tasol em i tokim yumi tu olsem yumi mas kamap olsem ol gadena na kea teka o lukautim gaden i stap. Dispela em graun bilong yumi... yumi mas noken bagarapim.

TOK LUKAUT



wantaim

DAVID EPHRAIM

Ol meri i mas gat wanbel na yuniti

LONG dispela wik yumi skelim ol meri husat i laik bai Gavman i kamapim 20 sit o mausmeri insait long Palamen.

Em tru, yumi mas luksave long krai na rait bilong ol meri; tasol skelim sapos dispela em i bihainim laik na rot tru we mama lo bilong kantri i laikim long en.

Mi bilip planti ol meri lida insait long kantri i no intepretim o save gut long lo bilong Human Rait olsem na ol wok long abiusim o yusim nogut dispela rait.

Long makim maus man o meri i go insait long Palamen em mas kamap insait long ileksen we olgeta pipel i mas wokim na i kamap.

Moa long dispela, ol meri i mas save olsem taim yu go long Palamen, wok bilong yu em long traime stretim na kamapim rot we bai bringim sevis i go long pipel.

Na noken ting olsem yu gat pawa long wokim ol kainkain rot bilong helpim ol rait bilong ol meri tasol.

Sapos yu ting olsem ol meri i ken wokim bikipela senis long sosaiti, orait tokim long independens i kam nau na yu skelim man na meri i wok bung wantaim na kantri i ron. i no wanpela jenda (man na meri) tasol. Tupela wantaim i wok na kantri i ron gut.

Na tu planti pasin korapsen, stil, reip em i no man tasol i wokim tude. Yumi lukim na harim planti kain pasin tu i bikipela insait long kantri we ol meri tu i go pas long en.

Olsem na tingim, yu kamap long palamen bai nogat wanpela senis i kamap. Yu stat senisim ol famili bilong yu pastaim yu tingting long sanap kamap kain lida meri we pipel i makim yu. Moa long dispela, yumi nogat wanbel namel long ol planti meri olsem na yumi save lukim ol i lus long planti ileksen. Lukim long ol sampela kantri nabaut we planti ol meri i lida bilong kantri bilong ol. Yu mi ken wokim wankain tasol.



INDONESIA HELPIM: Sen Peter Sanel Praimeri Skul long Erima, NCD i wanpela laki skul long kisim 20-pela dikseneri long Tokples Bahasa na Inglis na Inglis Bahasa, ol buk i gat ol ples long Indonesia we ol turis i ken lukim na ol desk na sia bilong ol sumatin long sindaun na mekim wok. Pe bilong ol desk na sia em K6,600. Embasi i bin prisenim K1,070 skul fi i go long Claire Tomdia husat i bin kamap top long Bahasa klas skul i bin statim long Sen Peter's las yia. Nau Clare i wokim Gret 9 long Marianville Sekonderi skul ausait long Mosbi siti. Het Mistres bilong skul, Misis Torombie i kisim ol buk long wanpela bikman bilong Embasi bilong Indonesia insait long wanpela seremoni long skul.

Aiyura sumatin lukautim pis

James Kila i raitim

OL sumatin bilong tupela Gret 11 klas long Aiyura Nesenel Hai Skul long Isten Hailans provins nau yet i laikim wok bilong kamapim ol pis-pon o liklik raunwara long lukautim ol kap pis.

Dispela trening em ol lain bilong Hailans Akuakalsa Dvelopmen Senta (HAQDC) i kamapim long skulim ol dispela tupela Gret 11 klas em 11E na 11F long lainim ol rot bilong wokim pis pon, pulim wara i go long pis pon na tu long lukautim pis long dispela pis pon.

Sinia teknikel ofisa bilong HAQDC, Kine Mufuape wantaim ol wokman bilong em i bin go long Aiyura Nesenel Hai Skul long las wik na wok klostu wantaim ol sumatin long wokim kamap dispela projek long skul.

Mista Mufuape i tokim Wantok Niuspepa olsem long las yia 2005 ol wokman bilong HAQDC i bin wok wantaim narapela ol grup sumatin long digim tupela baret pis pon. Tasol taim ol sumatin i bin go sindaun long tes bilong ol na tu bihain long dispela ol i bin go long skul holde bilong ol, dispela ol

wok long pis pon i bin pundaun. Gras i gro insait long dispela ol baret ol sumatin i wokim na tu wara wantaim ol liklik rokrok i mekim haus insait long ol dispela tupela baret.

"Bikipela wok nau ol dispela sumatin i mas mekim em long rausim ol gras na ol wara insait long ol dispela tupela baret na klinim ples gut," Mista Mufuape i tok.

"Taim ol i rausim ol wara na gras insait long dispela ol baret orait mipela bai putim ol PVC paip na pulim ol wara na bihain mipela yet bai givim ol liklik bebi pis ol i kolim fingsalings na ol bai putim insait long dispela ol wara," Mista Mufuape i tokaut.

Em i tok tu olsem dispela pis projek ol sumatin bilong Aiyura i kamapim bai helpim ol bihain long kisim fres pis long pis pon bilong ol yet long kaikai long mes bilong ol. Narapela samting tu em skul bai i no inap lusim mani tumas long painim ol abus long ol sumatin i kaikaim.

Narapela samting tu dispela agrikalsa projek i ken helpim ol dispela yangpela sumatin long bihain taim bilong ol. Em i tru olsem sampela bilong ol i kam long

ol ruel eria bilong kantri na taim ol i no go het long skul bilong ol, ol bai go bek long ples. Olsem na dispela skul ol i kisim long ol teknikel lain bilong HAQDC bai helpim ol long bihain taim ol i stap long viles na hauslain bilong ol.

Nau yet planti ol lain skul na narapela institusen insait long Hailans rijen i wok long askim ol lain bilong HAQDC long saplaim ol fingsalings o liklik ol bebi pis long ol i ken lukautim. Dispela ol fingsalings em ol bebi bilong ol pis olsem kap na talapia.

Planti ol skul long Simbu provins na Isten Hailans i wok long soim bikipela intres long dispela inlen pis faming.

"Nau yet bikipela askim i save kam long planti ol ples insait long Hailans rijen. I lukim olsem dispela indastri i wok long gro bikipela nau," Mista Mufuape i tok.

Em i tokaut tu olsem ol lain bilong Koreksin Institusen Sevises, ol lain haus kalabus insait long kantri we wanpela bilong ol lain husat i save soim intres olsem na HAQDC i helpim long saplaim ol fingsalings long ol na ol i save lukautim long ol pis pon insait long haus kalabus.

Wanpela tisa skulim moa long 100 sumatin

James Kila i raitim

WANPELA tisa husat i save skulim ol sumatin bilong prep na elementeri skul long Aiyura Veli long Obura-Wonenera distrik long Isten Hailans provins i save bungim hat taim tru bikos namba bilong ol sumatin long klas bilong em i antap tru.

Dispela skul long Aiyura em sapos long lukautim tasol ol pikinini bilong ol wokman bilong Kopi Risets Institiut (CRI), Nesinol Agrikalsa Risets Institiut, Fiseris na ol pikinini bilong ol wok manmeri bilong Obura-Wonenera distrik edministresen.

Tasol nau yet planti namba bilong ol pikinini i go long dispela skul bikos ol i no laik long stap long ples skul bilong ol yet. Ol i laik long go skul long dispela skul long Aiyura Eben Elementeri skul.(AUES)

Planti ol sumatin husat i pulim lain i go long dispela AUES em ol i kam long ol ples long hap bilong Gadsup olsem Maropa na Unamuna na tu long ol ples olsem Bantura, Kamanangera. Dispela ol lain i mas gat elementeri skul bilong ol yet tasol ol sumatin I les na laik go tasol long Aiyura Eben Elementeri skul.

Wanpela tisa bilong ol Elementeri Prep long AUES, SOLOMON ASIOTA i tokim Wantok Niuspepa olsem dispela namba bilong ol sumatin i givim bikipela salens tru long ol. Tasol bikipela samting em ol ino inap long rausim ol dispela pikinini long klasrum bikos ol i gat rait long edukesen. Dispela em save bilong rit na rait.

Narapela bikipela hevi tru em ol lain Edukesin atoriti long Obura-Wonenera na Isten Hailans ino bin stretim yet em hevi bilong wanpela tisa MARK APAO.

Long las yia yet Mista Apao i no bin kisim pei bilong em long Edukesen Dipatmen long wok em i bin mekim long tisim ol sumatin. Em i bin hat-wok nating long skulim ol sumatin long klasrum olgeta de bilong skul wik na i save givim moa taim bilong em tasol em ino save kisim pei.

Trangu dispela tisa long dispela yia bai skulim moa long 105-sumatin insait long klas bilong em. Dispela mak bilong ol sumatin em i antap tru long wanpela tisa i skulim anit long lo bilong Edukesen Dipatmen.

Dispela hevi bilong Mista Apao em ol lain Bod ov Menesmen bilong skul i bin bringim kamaut long ol lain Edukesen atoriti long Obura-Wonenera long luksava na mekim wanpela samting.

Tasol nau yet ol dispela lain edukesen atoriti long Isten Hailans i no mekim wanpela samting yet long stretim hevi bilong dispela tisa.



Cambridge

International College

ACCREDITED TRAINING FOR YOUR CAREER SUCCESS

Diplomas, Advanced, Honours, Graduate

- *Accounts, Finance, Business, Management
- *Personnel, Marketing, Computers, Insurance
- *English, Purchasing, Secretary, Leadership
- *Tourism, Hotels, Stores, Advertising, Office

Baccalaureate, BBA, BCom, BMA, MBA

- *Business Administration, Marketing, Strategy
- *Human Resource, Finance, Commerce
- *Organizational Management, Executive

Fees include all Training Materials, Guidance, Tests, Revision, Examination, Marking, Award.

Diploma Fees: £150 or US\$300 or AUS\$350

For a FREE Prospectus, write, fax, or email:

CAMBRIDGE INTERNATIONAL COLLEGE

Box 1378, So'ton, SO17 3WX, Britain

Email: info@cambridgetraining.com

Web: www.cambridgecollege.co.uk



ODIAC



ASET

Papua New Guinea National Training Council Approved Training Provider

Stadi long Japan

GAVMAN BILONG JAPAN SKOLASIP 2007 I REDI I STAP NAU

I gat tripela kain skolasip i stap we Gavman bilong Japan bai givim na ol infomesen long dispela i stap olsem;

1) RISES SUMATIN (Wanpela krismas na 6-pela mun o tupela krismas)

Pos greduet sumatin husat i laik go long greduet skul olsem wanpela Rises Sumatin o long inrol insait long Mastas Progem (mas mekim 16-pela krismas long skul) bai lainim tokples bilong Japan long 6-pela mun olgeta.

2.) ANDAGREDUET YUNIVESITI SUMATIN (5-pela krismas)

Andagreduet sumatin husat i laik skul long ol yunivestiti insait Japan bai inrol insait wanpela yunivesiti long 4-pela krismas na wanpela krismas long lainim tokples Japan.

3.) PROFESANEL TRENING KOLIS SUMATIN (3-pela krismas)

Profesinol Trening Kolij save givim vokesenel edukesen wan taim edukesen long sait bilong skil na teknoliji. Ol sumatin husat i pinisim Gret 12 na i laik wokim vokesenel edukesen bai enrol insait long wanpela skul long tupela krismas na wanpela krismas long tokples Japan.

Husat i soim laik mas gat gutpela gred long skul wok bilong ol. Ol sumatin husat bai greduet klostu taim i ken aplai tu. Yu ken kisim ol aplikesen fom long Embasi bilong Japan long 26th May 2006.

(Plis luksave olsem olgeta askim bilong ol aplikesen fom mas kam wantaim kopi bilong gredueting setifiket (Gred 12 o Digri) bilong yu o wanpela pepa we i tok yu bai greduet).

Yu mas bekim olgeta askim insait long apikesen fom na salim i kam wantaim olgeta pepa we ol i askim long en i kam long Embasi. Embasi bai pinis long kisim ol aplikesen long 2nd Jun 2006.

Long sampela moa askim, plis ringim skolasip seksen long **telefon namba 321 1800** na **Faks 321 2278** o yu ken salim pas i kam long:

**Embassy of Japan, Scholarship Section
(Ground Floor, Cuthertson Haus, Pot Mosbi)
PO Box 1040 Pot Mosbi,
Nesanel Kapitel Distrik**

GAVMAN BILONG JAPAN (MONBUKAGAKUSHO:MEXT) I OFAIM OL SKOLASIP LONG PNG.

GAVMAN bilong Japan i ofaim tripela kain skolasip. Em long **Profesanel Trening Kos, Andagreduet Kos na Rises Kos** i go long ol sumatin bilong PNG husat i laik skul long wanpela Profesanel Trening Kolis o long wanpela yunivesiti bilong Japan.
Ol Kos i Go olsem:

Long Profesanel Trening Kos, 2007: Ol Apliken o lain i aplai long dispela kos i mas gat Gret 12 Setifiket (o long mun Mas

2007, ol i bai mas pinisim nesanel hai skul long bipo long Mas 2007. Ol i mas gat 17 krismas. Na krismas i noken abrusim 22 yias long Epril (mama i mas karim namel long Epril 2, 1985 na Epril 1, 1990)

Ol i ofaim **Profesanel Trening Kos skolasip** long tripela yia, stat long Epril 2007 i go inap long Mas, 2010. Man i winin skolasip bai lainim tokples Japan long wanpela yia na tupela yia long Prosenel Trening kolis long ol eria bilong Sivil Enjiniaring, Telekomyuni-kesen, Ilektroniks, Hotel Menesmen, Turisim na moa.

Long ol **Andagreduet Kos, 2007:** Dispela skolasip em i bilong 5-pela yia na i stat long Epril 2007 inap long Mas 2010. Husat i winim dispela skolasip bai lainim Tokples Japan insait long wanpela yia na bihain long dispela, em bai go long wanpela nesanel o praivet yunivesiti long wanpela eria long mak bilong 4-pela yia. Long Andagreduet Kos, ol Apliken i mas pinisim Gret 12 (o, kam Mas 12, 2007, em i mas pinisim Gret 12) na krismasn bilong em i mas 17 yias na i noken abrusim 22 krismas long Epril 1, 2007. (Bonde bilong en em i stap namel long Epril 2, 1985 na Epril 1, 1990).

Bilong **Rises Kos 2007:** Ron bilong dispela skolasip we i op long Rises Kos i wanpela krismas na 6-pela mun long mun Oktoba 2007 i go Mas 2009 o tupela krismas long Epril 2007 i go long Mas 2009. Husat i kisim dispela progem bai stap insait long 6-pela mun trening bilong tokples Japan. Long Rises Kos husat i aplai mas greduet bilong yunivesiti o kolij wantaim besela degri na mas stap aninit long 35-plea krismas long taim long 1st Epril 2007 (olsem karim de bilong man i mas long o bihain long 2nd Epril 1972.)

Infomesen pepa na ol aplikesen fom i stap long Embasi bilong Japan, na ol aplikesen fom ol man i mas pinisim na putim wantaim olgeta pepa we ol i askim long en. De we ol man mas salim aplikesen fom i go bai pas long 2nd Jun, 2006. **(Plis luksave olsem olgeta askim bilong ol aplikesen fom long Profesanel Trening Kos na Andagreduet Kos mas kam wantaim kopi long gred 12 setifiket o setifaing pepa. Tu ol askim bilong Resis kos aplikesen fom mas kam wantaim Besela Digri setifiket bilong yu o setifaing pepa. Askim bilong ol aplikesen fom bai pas long 26 long mun May 2006).**

Eksemnesen na intavyu long ol man husat i stap long sot list bai kamap long Embasi bilong Japan insait Pot Mosbi. Long olgeta rises kos ol eksem bai kamap long tok Englis na Japan.

(Pos opis adres: Embassy of Japan (Scholarship Section) Crown Plaza, Cuthbertson Haus, PO Box 1040, Pot Mosbi, NCD/ Telipon askim:321 1800/ Faks: 321 2278).

Yawari mas kamapim haiwe

Dia Edita

MI WANPELA mangi Lai Veli insait long Mendi, Sauten Hailans provins. Mi laik tok tenkyu na bikpela amamas bilong mi i go long gavana bilong yumi Hami Yawari long ol bikpela developmen na senis i go insait long provins na distrik wantaim.

Olgeta pipel bilong Sauten Hailans yupela i noken paol na long-long nambaut. Membra em ol save tok long dispela kain man i bringim sevis na developmen i kam long pipel, i no bilong karim nem nating na groim traipela bel na ron long dakglas kar stilim mani bilong provins na wokim ol praivet bisnis. Olsem na Mista Yawari, wari bilong mipela ol pipel bilong Lai Veli na Mendi i laikim Mt Wiri, Munhiu, Sumbi, Nipa rot i mas kamap nesenel haiwe long nem bilong yu.

**DANIEL SAKOR
LAI VELI
SAUTEN HAILANS PROVINS**

Tokaut long ol HIV/AIDS lain

Dia Edita

MI LAIK kamapim wanpela tingting i kam klostu long tingting bilong brata Jacob A. i bin kamap long *Wantok Niuspepa* long 6/2/06. Brata Jacob i bin tok gavman i mas kisim poto na nem bilong ol lain husat i gat sik HIV/AIDS na putim long ples klia we olgeta pablik i mas lukim na luksave long husat i gat dispela sik nogut. Brata Jacob, mi sapotim dispela tingting bilong yu na mi ting dispela em i wanpela rot inap bai yumi stopim dispela sik nogut.

Long tingting bilong mi, mi laik autim na pablik bai lukim. Tingting bilong mi i go long ol toktok bilong sik HIV/AIDS i go olsem. Inap gavman i wokim wanpela spesol ples we i ken i stap longwe liklik na putim ol dispela manmeri husat i gat sik HIV/AIDS yet i ken stap long dispela hap na dai. Long wanem ol i stap miks wantaim ol gutpela manmeri na wok long givim dispela sik i go long ol gutpela manmeri na sik i go bikpela. Mi lukim long niuspepa na harim long redio na ol AIDS awenes komiti na ol dokta i tok ol man husat i gat sik HIV/AIDS ol i gutpela manmeri na yu ken kaikai wantaim na slip wantaim na werim seim klos tasol yu i no inap kisim sik. Tasol mi ting dispela manmeri husat i gat sik ol i save olsem ol i gat dispela sik pinis na ol i stap long mak bilong dai. Olsem na ol i no inap stopim ol yet long husat i askim laik long wanpela bilong ol.

Sapos wanpela gutpela man raun na spak nogut tru na i go bungim wanpela meri husat i gat sik HIV/AIDS na tupela i mekim marit pasin. Sori tru dispela gutpela man i ting em i bungim gutpela meri, tasol nogat. Em i popaia pinis.

Nau ol manmeri husat i gat sik HIV/AIDS i save olsem ol i stap

Ol gavana na open memba we?

Dia Edita

Mi wanpela manki bilong Pori yet mi laik raitim wanpela pas bilong mi i go long Membra bilong Palamen olsem nesenel memba na provinsel memba tu.

Yes mi laik askim olsem mipela ol pipel bilong Tari Pori na Westen bilong Sauten Hailans provins mipela i gat ol memba i makim provins bilong mipela tu o nogat?

Long mi yet mi lukim olsem mipela ol pipel bilong Tari Pori insait long Westen sait bilong SHP yet mipela nogat dispela ol lain i makim mipela.

Ating ol lsten na ol Sentrel Mendi tasol ol i gat ol minister na memba i makim provins bilong ol. Olsem na lsten na Sentrel i wok long senis na develop.

Pastaim gavana i givim olsem K6 milien projek long lsten sait na nau gavana i givim klostu K10 milien long Sentrel sait long Nipa tasol.

Putim kolta long Mendi i go long Nipa na putim redio stesen, sekenderi skul na planti samting inap long K10 milien.

Em mi lukim long las wik *Nesenel*

Niuspepa, na mipela ol pipel bilong Westen sait bai olsem wanem?

Bai mipela i kisim sevis na developmen i kam long Hela provin na ol Westen sait tu o nogat?

Olsem wanem na ol narapela provins i senis na mipela ol Hela i nogat? Ating mipela i pipel bilong Tari, Pori, Koroba na Lake Kapiago mipela i no bilong Papua Niugini tu.

Mipela em ol lain Wes Irien na Jayapura olsem na mipela i no kisim sampela sevis i kam long gavman olsem na mipela bai stap olsem tasol.

Tingim ges paipain projek as bilong em stap long Hides long Westen sait. Long 2007 ileksen bai mipela i putim bodamak long Makarima sesen o nogat bai mipela rausim Tepe bris long Dauli Tisa Koles.

Em tasol tenkyu long lukim na raitim na sapos yu laik rait na sapotim o egensim em wanbel i stap.

**YOPE NANE
8 MILE
NCD**

Nem bilong nait klab bagarapim nem bilong PNG

Dia Edita

HIA em i wanpela tingting na luksave bilong mi long ol dispela nait klab insait long PNG. Planti i mekim komplek long redio na long niuspepa pinis i pas long kamapim na sanapim ol dispela nait klab insait long PNG we i save pulim planti ol kain pasin pamuk i wok go het insait long ol dispela nait klab.

Ol planti papa bilong ol dispela nait klab tu, mi harim long nius na ritim long niuspepa ol i tok olsem nait klab bilong ol i no save promotim ol pasin pamuk insait long en, ol i tok ol i save bihainim lo stret na ronim nait klab bilong ol. Dispela ol toktok tu em i no tru, bikos tru long em, i bin gat sampela witness o manmeri i lukim long ai bilong ol stretim em ol i tokaut olsem ol dispela nait klab tru long en, em ol i save yusim klab bilong ol olsem wanpela pamuk ples stret. Mi bilip olsem rausim nait klab we i save insait long yusim klab bilong ol olsem wanpela ples bilong pamuk, na limitim laisens tasol i go long ol sampela wantaim strongpela tok lukaut na ol lo bilong ol i mas sainim na ol tok orait long yusim long rait na stretpela rot tasol bilong amamasim ol ges bilong ol na noken mekim olsem wanpela

pamuk nait klab. Na tu, i mas gat sekyuriti na wok sekim ol dispela nait klab .iget a taim, taim i gat danis na dring pasin i kamap long ol. Mi yet i no wanbel long ol dispela nait klab long wanem, ol papa bilong en i save mekim pasin hait na larim klab bilong ol long yusim olsem ples bilong pamuk. Na bihain ol strongim sait bilong ol na tok olsem ol i no save mekim dispela kain pasin long klab bilong ol.

Sampela bai yusim long mekim ol blu muvi tu, na hau bai yu save taim i nogat wok painim i go insait long ol nait klab bilong ol? Sapos pasin bilong mekim blu muvi (ponograp) i wok long kamap bikpela na planti moa insait long kantri, olsem wanem yu ting bai i no inap kamap insait long ol dispela nait klab? Sampela ating i mas kamap pinis bipo long ol kain toktok i sut long ol dispela nait klab. Na sapos nogat man i toktok na mekim nois gen, em nau dispela pasin pamuk bai go bikpela moa na wokim o developim bilong ol blu muvi tu bai i go het yet yu save.

Na tu mi laik save olsem, ol dispela nem ol papa bilong nait klab i givim long klab bilong ol, bai yu painim aut olsem olgeta dispela nem em i kam long ol arapela kantri long wol na i nogat wanpela nem em i gutpela olgeta olsem PNG yet i putim dispela we yu ken ritim kain PNG nem na save long mining bilong en i gutpela na yu ken amamas.

Mi yet mi bin kirap nogut taim mi harim olsem wanpela papa bilong nait klab ya i putim nem bilong wanpela klab, tasol bai yu painim aut olsem ol bai givim yu narakain mining sapos yu askim ol long mining bilong dispela nem. Tasol mining tru, ol bai haitim na karamapim long narapela mining. Long Australia na Amerika ol i gat dispela wankain nem em i nem bilong ol piksa buk na ol piksa vidio we ol save yusim ol yangpela meri long kisim poto bilong ol nogat laplap na putim insait long buk na putim nem bilong dispela buk we nem bilong em i wankain tasol olsem nem ol i givim long dispela klab. Mi pret olsem sampela bilong ol dispela papa bilong nait klab em ol waitman ya na dispela mi pret long wanem ol i kisim dispela ol nem long kantri bilong ol na kam ya long PNG na ol laik kamapim dispela nem long PNG. Plis mi tok lukaut olsem PNG na gavman mas was gut long ol kain ausait lain kam insait long PNG na wokim bisnis. Ol i save mekim ol hait bisnis tu ya yu save, yusim braiberi o gris mani na yusim ol planti yangpela meri long nait klab bilong ol.

Bihain ol yusim ol olsem seks modol o simbol na mekim ol kamap profesenel pamuk meri na dispela i ken kamap olsem mi tok pinis ya. Ol mekim blu muvi nau bai gavman, Polis na ol Atoriti bai painim na kotim ol kain man olsem? Ating em i taim nau long lukluk gut tu na traim long stopim ol ausait lain kam ronim bisnis long PNG bikos ol save bringim tasol ol pasin nogut na mekim nem bilong PNG i bagarap olgeta, olsem ol save tok - PNG em i wanpela korap kantri ya. Na husat i mekim dispela?

**P.I.
LORENGAU
MANUS PROVINS**



pinis long mak nogut olsem na ol bai i no inap long pasim ol long husat i askim ol long mekim marit pasin wantaim. Tingting bilong ol i olsem, mipela bai dai olsem na narapela tu i mas dai.

Sapos gavman i wokim wanpela spesol ples bilong ol dispela manmeri na putim ol yet i ken i stap na amamasim ol yet sotpela taim na i stap long en. Sapos wanpela man i gat sik em i gat i stap long dispela ples na maritim wanpela meri husat i gat sik tu na tupela i ken marit na stap. Dispela hap o ples ol

i stap long em bai i nogat tambu, larim ol i ken mekimsave long mekim marit pasin long laik bilong ol. Ol yangpela i ken slip wantaim lapun na ol lapun i ken slip wantaim yangpela. Bilong wanem? Olgeta i kalap pinis long wanpela sip o balus long i go long wanpela ples tasol em dai.

Long ausait nupela manmeri i kisim dispela sik salim i go long dispela spesol ples we ol HIV/AIDS lain ol yet i ken i stap. Sapos gavman i mekim olsem bai yumi luksave long husat i gat dispela sik

nogut na dispela rot tu bai stopim dispela sik i no ken i go bikpela long gutpela kantri bilong yumi PNG.

Sapos yu husat i laik sapotim o agensim orait rait i kam long *Wantok Niuspepa* na mi lukim. Mi bai amamas tasol long lukim tingting bilong yu.

**MANGIMO HOZOBA
14 MILE
SENTREL PROVINS**



Yu laik autim tingting bilong yu -
Salim wanpela pas i kam long Edita long:
**Ol Pas i go long Edita
P. O. Box 1982
BOROKO NCD**

Sapos yu save long email, yu ken salim pas bilong yu i kam long:
editorial@wantok.com.pg
Yu mas raitim tru tru nem, telepon namba na pos opis bokis bilong yu.
Sapos nogat, mipela i no inap putim pas bilong yu insait long pepa.
Wantok i gat rait long katim o stretim ol pas bai em i bihainim olgeta lo bilong niuspepa.

WANTOK
KOMENTRI

Sapotim wok bilong PAC
long glasim ol lida

LONG dispela mun, yumi harim long redio, ritim long pepa na lukim long TV planti ol lida bilong yumi long Palamen na long Pablik Sevis i kisim tok sut long paulim na stilim mani. Na planti bilong ol i nogat rekot long rot ol i yusim mani long em.

Longpela taim tumas, planti ol lida na bikman husat ol pipel i givim luksave na putim ol long posisen bilong lidasip i save abrus long ol asua ol i save wokim.


Tasol tenkyu long wok bilong Pablik Akauns Komiti (PAC), bai dispela i nogat. John Hickey na lain Komiti bilong em i mas kisim bikpela hanklap na luksave long gutpela wok yupela i mekim long autim long ples klia ol korap na stil pasin ol man we pipel i givim luksave na givim ol namba long makim ol na kisim ol bikpela wok i mekim.

Han i go antap long yupela PAC komiti long i no surik taim ol kain tok long stopim yupela i kari-maut, ol wok painim i kamap. Nau pablik na moa yet, ol grasruts i ken save wanem samting tru ol lida i save wokim long mani ol i sapos long yusim gut long helpim ol wan wan ilektoret bilong ol.

Tingim hamas lida na bikman long Pablik Sevis i kam long glasim bilong PAC na Ombutsmen Komisn long sotpela taim nau? Sampela long ol biknem lida em Deputi Praim Minista na memba bilong Kairuku Hiri, Sir Moi Avei, Minista Stet Entaprais na memba bilong Angoram, Arthur Somare, Helt Minista Melchoir Pep, Lens na Fisikel Plening Minista Dokta Puka Temu na long las wik tasol, Fainens Seketeri Thaddeus Kambanei i sapos long sanap long glasim bilong PAC, tasol gavman i stopim em long wok.

Olsem bikpela ailan kantri long Saut Pasifik we i gat planti samting olsem planti diwai, bus, graun, ol mineral samting, PNG na pipel bilong em i ken sindaun gut na amamas. Tasol bikos planti politisen na ol gavman lida i save yusim krangki, paulim na stilim mani long yusim long amamas bilong ol yet na ol pren na wantok, wokim korap pasin wantaim ol timba, maining na fising kampani, PNG i wok long go long ol dok. Inap ol lida i soim rot long kisim PNG i go antap gen na i no long go daun?

Trupela demokresi i mas stap long PNG na PAC wantaim komiti bilong em i wokim dispela tasol bikos long dispela rot tasol, kantri i ken wok-about gut taim i gat gutpela gavanens, inap, mani long kisim ol sevis i go long ol rurel eria, bekim ol dinau na lukim olsem helt, laip na sindaun bilong pipel i orait. Nau ya, laip i hat tru na ol liklik pipel i kisim taim tru. I moabeta long ol lida inapim dispela tok nau, "Putim pipel pastaim" na i no trausis poket!



Putim PNG i go antap

AIWARA bilong amamas i kam daun long ai bilong Ryan Pini na Dika Toua long taim ol i kam bek long PNG long Mande dispela wik. Dispela ai wara i makim bikpela amamas na nem bilong Papua Niugini ol i karim na salens wantaim ol arapela spot manmeri bilong narapela kantri insait long Komonwel Gems long Australia las wik.

Tasol dispela aiwara bilong tupela i no long tupela tasol. Ol pipel long asples long PNG tu i kalap na singaut na tromoi aiwara tu long traim tupela i winim gol na silva egensim ol arapela spot manmeri bilong narapela kantri. Em bikpela amamas tru long nem bilong Papua Niugini.

Tingim tasol, dispela resis bilong Ryan Pini i bikpela samting tru long ai bilong ol arapela kantri na Australia bikos Ryan Pini i winim wol sempion bilong Australia Michael Klim. Na dispela em



wanpela gol medol Australia i laik winim bikos ol man i no winim wanpela gol medol long wanwan resis bilong ol man. Tasol bikpela wari i bin kamap taim dispela talapia o fis bilong PNG i swim igo pas na winim gol medol.

Dispela i tasim tru bel bilong ol pipel bilong PNG na tu ol Australia bikos yumi amamas tru na Australia i bel kas kas stret.

Em nem bilong kantri i go antap tru taim dispela kain samting i kamap. Taim yumi mekim samting long apim nem bilong kantri, ai wara i save kam wantaim bikos yumi putim pes bilong olgeta pipel long tingting bilong yumi na yumi laik mekim dispela salens. Sapos yumi win, kantri bilong

mi i win. Sapos mi lus, kantri bilong mi i lus.

Em nau dispela piksa i soim olsem yumi i save sanap wantaim long taim nogut na gutpela taim. Taim hevi o bagarap i kamap, yumi save sanap wantaim long givim han long kaikai na kolos na ol helpim.

Dispela piksa bilong yumi kamap tru long taim Dika Toua na Ryan Pini i winim medol long Komonwel Gems long las wik. Yumi olgeta i sanap wantaim na putim was tru.

Em nau, yumi mas putim was long yumi yet na sapotim yumi yet long olgeta taim nogut na hevi.

Kantri bilong yumi PNG i sanap long dispela nem; PNG Wan Kantri, Wan Pipel, Wan Nesen.

Yumi no ken wet tasol long taim yumi laik salensim narapela kantri long spot o pilai olsem. Nogat. Yumi mas mekim ol arapela pasin tu olsem mekim nem bilong kantri bilong yumi kamap gut

bai ol manmeri long narapela kantri bai laikim na kam long lukim na raun long ol ples.

Mekim ples i klin na stap nais. Save long pasin bilong halo na tok tenkyu long arapela bikos dispela tasol inap kamapim gutpela nem bilong yumi.

Nau stori bilong Ryan Pini na Dika Toua i putim nem bilong PNG i go antap moa na planti kantri bai stori na askim ol yet olsem PNG em wanem kain kantri tru ya. Em nau ol bai laik save moa. Olsem na em wok bilong yumi long opim dispela dua long ol long kam lukim na bilip olsem em tru, PNG em wanpela naispela kantri tru we i gat ol naispela pipel wantaim ol naispela naispela samting i stap long en.

Ol spot lain bilong yumi i mekim sait bilong ol pinis na yumi arapela tu i mas mekim sait bilong yumi long apim nem na flak bilong PNG i go antap long ol arapela kantri long wol i ken lukim.

Papamama i krosim ol man

DISPELA i min olsem, taim man i gat pikinini meri ol i save les long lukim ol yangpela man toktok wantaim ol pikinini bilong ol o tok fani na pilai pilai wantaim ol.

Dispela i save hatim bel bilong ol yangpela man long kisim tingting long bagarapim pikinini bilong ol.

Pren o askim laik Taim wanpela meri i prenim wanpela yangpela man na lusim em na i go prenim narapela, dispela tu i save kosim pasin reip. Sapos yutupela i pren i no ken lusim.

Askim laik. Ol man i save askim laik long ol meri long raun wantaim o pren wantaim



na meri i tok nogat, dispela i save hatim bel bilong ol man. Na tingting i kirap long rot bilong reipim dispela meri sampela taim.

Taim man i askim meri na em i laik mekim tok, em i mas mekim tok wea i ken helpim man na no ken tromoi tok nating. Olsem ol man i tromoi paia long drai bus.

Nau buk bilong God i tok wanem long meri i no ken

werim o putim ol samting bilong man na man i no ken putim samting bilong ol meri.

Dispela pasin i no stret long ai bilong God na bai yu bungim hevi bilong dispela.

K.Bek 22:16-17 i toktok long pasin bilong reip. Sapos wanpela yangpela man i reipim wanpela yangpela meri husat i no bin slip wantaim wanpela man, orait em i mas baim dispela meri na maritim em. Na sapos em les long maritim meri orait ol i mas sasim em long baim meri na tu em i mas kisim mekim-save.

Wk Pris 20:9-16 tok long ol maritim man o meri, sapos man

marit i reipim wanpela yangpela meri, orait ol i mas kilim tupela i dai. Na dispela i go tu long maritim meri i reip wanpela yangpela manki orait ol i mas kilim tupela i dai. Bilong mekim olsem bai dispela pasin bilong reip bai i no inap i go bikpela. Na tu dispela bai stopim ol pasin bilong reip.

Sapos wanpela man o meri i reipim wanpela man o meri ol i mas ripot hariap i go long han bilong lo long dispela de stret. Plis lukautim yumi yet na no ken larim ol kain kain kevi i kam bungim yumi. Mi amamas long bungim yupela gen long narapela wik i kam. God i blesim yu.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa


Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

A/General Manager
Elizabeth Konga


Editor
Neville Choi

Published at
Section 58, Allotment 3
Office 2, Waigani Drive.


Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



BSP Sapotim Mipela la amama Ryan i winim Go na.




Team
XVIII Common



WANTOK

NIUSPEPA BILONG YUMI OL PNG STRETI



BOGENVILLE KIRAP BEKI!





Wokabaut wantaim Bogenvil Otonomi i go gut ..Tasol wok i ron isi

Aloysius Laukai i raitim

O T O N O M E S Bogenvil Gavman (ABG) Presiden, Joseph Kabui i tok olsem wok bilong go hetim Otonomi long Bogenvil i wok long ron gut, tasol em i no hariap olsem pipel i laikim.

Insait long ripot bilong President Kabui, long wokabaut bilong gavman bilong em stat yet long June 2005, em i tok wok i go het yet.

Em i tok planti samting i kamap pinis em pipel i no luksave yet long en, Mista Kabui i tok long planti long ol ripot bilong em wantaim ripota bilong Wantok Niuspepa long Bogenvil, Aloysius Laukai, em i tok gavman bilong em i wok long mekim planti samting long sait bilong kamapim ol polisi long wok bilong main na ol bikpela developmen projek we inap long mekim

gavman i ron olsem pipel i laikim.

Ol wok em gavman bilong em i mekim pinis i kam inap nau, em long stretim wok bilong kamapim gutpela sindaun long ol wanwan ples long Bogenvil.

Mista Kabui i tok tu olsem bikpela hevi em gavman i wok long bungim long dispela taim em long wok bilong ol Me'ekamui rot blok na U-Vistract long Tonu, insait long Sentrel na Saut Bogenvil.

Emi tok i gat ol toktok tu i wok long kamap long stretim ol dispela hevi.

Em i tok klia olsem maski pipel i laik lukim sampela senis hariap long lo na oda, gavman bilong em i laik bihainim tru pasin bilong stretim hevi wantaim toktok or long pasin bilong stretim hevi long we bai noken kirapim pait gen long Bogenvil.

Em i tok Bogenvil i no laik lukim gen narapela pait.

Em i tok taim tupela man Australia i lusim Bogenvil na dispela em i daunim gen strong bilong ol hevi i bin wok long stap olsem, na em i bilip i no long taim nau bai sampela gutpela samting i kamap.

President Kabui i tok tu olsem wok bilong maining em i stap long pipel bilong Bogenvil long tok orait long en. Bihainim ol nius olsem Mining Minista, Sam Akoitai i laik rausim tambu bilong painim ol minerel long Bogenvil, Mista Kabui i tok dispela em i gutpela nius.

Emi tok dispela nius tu i no min olsem bai main i kamap tumora tasol long Bogenvil, nogat. Rausim tambu i bilong helpim tasol long Bogenvil i ken toktok long kirapim sampela kain main long ailan.

Emi tok tu olsem CRA tasol i gat 7- prospecting laisens yet-o tok orait long karimaut wok maining long plenti hap bilong Bogenvil na

bikos long dispela, wok bilong kirapim wanpela main long Bogenvil i stap longwe yet.

President tu i tok aut olsem wok bilong Aluviel Maining bai kamap strong moa long Bogenvil long wanem wanpela kampani bilong Canada i stap nau long Arawa long reafining gol bilong ol wanwan maina.

Emi apil long pipel long no ken hariap long wanem nupela gavman i stat wok pinis long ol polisi we Bogenvil i mas yusim long bihainim na stretim bek Bogenvil.


Skelim ol Ministri long ABG

Long wik i go pinis Palementeri Sektorel Komiti, 7-pela olgeta i bin sindaun long skelim wok bilong ol Ministri insait long Otonomes Bogenvil Gavman.

Ol Komiti olsem, 1 .Paklik Akaun Komiti Siaman em long Jonathan Nagati memba bilong Motuna

Huyonu na Tokunutui konstituensi, Infra Straksa Developmen Komiti em Thomas Keriri memba bilong Rau konstituensi em i siaman long en, 3.Sosel Developmen Afeas na Veterans Afeas-memba bilong Haku Jan Tenevi em i Siaman long en, 4.Palamentri Sektorel Komiti long Infomesen Teknoloji, Sains, Rises na Haia Edukesen em Wilfred Komba memba bilong Konnou em i Siaman long en, 5 Ikonmik Developmen na Pablik Sevis Afeas em Aloysius Devui memba bilong Taunita- Teop i Siaman long en.

Namba 6 komiti em long, Palamenrati Komiti long Forein Afeas, Peace, Bogenvil Pis Agriment na O t o n o m i Implementesen em John Tabinaman memba bilong Mahari em i Siaman long en. Na namba 7 komiti em long Spika Nick



OTONOMES Bogenvil Gavman (ABG) Presiden, Joseph Kabui

Peniai i Siaman long em i komiti bilong ABG Haus bilong Representativ Palamenteri Standing Oda.

Ol dispela Siaman bilong ol komiti ino ol Minista insait long ABG tasol wok bilong ol long helpim Minista na tu long wankain taim i mas sekim wok bilong Minista.

Long wik i go pinis tu ABG Presiden Kabui i tok amamas long wanpela grup i kam long Nagaland, India long lukim wok bilong peace process lo painim gutpela sindaun song Bougainvil.

Dispela grup i stap insait long pait wantaim gavman bilong India na i bin laik lukim rot Bogenvil na PNG i bin

bihainim long kamapim dispela Otonomi long Bogenvil.

President Kabui i bin tokim ol pipel bilong Naga insait long gutbai kaikai long Buka olsem, Bogenvil i amamas long helpim na serim ol ekspiriens bilong em long lukim narapela ol brata/susa long narapela sait bilong wol i kamapim gutpela sindaun.

Team lida, Angelus Shimrah i bin tok olsem ol i kisim planti samting long Bogenvil we ol i ken yusim taim ol i paitim toktok wantaim gavman bilong India long dispela yia.

Sispaia o taim ol i makim long noken pait bilong ol bai pinis long Julai 31, 2006

Style
COCONUT PRODUCTS

Cosmetic Oil
- cold pressed virgin coconut oil with vanilla, citronella, strawberry and frangipani scent

Cooking Oil
- pure cold press virgin coconut oil
- non refined, natural, very healthy
- cholesterol free
- helps reduce body weight

Soap
- made from virgin coconut oil
*pure white no additives
*gentle on skin
*green vanilla, blue frangipani, yellow citronella

BMF
Buka Metal Fabricators Ltd.
Welding Construction Hardware

Style Coconut Oil
Manufactured by Buka Metal Fabricators Ltd.
703 Box 124, Buka, Bougainville
www.bukametal.com.pg

Buka Metal Fabricators is proud to be part of the Autonomous Bougainville Region's Economic Drive

FINANCE & INVESTMENT SERVICES

(A Registered PNG - ADB Microfinance Institution)

Micro finance igo hetim ol ekonomi aktivitis na kamapim gutpela sindaun long...

Savings Investment Credit

- CDA i wanpela microfinance institution we i givim financial sevis igo long ol sea holda na ol memba bilong ol stret insait long Bougainville Autonomous Region
- CDA i regista wantaim Micro Finance Competence Centre (MCC) aninit long PNG ASIAN DEVELOPMENT BANK micro finance project.
- Dispela PNG - ADB microfinance project i kamap long givim sevis igo long ol pipol we i painim hat long kisim sevis long ol commercial banks na tu ol narapel licenced financial institutions.
- Aninit long PNG-ADB microfinance project, CDA i wok bung wantaim ol licensed commercial banks na ol narapela licensed financial institutions long traim na givim financial sevis igo long moa long 70%-80% pipol insait long Bougainville.
- Financial sevis em wanpela key component bilong samting ol i kolim WEALTH CREATION
- Financial sevis i pleim financial intermediary function long go hetim ol economic activities stat long grasruts na igo antap. Olsem na plenti moa ol Bougainville i mas kisim dispela sevis.
- Ol savings, na investment na loan products bilong CDA i kamap nau, i wok long halivim gut tru ol memba
- CDA i wok long bihanim International Microfinance best practices, na dispela bai mekim CDA i kamap wanpela strongpela financial sevis kampani bilong yumi ol Bougainvilleans.

Kam painim aut moa na kamap memba na stat long mekim savings na investment long halivim yu na future bilong Bougainville.

Ol opis i stap long KOKOPAU, BANA, BUIN, SIWAI, TINPUTZ na HANAHAN.

An Independent Financial Consultant, Licensed Stockbrokers and Investment Managers Agent
PO Box 183, Buka Bougainville Island, PNG.
Telephone/Fax: 973: 9602
Email: cdafinance@daltron.com.pg



KEA SENTA: Kea senta long Arawa we ol asples i laik go bek long ples nau.



ARAWA MAKET: Ol kea senta lain i salim ol kaikai bilong ol long Arawa maket

11-pela yia long Kea Senta, nau mi laik go bek long asples tru

LONG yia 1995 taim Bogenvil hevi i stap strong yet na pait i kamap strong tru, ol PNG ami na gavman i bin kisim ol ples lain long Sirovai na ol narapela hap insait long Sentrel Bogenvil i go stap long ol kea senta long Arawa taun ol i kolim SSQ singel staf kwata long Seksen 18.

Nau pait i pinis na gutpela sindaun i wok long kam bek. Ol dispela lain i askim gavman long helpim ol long go bek long ples bilong ol.

Ol lain asples Bogenvil i wok long go bek long ol asples bilong ol gen long helpim bilong Otonomes Bogenvil Gavman (ABG ol PNG army I bin kisim oi dispela lain long ol wan wan ples bilong ol long go stap long hap Arawa kea senta long taim bilong hevi na pait.

Ol i amamas tru taim ol i givim ol tok orait las yia, 2005 long go bek long ol asples stret bilong ol.

Nau yet, ol i kisim sampela ol samting olsem Lucas mill na ol

tul wantaim K72,000 kesmani long wokim gen ol haus long ples na kirapim bek laik bilong ol wan wan man, meri na pikinini.

ABG I tok oraitim sampela mani i go long ol asples Sirovai na olsem nau yet, ol i wok long bungim ol samting bilong ol na muv i go bek long ol ples.

Nau yu lukim ol polis lain i wok long muv i go insait long Arawa na ol asples i mas aut long ol SSQ. N a ol polis bai kisim ol haus we ol asples pipel i stap long em, na bai helpim ol long lukautim lo and oda long Arawa taun

Sapos yu tok Arawa i nogat polis, yu ting bai ol narapela lain bai kam o nogat? Mi no ting bai ol bai kam bikos bai ol i pret, tasol sapos ol polis i no stap, lo and oda i wok . Na ol asples wok long lukaut Arawa taun na olsem, em i safe tru.

Na tu ol sampela lain i givim sevis i wok long kam insait long Arawa nau. Na olgeta ol lain we i

stap long ol kea senta i mas go nau long ol asples bilong ol.

Bai ol i kisim helpim long gavman long go sindaun bek long ol asples bilong ol.

Peace o gutpela sindaun nau i stap bikos mipela kamapim ol care centres na mipela wok wantaim ol peace lain long wokim kamapim dispela peace yu yet ken lukim nau.

"Nesenel gavman na ABG i mas lukluk long mipela olgeta na kamap wantaim plen long sindaunim bek ol asples pipel.

Mipela i stap insait long kea senta klostu long 11 yias nau na mipela olgeta i laik muv i go bek long ples. Olsem na gavman lain i mas tingim dispela na wok long stretim rot bilong mipela," Sief bilong Sirovai i tok..

"Long 11- krismas, taim laik i hat, mipela i kisim mani long long kukim skon na salim, wokim ol liklik maket long Arawa na tu salim ol gaden kaikai long lukaut mipela i kam inap nau, " .Sief bilong Sirovai i tok.

Raun Lukim ol Ples long Bogenvil kantri sait

TAIM yu stap long Buka long mekim wok bisnis o yu limlimbur i stap, na yu laik raun i go long Arawa, askim long Raymond Memora long Kokopau.

Em dispela man tasol bai kisim yu i go long Arawa long Toyota lenkrusa yutiliti bilong em. Na bai wokabout bilong yu bai gutpela na yu bai seif.

Raymond i winim 30 krismas pinis long draiv. Na insait long dispela taim, em i bin wok olsem draiva long sam-

pela ol bisnis haus na ol gavman dipatmen.

Long 1980, em bin baim wanpela PMV bas na kirapim liklik PMV bisnis bilong em na em i save karim ol pasindia raun long olgeta hap bilong Bogenvil Ailan.

Stat long dispela taim na taim Bogenvil hevi i kamap, Raymond i kamap olsem wanpela gutpela bisnis man insait long trenspot indastri long Bogenvil.



KANTRI SAIT KRUIZ: Raymond Memora em raitman long karim yu raun long kantri sait bilong Bogenvil. Em i winim 30 krismas pinis long draiv na olgeta liklik hap kana bilong kantri sait em i save gut tru.

Lumankoa Guest House Buka

Your home away from home

Mipela i gat 25 Stendet rum- Singel na Twin sea wantaim fen na TV long olgeta rum. Pe long wanpela nait bilong Twin sea em K170. Dispela i karamapim kaikai long brekfas (moning) na dina (nait). Pe bilong wanpela nait long ol singel rum em K100 na i karamapim kaikai long brekfas na dina. Mipela i gat bikpela konferens rum ol lain i holim ol bung i ken haiarim. Mipela i gat bas sevis tu we mipela i ken kisim ol man i laik raun lukim ples sapos ol i askim.



Lumankoa- Sopotim bisnis developmen long Otonomes Rijen bilong Bogenvil.

Sapos yu painim ples long stap insait long Buka yu noken wari tumas mipela hia long Lumankoa Guest haus i hama- mas tasol long yu stap wantaim mipela, bai mipela lukautim yu stret.

PO BOX 260 Buka,
Autonomous Region of Bogainville
Phone: 973 9779
Fax: 973 9806



I tok

bikpela hamamas i go long


Bougainville Autonomous Government long kamap namba wan Provincial Gavman long peim PNG Power long putim Easipay Mita i go insait long olgeta haus long Buka Taun.

Dispela i halivim ol pablik long sevim pawa na tu halivim PNG Power long kamapim moni long ronim diesel power station long Buka long supplaim ol pipol long Buka Taun

Toksave I kam long Pablik Rilesen Seksen

DIPARUS ENTERPRICE LIMITED ARAWA

Sapos yu raun long Arawa taun no ken lus tingting long mipela. Mipela salim ol kainkain samting we yu nidim, kaikai, klos na planti moa yet na tu mipela salim gen
WANTOK Niuspepa, Telikad Distribusen, Plantation Supplies, License buyer bilong dry cocoa bean



Diparus Enterprise i stap long namel

Fax/phone: 279 9901

Helpim long kirapim ikonomi bilong Bogenvil Biland!

Ol Buka ples lain bai kisim pawa

Veronica Hatutasi i raitim

OL pipel bilong tripela ples insait long Tsitalato Konstituensi long Buka bai kisim pawa long ol haus bilong ol.

Em bai stat long neks via bihain long PNG Pawa i pinisim wok painimaut, redim ol kos na Otonomes Bogenvil Gavman i gat mani long go hetim projek.

Dispela bai kamap aninit long Ruel Ilektrifikesen (RE) we PNG Pawa i laik kirapim long Bogenvil Otonomes Rijen (BAR).

Tripela ples we ol bai statim RE em long Malasang Namba 1, 2 na 3, Lonahan na Hangan.

Dispela ol ples i stap 13 kilomita ausait long Buka taun.

PNG Pawa Senta Menasa long Buka, Allan Amen i tok nau yet, PNG Pawa long Buka i wok long karimaut wanpela sevei o wok painimaut na bihainim dispela, ol bai save long kosting bilong projek.

Mista Amen i tok ol pipel bai inap long kisim pawa long 24 awa.

PNG Pawa i bin kirapim bek wok long Buka, Otonomes Bogenvil Rijen, long Janueri 1, 2005.

Em (PNG Pawa) i bin lusim Bogenvil taim hevi na pait long ailan i bin go nogut long leit 1989 na bihain long 15 yias, em i go bek long las yia taso na ol i stap tasol long Buka.

Em i tok Bogenvil Etministresen i bin lukautim ol masin samting wantaim liklik lain Buka asples wok-lain bilong PNG Pawa yet.

Tasol bikos Etministresen i no inap long mentenim pawa, ol i singautim PNG Pawa long go bek.

Mista Amen i tok bihain long ol i go insait, ol i stat long ribildim pawa haus.

Em i tok Gavman bilong Japan i bin givim mani helpim i go long Bogenvil Etministresen long sanapim nupela pawa haus na ol jenereta na masin samting

Ol bin putim tupela pawa jenereta, wanpela katepila i givim 1.25 megawats pawa, wanpela eks Misina 400 kilowata jenereta, na na bai putim piul teng inap storim 55,000 lita piul.

Mista Amen i tok ol wok long karimaut sevei o wok painimaut long kirapim ruel ilektrifikesen o putim pawa i go long ol ples long Buka.

Mista Amen i tok ol bin putim domestik-lispei mita sistem long Buka las yia. Bogenvil Etministresen i bin fandim dispela.

Em i tok ol pipel i amamas long go insait long lsi pei sistem bikos ol yet bai kontrolim rot ol i yusim pawa long em.

Em i tok long las mun, ol i stat long putim lsi pei mita i go long ol bisnis haus na ol i stat wantaim ol liklik haus pataim.

Em i tok PNG Pawa i nogat plen yet long muv i go long Arawa, tasol Otonomes Bogenvil Gavman (ABG) i askim ol long lukluk long pawa saplai i go long Arawa.

Na em i tok PNG Pawa bai glasim ol haus na wok painim long taun bilong Arawa na wok long putim pawa long hap.

Nau yet, ol wan wan man na ol bisnis lain i gat ol pawa jenereta na saplaim pawa long Arawa taun.

Bogenvil Edukesen mas tingim ol yangpela

Veronica Hatutasi i raitim

BOGENVIL i mas givim bikpela helpim long ol yangpela pipel we pait i bin bagarapim skul bilong ol.

Siaman bilong Bogenvil Edukesen Rivyu Komiti na Dairekta bilong Opis ov Haia Edukesen Dokta William Tagis taim em i glasim ol wok painim komiti bilong em i bin karimaut long ailan i tok

Em i tok Edukesen Sistem long kantri i fokus o givim bikpela lukluk long ol skul pikinini namel long 6-pela krismas i go long samting we Edukesen sistem long Bogenvil i mas wokim em long fokus o helpim ol yangpela man long skul bek na ol i ken helpim long kirapim bek Bogenvil.

Em i tok bikpela helpim bilong ol dona ejensi na Edukesen Dipatmen i go long dispela 6- na 18 yias grup.

Dokta Tagis i tok long Edukesen sistem long Bogenvil i helpim wok long kirapim Otonomes Rijen, ol i laikim helpim bilong olgeta yangpela pipel.

"Olsem na i moabeta long wokim gutpela inventori.

"Dispela i min olsem ol i mas kaunim olgeta klasrum, skul, haus tisa, olgeta bilding na ol bai save hamas nupela bilding ol i mas sanapim gen.

Narapela samting ol i mas wokim em long kaunim krismas bilong olgeta pikinini long 6-pela yias i go inap long 35 yias. Dispela em ol lain i laikim skul na ol i stap long skul. Yumi mas save husat i stap na yumi ken skelim gut ol risos long helpim dispela tupela grup. Ol lain we kraisis i bin bagarapim skul bilong ol i mas kam bek.

Olsem, i mas gat balens. Nogut Bogenvil i lukluk tasol long ol yangpela i wok long bikpela nau na lus tingting long ol dispela we edukesen bilong ol i bagarap. Ol dispela lain em Bogenvil i mas givim bikpela lukluk nau long ol. Ol i mas givim sans long ol bikos sapos nogat, Bogenvil bai bungim yet hevi. Ol i wokim hombru na ol trabel bikos ol i nogat samting long wokim.

Em i tok tu olsem skul fi hevi em wanpela bikpela samting we ol papamama i bungim na planti pikinini i no stap long skul. Na planti tu i no pinisim skul fi.

Em i tok bihainim wok painimaut bilong Komiti, em i gat bilip olsem sampela gutpela helpim bai go long ol yangpela Bogenvil pipel na wantaim ol pikinini i kamap nau na skul, ol i ken kisim gutpela save long kirapim bek na go hetim gut Bogenvil.



Aiskrim bilong Libesa Trading i kam gut tru

LIBESA Trading em wanpela kampani i kamap long pinis bilong Bogenvil krais, insait long Arawa taun na nau i wok long kamap bikpela moa yet.

Rodney Job em papa na bosman bilong dispela bisnis na tu em i memba bilong Kokoda insait long Otonomes Bogenvil Gavman.

Tasol em yet i no wok long ronim bisnis. Em i lusim long han bilong Menesa bilong em, Mr. Robert Saul.

Wok bilong Robert em long lukautim olgeta bisnis bilong Rodney na mekim i kamap wanpela strongpela bisnis insait long Arawa taun.

Kain ol wok olsem jenerel treading, holsel na reteil, salim ol kaikai nabaut na frisa kaikai, ol opis steseneri na ol wok olsem taiping, potokopi na ol narapela sevis we ol pipel bilong Arawa taun i laikim tru.

Narapela wok tu em ol i wokim nau yet em long baim kakau bin long ol asple na salim i go long Agmark Rabaul. Robert i tokim *Wantok Niuspepa* olsem kakau nau i kamap wanpela bikpela bisnis insait long Bougainville.

Planti ol man na meri i wok hat long lukautim kakau na pe bilong ol i kamap nambawan tru.

Nau yet Libesa Trading i gat 11- wok manmeri na bisnis tu i wok long kamap bikpela moa.

Long helpim ol wok manmeri, misis bilong Rodney Job na ol pikinini bilong ol tu i wok long wok insait long bisnis taim skul holide i kamap.

"Wanpela sait bilong bisnis we i wokim gutpela mani em ol kolim "ice cream pala" o salim ais krim. Man! ol lain ino save isi long kaikai ais krim ya.

Ol i save baim ais krim long 7 kilok moning i go i nap long 9 kilok long nait na em wanpela rot we mipela wokim long amamasim ol pipel bilong mipela. I no long Mosbi dekanai tasol, mipela long Arawa tu i gat ais krim tu ya!!" Em bos man bilong ol i tok olsem.

Bikpela wok we kampani i laik wokim em long baim ol kago long ovasis kantri na salim i go stret long sip i kam long Kieta. Long dispela rot, prais bai i go daun moa yet na bai isi long poket bilong ol pipel.

Na tu i gat tingting long kirapim sampela bikpela bilding bikos taim ol lain i givim sevis i kam insait long Arawa taun, bai mipela i redi long rentim dispela ol bilding i go long ol.

Em futja plen bilong Libesa Trading long Arawa taun, "Mista Job i tok.

Ol Investa mas gat bilip long Bogenvil

...Ol liklik bisnis wok strong long kirapim rijen

RODNEY Job em i wanpela bisnis man na i papa na Meneseing Dairekta bilong Libesa Trading insait long Arawa. Em i memba bilong Kokoda KoInstituensi insait long Otonomes Bogenvil Gavman (ABG).

Mista Job em tok pilai olsem nogut yu ting Kokoda em dispela ples long Noten provins, nogat.

"Mipela long Bougainville to i gat Kokoda, em i representim tiripela hap em olsem Koiari, Koromira na Dantanai.

Rodney i winim dispela sit long ol narapela kendidet husat i bin resis long Otonomes Ilekse las ya.

Na tu Rodney em Vais Siaman bilong Pablik Akauns Komiti na tu memba bilong Standing Oda Komiti. Bikman i kamap wanpela bisi man stret insait long ABG na em i wok hat tru long wok bilong gavaman na wok bisnis bilong em. Tasol bisnis bilong em i wok long ron gut stret.

Niuspepa i toktok wantaim em Rodney, em i tok ABG nar Nesenel Gavman mas traim na sapotim na painim rot long helpim ol liklik bisnis manmeri olsem em. Em i tok "mipela i no go long beng na kisim lon o dinau mani, nogat. Long taim bilong hevi, mipela i wok long sevim ol liklik mani i go i go inap hevi i pinis na nau mipela statim bisnis long ol dispela man," Job i tok.


Na nau em i taim we Nesenel Gavman na tu ABG i mas lukluk long stretim ol rot na infrastraksa. Na ol sevis i ken i go insait long ol viles long ailan. Em nau ol liklik ol man meri i ken gat sans long salim ol produs o samting ol i groim ol yet i go long ol maket na tu long ol narapela hap insait long kantri.

"Long lukluk long bikpela piksa, olgeta man na meri bai go insait long kamapim ol kain kain bisnis insait long provins, em nau bai yumi helpim gavman na ol liklik bisnis i wok man long

strongim wok mani i go fowed. Wanpela bikpela hevi insait long Arawa em long telephon sevis em i wanpela bikpela sevis we mipela i nidim stret long helpim mipela long kamapim gut bisnis na draivim i go forward," Job i tok.

"Pawa saplai tu i narapela hevi na sapos pawa i go aut, em nau, olgeta samting tu i aut. Olsem, na mipela ol bisnis man na meri insait long Arawa i gat ol genareta long givim pawa saplai long mipela. Mipela save tromoim bikpela mani long i go na i kam long Buka long kisim ol saplai na long wankain taim, wokim ol benking na tu yusim telipon sevis long hap," Job i tok.



"PNG pawa na telikom mas nau tingting long apgredim ol sevis nau olgeta samting bai ron gut. I gat planti ol kastoma moa long Arawa i nidim dispela ol sevis. Sapos yu tok olsem ol sevis provaida o lain i kisim sevis bai i no nap kam bikos long lo na oda hevi, em nau yumi giaman.



Libesa Trading Limited

Stoa bilong yumi long ARAWA town

- Ice Cream Gala Pala
- Wholesale & Retail
- Office supplies & Stationery Store
- Secretarial Sales & Services
- Haus Mit
- Agent for AGMARK
- Grocery Store
- Sports Equipment
- Schools Curriculum Materials & Text Books.



Sapotim Bisnis Developmen insait long Bogenvil Ailan!



Arawa taun bai klin - Eben LLG Kaunsel

BIKPELA samting we Arawa Eben Lokol Level Gavman Kaunsel i laik wokim long dispela yia em long kamapim gut Arawa taun, mekim i luknais, klin na helti. Na dispela i mas kamap bipo long mun Disemba.

Dispela plen i kam aninit long Otonomes Rijen bilong Bogenvil Menesmen Eksen Plen.

Eksen Plen bilong Overol Menesmen Plen em i stat long janueri 2006 inap long disemba 2006 em long:

Objektiv o samting we dispela plen i laik kamapim em long kamapim Arawa taun long level we pablik i luksave long en. Na taun i ken kamap gutpela sapos yumi lukautim gut taun na em bai stap klin helti na i luknais. Na yumi mas inapim dispela wok long mun Disemba long dispela yia.


Strateji o Wok Plen

Hevi i save kamap olgeta taim

- Hevi long mentenens wok long ol paip wara, surij na dreinij sistem long Arawa. Apgetim na stretim ol strit insait long Arawa taun;
- Menesmen na rausim pipia long taun wantaim tu wok long mekim taun i luknais we i wok long kamap hat.
- Kodinesen na ol wok redi bilong etministresen bihainim ol nupela fainensel arenjmen long plening opis.

Taget

- Lukim olsem nogat wara i lik o paip i bruk na wara i kapsait, menesim surij (toilet) sistem




PAUL NAKARA: Arawa taun meya i lukluk long gutpela na klinpela Arawa taun.

long taun na kamapim gut rot bilong mekim isi long kisim ol dispela sevis.

- Makim ol de na taim long pipia trak i karim ol pipia na tromoim ol. Painim ol hap bilong tromoim pipia long em na menesim gut dispela wok. Na wokim sistem bilong kolektim fi long karim pipia.

Go hetim ol wok na wanem taim

- 1.1-Long sait bilong ol wara hevi na bruk paip, bikpela lukluk bai go long wok mentenens bilong ol dispela samting.
- 1.2- Klinim ol drein
- 1.3-karimaut wok mentenens long surij



PATRICK ITA: Arawa taun menesa

1.4- Wok long karimaut mentenens long ol strit insait long taun.

- 2.1 Kontrolim gro bilong ol diwai, plaua samting insait long taun, mekim ples i luknais na planim ol plawa.
- 2.3 Karimaut wok mentenens long ples bilong tromoim pipia.
- 2.4 Haiarim ka.
- 3.1 Wokim ol mep long olgeta mun na lukim ol ripot i mas kaamp long taim.
- 3.2 Viles Kot
- 3.3 Bot Miting
- 3.4 Ol polisi bilong Etministresen na karimaut ol wok

Rot long Luksave sapos i gat wok kamap.

- Helti, klin na gutpela drinij, toilet sistem i wok gut na gutpela klinpela wara sistem i ron.
- Pipel bai helti

- Mak bilong kisim sik bai go daun long 50 pesen
- Ples i luk helti na ol strit i klin
- Pipel bai amamas long lukim gutpela, klinpela na naispela ples.

Menesim gut wara na kolektim ol fi, planim ol plawa, lanimtu ol plents na plawa diwai bilong ples na mekim taun i luknais.

Masin- Ol pipel i mas wok- Klinpela ples bilong malolo.

- 3.1 Lukim Etministresen i wok na olgeta program i go het olsem i stap long plen.
- 3.2 Kisim ol fain na ol reti fi
- 3.3 Go hetim olgeta polisi.

Peter Miriki em ooisa husat i go pas long lukim olsem olgeta dispela ol plen i go het na karima kaikai.

Baset mak long ol wok mentenens, rausim pipia na bilasim taun em K292,036.

Na bilong wok Etministresen na go hetim ol program em K189,976.

Mani bilong karimaut ol wok ya bai i kam long Dipatmen ov Bogenvil.

Ol wok we AULLGC i bin makim long karimaut long mun Janueri long dispela yia em long karimaut ol wok mentenens na apgetim ol paip, stretim ol bikpela wara paip i bruk na ol dispela we i lik o kapsait.

Strateji o Plen

I mas gat ol metiriel long karimaut ol mentenens long planim

wok na ol bruk paip na wara i kapsait.

Taget

Lukim olsem ol paip bilong wara sistem i orait na ol i karimaut ol wok plaming long ols samting i bagarap.

Ol wok long mekim na wanem taim

1.1-Stretim ol paip we wara i kapsait long ol, stopim ol valv na sevisim ol apstaim.

1.2- Stretik ol mein wara paip wara i kapsait long ol. Em ol dispela i go long ol residensel eria o ol haus we ol pipel i stap long en.

1.3- Sekim ol iligel koneksen o koneksen we ol man yet i wokim long stilim wara.

2.1 Kariamut sevei na luksave long ol tul bilong yusim long karimaut ol wok.

2.3 Wokim kosting o pe bilong ol tul.

2.4 Baim ol metiriel.

Samting yu laik kamapim

1.1-Long kisim gutpela wara sevis long ol kastoma.

1.2- Long givim helti na klin wara.


2.1- Long lukim olsem ol metiriel na tul long karimaut wok i redi.

2.2- Kisim kwotesen fom long ol saplaia.

2.3- Ol Olgeta metiriel na tul i mas redi long wok i stat.

Peter Miriki em opisa husat i bosim ol dispela wok.

Dipatmen ov Bogenvil bai givim mani long fandim wok. Manimak long karimaut ol wok inap long K5,000.



Papua New Guinea Radiocommunications & Telecommunications Technical Authority

The PNG Radiocommunications & Telecommunications Technical Authority (PANGTEL) is the technical regulator of the telecommunications and radiocommunications industry, including television and broadcasting services in Papua New Guinea.

PANGTEL was established by virtue of the *Telecommunications Act 1996*. PANGTEL's objectives as contained in Section 32 of the *Telecommunications Act 1996* and as amended by the *Telecommunications Industry Act 2002* for technical regulation of telecommunications services includes:

- Developing policies for technical standards;
- Developing policies for performance standards;
- In consultation with the Independent Consumer Competition Commission (ICCC), inter-acting with accredited international telecommunication bodies on behalf of the Independent State of PNG
- Approving and certifying telecommunications equipment;
- Telecommunications numbering resources management; and
- Spectrum management and licensing.

For further information please contact:

Office of the Director General,
Pangtel Headquarters, Frangipani Street, Hohola,
PO BOX 8444, Boroko, NCD, PAPUA NEW GUINEA

Telephone: (675) 300 4009

(675) 325 8633

Facsimile: (675) 325 6868

Website: www.pangtel.gov.pg



Edukesen Task Fos Komiti i Glasim Edukesen long Bogenvil



AUTONOMOUS BOUGAINVILLE GOVERNMENT



Ol Komiti Memba

William Tagis PhD	Siaman
William Nakin	Deputi Siaman
Patrick Koles	Memba
Michael Meten	Memba
Damien Rapese	Memba
Martin Kenehe	Memba
Jerry Kuhena	Memba
Regina Tugan	Memba
Albert Nukuitu	Memba
Jacob Toroken	Memba
Wilfred Kaleva PhD	Memba
Joe Taruna	Memba
Michael Puton	Memba
Lillian Ahai	Memba
Brenda Tohiana	Memba, Edukesen Plen Stering Komiti
Ben Torowai	Memba, Edukesen Plen Stering Komiti
Isaiah Morok	Memba, Edukesen

Nathaniel Hakori

Simon Taniung

Paul Kareba

Joseph Tonnaku

Gorothy Kenneth

Plen Stering Komiti
Memba, Edukesen
Plen Stering Komiti
Memba, Edukesen
Plen Stering Komiti
Memba, Edukesen
Plen Stering Komiti
Memba, Edukesen
Plen Stering Komiti
Task Fos Eksekyutiv
Opisa

Tok i Go Pas

BOGENVIL na ol ailan klostu i kisim Otonomi long mun Jun, 2005 long kamapim Otonomes Rijen bilong Bogenvil (ARB) insait long Indipenden Stet bilong Papua Niugini. Toktok we i kam bipo long Otonomi i stat long ol wok bilong nupela gavman aninit long wanpela agri-
i go long pes 24.

Edukesen Task Fos Komiti i Glasim Edukesen long Bogenvil

i kam long pes 23.

men wantaim Nesenel Gavman. Wanpela bilong dispela i edukesen. Wok long mekim dispela dro daun i mas kamap yet, tasol em luk olsem em i bai kamap bihain ol i lukluk sapos rijen i inap putim tu opis bilong edukesen, risets, saiens na teknoloji. Rijen i no inap long wokim dispela long dispela taim.

Mama Lo bilong Otonomes Rijen bilong Bogenvil i stap insait long bel isi we i as long en i wei bilong kirapim divelopmen. Tasol bel isi em yet i no inap, sapos ol bikpela wok long stretim ples na tingting bilong bel isi na wei long putim em long wok long kirapim senis na divelopmen i no stap.

ARB long taim bilong tok bilong otonomi kam inap nau i bungim kain kain askim long bikpela rifom long givim i go long stet edukesen na trening sistem. Em i singaut long statim nupela plet. I gat bikpela laik long ol progrem long holim pasim olgeta husat i ken go long skul, husat i stap long skul, krismas grup husat sans bilong ol i bagarap bikos long kraisis, na olgeta bikpela husat i laik kisim moa skul. I gat strongpela laik long strongim straksarel na menesmen samting we i no inap, we i no egen-sim laik long bikpela edukesen long givim long olgeta, yusim arapela kain wei olsem aplaied/teknikel na skul tasol long 14-pela krismas long edukesen.

Nupela strongpela tingting i mas stap long lukautim sait bilong kain kain tingting na plen we i mas narakain long dispela i stap nau long PNG. Bikpela laikim long straksarel senis i klia piksa long laikim long statim nupela bel isi wantaim arapela lain long Papua Niugini na wol. Ol stretaji mas senis liklik long rikonstraksen o kirapim bek gut edukesen na menesmen we i no bihainim rot em planti i save

kisim.

Long ARB level bilong sevis na senis we ol i painim i bikpela na i gat bikpela salens.

Long 26th Oktoba 2005, Bogenvil Autonomes Gavman (BAG) i kamapim Edukesen Task Fos (ETF) long rivyui na kamap wantaim sampela tingting long divelopim Stet Edukesen Sistem. Bikpela wok bilong Task Fos i bilong lukluk na stretim wok bilong Bogenvil edukesen. Task Fos i tokaut long sampela tingting ol i gat long 11-pela isu o samting. Em long gavanens na menesmen stended; risos; kos buk; diliveri bilong besik risos; ron bilong tisa; wok bilong sios ejensi; tisa komitmen; wei long kisim samting; wei long holim pasim sumating insait long skul risos gavanens na menesmen. Ol dispela isu ol i lukluk long en long painim askim bilong inap mani i stap, samting we i stap long-pela taim, impotents na sapos samting i orait.

Bek graun

ARB i bin gat populesen we i sanap long 175,160 long 2000 Nesenel Sensus o kaunim bilong olgeta manmeri long kantri.

Laspela 30-pela krismas i soim populesen i go antap olgeta yia long 1.5% na populesen nau yet i sanap long 191, 527 (2006). Ol populesen grup i soim bikpela namba bilong yut namel long 4 na 29-pela krismas i gat namba olsem 136,550 long 2006. Lukluk long populesen namba i go inap 2015 we i kam long 2000 nesenel kaunt i soim olsem rijen bai gat 218,990 (man na meri) long yia 2015. Namba bilong krismas bilong ol pikinini husat i redi long skul i luk olsem em i bai sanap long 131,734 long yia 2015.

Rijen i gat tupela bikpela ailan na dispela em long Bogenvil na Buka. Ol liklik ailan we i gat man long ol em ol long Nissan na Pinepel,

i go long pes 25.

Edukesen Task Fos Komiti i Glasim Edukesen long Bogenvil

i kam long pes 24.

Matsungan, Pororan, Sapos, Petats, Madehas, Taiof, Teop, Pokpok, na ol longwe ailan bilong Mortlock, Fead, Tasmans na Carteret/ Kilinalau na 165-pela liklik ailan moa.

Rijen i gat gutpela graun bikos long maunten paia we i bin stap bipo. Em i gat nambis we i ron moa long 700 km, planti natrel bris na 240 000 ha long liklik rif. Rijen i wok long strongim sait olsem lida long rijen we i resis wantaim arapela long mekim kakau na kopra insait PNG bihain long 17-pela yia long kraisis. Em i gat bikpela hap long solwara we man i no painim yet. Faivpela long ol ailan we man i stap i gat planti maunten na liklik maunten o gat graun we i wel.

Rijen save kisim bikpela ren olgeta yia. Liklik hap ples long saut na saut westen graun i save kisim bikpela ren we i save bagarapim ol samting. Ol gaden save kisim taim wantaim bikpela lus long ikonomi long kokonas na kakau plentesen.

Ripot long Sosel na Ikonomik Sait

Populesen long Distrik Eria, Populesen Kaunt long yia 2000

Distrik	Man	Meri	Olgeta	Meri
Not Bogenvil	37415	35676	73091	48.81%
Sentrel Bogenvil	21613	19872	41485	27.19%
Saut Bogenvil	30986	29598	60584	40.49%
Olgeta	90014	85146	175088	48.60%

Populesen

Populesen i go antap long 160,000 long yia 1990 i go long 175,088 long yia 2000. Buka, Arawa na Buin level gavman i gat 56% long populesen i stap long en, bikpela namba i stap long Buka Distrik.

Plantu long ol pipel i stap insait long ol rurel komyuniti na bikpela populesen husat i stap long taun i stap long Buka/Hutzena, Arawa na Buin.

Ikonomik Profail

Wok long kamapim mani insait long Rijen long taim bilong pinis long kraisis i no kisim strong-pela risets. Nogat rijinel akaun i kirapim hat wok long traim long givim raitpela lukluk long ron bilong rijen long yia 1998. Maski long dispela, ol wok bilong developim ikonomi i wok long kamap long olgeta ailan. Isten na not sait wantaim ol bikpela maunten bilong em i gat planti kakau na kokonas plentesen na saut wantaim wes kos i gat liklik kakau na kokonas plentesen bilong ol famili.

i go long pes 26.

Edukesen Task Fos Komiti i Glasim Edukesen long Bogenvil

i kam long pes 25.


I gat bikpela tingting long mekim bisnis namel long ol pipel husat i gat arapela kain tokples. Sauten rijen i go pas long kamapim olsel na riteling sekta we i wok long kamap kwik taim tru. Ol ektiviti bilong liklik sekta bilong promotim rijen i bikpela wantaim ol bikpela operesen i kamap long han bilong ol lain long Noten sait. Namel rijen long Wakunai i go long Tinputz i gat bikpela laik long mekim kakau. Wok long mekim kakau na kopra i bikpela wok insait long ikonomi we mani i save kam long wok agrikalsa. Long divelopim ikonomi long midiem tem i go long 10-pela krismas, bai i mas gat strongpela rot na gavman etministresen. Polisi na komitmen bilong Gavman long stap long dispela rot bai mekim wei long ikonomi long kamap long givim pipel level long sevis we ol i laikim. Kontribusen bilong agrikalsa sekta i no inap na mas gat sapot long kain ektiviti olsem maining, komes, painim pis na bikpela takis long pe.



Humen Risos

Namba bilong ol man insait long ARB husat i wok na skul na husat i stap insait long divelopim ikonomi i hat long givim namba bikos infomesen long dispela i no stap. Ron bilong sivil sevis a arapela wok we i gat pipel husat i gat gutpela save long taim bilong kraisis i lusim bikpela spes insait long save bilong polisi na ARB gavman opisa. Task Fos i luksave wantaim sampela wari long sait long liklik mekim long wok long ol ARB opisa.

Lukluk long wok bilong tisa sekta na muvmen bilong ol tisa husat i pinis wok bipo long kraisis i kirapim planti tok strong long ol rijinel man husat i save givim etvais bikos long liklik save na ting save bilong ol long skul kos buk long sait long tisa na liklik save bilong ol long miksim nupela wei long lainim ol pikinini.



STI Trading Ltd sevim ol pipel long Arawa

Steven Ipiung i papa bilong STI Trading

STI Trading em wanpela bikpela honsel insait long Arawa taun na i wok long sevim ol liklik tret stoa insait long bik ailan Bogenvil bihain long em i bin op mun Oktoba 1999.

Papa bilong Honsel stoa ya , Steven Ipiung i tok long 1999 em i bin salim ol kaikai olsem rais, tinpis, mit, suga, flawa na ol kaikai we pipel laikim stret.

I kam inap nau, em wokim gut mani na kirapim ol narapele ol outlet olsem Cash n Carry, frisa kaikai, ol ilektrikel samting na moa yet.

Taim *Wantok Niuspepa* i raun i go long Arawa sampela wik i go pinis, em i tok olsem, " mipela i mas lukluk raun long propeti bilong em na bai mipela ken kisim gutpela piksa long bisnis bilong em.

Em nau, yu lukim ol piksa em

bisnis bilong Steven Ipiung insait long Arawa taun.

Long yia 2002 Steven i bin winim sampela liklik kontrak long gredim rot long Buka igo long Buin na notwes road, wantaim Kunua. Em i baim tupela greda long wokim dispela wok we nau yet, i wok yet i stap.

Steven i tok, bisnis i gutpela, maski i gat kompetisen o resis, "yumi laikim yet moa bisnis insait long Arawa."

Em i tok gavman i mas stretim rot na ol kastoms ejen na ol bank mas kamap nau long Arawa taun i gat bikpela nid moa yet long dispela ol servis mas kamap long helpim ol liklik man na bisnisan wantaim.

Tu gavman mas painim rot na ol bisnis man i kan kisim sampela kain fainensel helpim i kam long ol fainensel institute long helpim mipela long divrelop na

grow.

Sapos dispela kain i kamap, bai i gat planti ol wok i kamap na benefit bai i go long ol asples long kisim wok.

Gavman tu mas luksave olsem olgeta bisnis yumi yet long PNG i ken wokim i no nid long kisim ol bisnis man bilong ol narapela kantri i kam insait na larim ol wokim ol liklik bisnis rot we yumi yet i ken kirapim.

I mas gat lo long stopim dispela ol ausait man i kam insait long provins na statim bisnis.


We ol bisnis i hat na yumi yet i no inap long wokim ol Gavman kan nau lukluk long kisim investa kam insait na kirapim dispela ol bikpela bisnis.

Lusim ol liklik bisnis long mipela ol Papua New Guinea man na meri long wokim.


PAPA BILONG HONSEL : Steven Ipiung, mi stat long 1999 long salim ol rais, tinpis buli bif, suga na flawa. Nau em honsel, olgeta samting yu laikim i stap wantaim mi.

STI WHOLESAL NAMBAWAN LONG ARAWA...

Sapos yu laik kisim ol honsel kago, mipela i ken saplaim yupela long ol Jenerel stoa kaikai, ol Groseri, ol Frisa kaikai, ol Klos, Ilektrikel, Kes na Karim na moa samting yu laikim...



Yu yet kam na lukim!!



Sapotim bisnis na divelopmen long Otonomes Rijen bilong Bogenvil.



Mobail treading i laik go bikpela


Mobail Treading Holse/Riteil- Wally Seeto i papa long em.

Wally Seeto em i wanpela bisnis man bilong bipo yet em statim kain bisnis olsem tret stoa long Rabaul.

Nau em kirapim wanpela stoa gen long Buka taun we i bin op long 2005 i kam

inap nau. Em i tok i gat bikpela nid long ol samting em i salim nau bikos ol narapela stoa i no salim tumas ol kain samtin olsem TV, VCD, DVD, na planti moa. I gat ol ilektrikel ikwipmen na tu em i salim ol narapela ol samting olsem klos na planti ol samting we yumi laikim long kamapim gut laip..

Wanpela bikpela samting we em i laik wokim em long statim wok long kisim ol bikpela kontena i kam long ovasis saplaia stret i go long Buka. Tasol em i no kisim sapat long ol bikman bilong gavman. Olsem na em i i weit yet long harim ol tok orait na em i ken stat long wokim dispela wok




RAIT STOA: Mobile Trading i pulim planti kastoma na nau ol i ting long go bikpela.



KAINKAIN KLOS: Lukim hia em ol kainkain klos we ol i salim insait long Mobile Trading long Buka taun.

South Bougainville Engineering Ltd



In the same year the company was re-registered under the new name of "South Bougainville Engineering Limited" with all its assets transferred. This company is owned by the people of Buin. The board of directors is basically made up of the five Council of Elders in Buin and they are Makis - Linus Konokung, Linoke - Chris Pio, Baubake - Andrew Pinoko, Konnou - Aloysius Masiu and Wisai - John Patoai.

A new inclusion on the board is the coastal C.O.E representing the people living along the coastal areas of Buin. With the new formation of the company, the directors of South Engineering was able to pay a dividend of K12,000 in the year 2000 in which the Council of Elders received K2400 each, during the same year a further dividend of K21,000 was paid out.

The board has recently approved a huge dividend payout of K48,300 for year 2003 and 2004 which the Council of Elders receiving K6,000 each. From 3 machineries in the year 2000 to now the company owns 2 graders, 3 bulldozers, 1 loader, 1 roller, 1 excavator, dump trucks, 1 nissan UD cube, 1 prime mover, and 2 landcruisers.

The company specializes in general road maintenance contractors and distributors of hardware supplies.

The Managing Director is Albert Kinani, and the company employs 50 employee's and is currently providing its services to Buka, Wakunai and Buin. They are currently working on the Togerau feeder road.

South Bougainville Engineering Limited formerly known as South Engineering Limited was initiated in 1993 with its first office established in Rabaul by the than Telei Interim Authority.

In 1994 MP for South Bougainville Michael Laimo donated a grader and bulldozer to the company. The bulldozer was than hired by Lihir Gold Mine for two years in 1994 and 1995, while the grader was doing grading work required at the Buin airstrip.

In 1996 the machineries were shipped via Rabaul and than on to Buka. The company was awarded a contract with Barclay Brothers in the year 2000 for work to start on coastal trunk roads between Kangu and Buin town, Buin town to Lualai, Buin town to Sovele, Buin to Kerekere plantations in Koromira, Buka ring road to Kessa in Lonahan and Gagan, West coast road Kohiso, Siara to Korokovi in Kunua and the Togerau feeder road.

South Bougainville Engineering Limited
 PO Box 3, Buka
 Autonomous Region of Bougainville
 Head Office: Buka company base
 Warehouse & Workshop: Buin

Phone/Fax: 9739613
Email: eng@global.net.pg

Askim long Laimo long kirapim opis long Buka

... i kisim 15 yias nau

Aloysius Laukai i raitim

OL pipel bilong Bogenvil i askim watpo em bin kisim 15-pela krismas long memba bilong Saut Bogenvil na Nesanel Minista bilong Edukesen Michael Laimo long kirapim wanpela opis bilong em long Bogenvil.

Wanpela sief bilong Bana Distrik long sautwes Bogenvil, Paul Namesi i tok ol pipel i wok long askim watpo tru Minista Laimo i wokim dispela, taim 2007 Nesanel Ilekseen i kam klostu.

Mista Namesi i tok insait long laspela 15 yias, Mista Laimo i save stap long Mosbi na em i operet long "rimot kontrol" long opis bilong em long Mosbi yet.

Em i tok long planti yia, ol pipel long ilektoret bilong em i bin singautim Mista Laimo long kirapim wanpela Ilektoret Opis long Bogenvil, tasol em i no save harim.

Mista Namesi i tok ol pipel bilong Bana distrik bai sapatim ol pipel husat bai lukluk long ol na i gat trupela laik long helpim ol.

Em i tok Bogenvil i wok long kamaut nau tasol long bikpela hevi na ol lida i mas helpim long stretim ol hevi, wari na ol arapela samting we ol pipel i laikim.

Mista Namesi i bin wokim ol dispela toktok bihain long em i harim olsem Mista Laimo i kirapim ilektoret opis bilong em long Buka Ailan.


PNG Swimming

nik tok

long

Pini

ld Medal



PNG long

wealth Games 2006

Bank South
www.bsp.com.pg

Takamasi - Mak bilong ol Buin

LONG Bogenvil, planti man i save long wanpela kain singsing ol i kolim singsing kaur na long planti tok ples dispela em i singsing koma.

Long dispela singsing ya, ol man i katim mambu na bungim na winim. Na ol man i winim dispela kain mambu ol i wokabaut na raunim sampela arapela man i sanap long namel na ol dispela man i winim wanpela bikpela hap diwai ol i bin wokim hul long en. Long wanpela as bilong dispela diwai ol i pasim hap sel kokonas na em tu i gat hul long en. Taim ol i winim stret long dispela hul long sel kokonas na kra i bilong diwai i bikpela tru. Dispela diwai bilong winim ol i kolim koma tu na em yet i givim nem long dispela kain singsing kaur. Ol man i winim dispela bikpela diwai olsem kaur na ol i kalap wantaim. Long Buka, Tinputz, Wakunai, Kieta na Torokina na planti arapela hap long Bogenvil i gat dispela kain singsing kaur.

Long Buin tasol dispela kain singsing kaur i nupela samting. Taim wanpela man bilong Jemani, nem bilong em Richard Thurnwald, i bin raun long hap long 1908 inap long 1909 na gen long 1933 inap long 1934, ol Buin ya i nogat dispela kain singsing kaur. Tasol ol i gat narapela kain mambu ol i save winim na ol i kolim em, Takamasi.

Long 1982, mipela i bin raun long Buin long painimaut long singsing kaur bilong ol yet. Planti man i ting mipela i askim long koma tasol. Wanwan lapun man tasol i save long dispela samting tru bilong Buin. Nau tupela man tasol i save gut long Takamasi. Nem bilong tupela em Kasia na Karupo na tupela i bilong ples Kikimogu.

Long singsing koma ol man i save bungim sampela mambu i gat wanpela as i stap yet, na sampela mambu ol i rausim tupela as pinis. Ol bai bungim tripela tripela o foapela foapela. Hap i op i stap em bilong winim. Ol mambu i gat wanpela as long ol, ol bai lainim olsem, bikpela i go pas namba tu bai liklik moa long namba tu na i go i go. Na long baksait bilong ol dispela i gat as, ol bai lainim ol dispela mambu i nogat as, tasol ol bai wokim wankain sais bilong ol arapela. Olsem na tupela lain mambu i stap. Dispela em i pasin bilong wokim mambu long singsing koma.

Tasol long singsing takamasi ol i gat narapela kain pasin. Ol i save lainim nainpela o tenpela mambu olgeta long wanpela lain tasol na olgeta wan wan mambu i gat wanpela as i stap. Ol i save lainim long tupela grup. Olsem faipela faipela sapos i gat tenpela olgeta o faipela foapela sapos ol i wokim nainpela tasol.

Namba wan grup i gat faipela mambu ol i lainim wankain olsem long mambu koma. Tasol namba sikis mambu i no liklik moa long namba faiv nambu. Nogat, namba sikis em i longpela, klostu wantaim sais bilong



KLIA LONG OL: Ol lain Upe bilong Wakunai i hatim singsing kaur long taim bilong selebretim kirap bilong Atonomes gavman bilong Bogenvil.

namba wan gen. Orait namba seven mambu bai sotpela bai sotpela liklik long namba sikis na i go i go olsem.

Takamasi em i biknem long ol dispela kain mambu ol i bungim nainpela o tenpela long en. Tasol i gat foapela sais long takamasi yet. Bikpela tru ol i kolim urukuu. Dispela i hap sais bilong urukuu em i marou. Hap sais bilong marou em i kokorou. Na hap sais bilong kokorou em i takia, em i liklik tru.

Taim mipela i katim singsing takamasi wantaim ol man bilong Kikimogu, tripela man i bin winim marou na tripela i winim kokorou. Urukuu na takia tupela i no stap. Pastaim ol i winim nek bilong singsing long takamasi ya na bihain ol i lusim mambu na singsing long maus tasol, Kirap bilong singsing long em em i tok nating olsem "pem pam pom pam". Bihain ol i bungim hap tok wantaim nek bilong singsing. Long 1908, planti ol dispela singsing i stori long ol meri. Ol man i tok bilas long ol meri long singsing. Na sampela singsing i stori long pait bilong hatim bel bilong ol birua o stori long ol bikman long pait o olsem wanem na ol i winim pait. Bihain ol Katolik Misin i kamap long Buin na ol i no laikim dispela singsing em i tok bilas long ol meri na ol i tambuim em. Olsem na nau planti singsing pait tasol i stap. Kaasia na Karupo tupela i save tok olsem. Nau planti yangpela i nogat laik long kisim save long winim takamasi. Ol i tingting long singsing gita tasol. Dispela kain pasin i no stret. Singsing takamasi em i samting tru bilong ol Buin tasol. Ol arapela lain i no save long dispela samting. Sapos ol yangpela i no lainim takamasi, Buin bai lusim mak bilong ol yet.




TSIGUL: Ol yangpela i redi long danis Tsigul. Dispela em wanpela kain singsing danis ol i save paitim mambu na singsing wantaim na raunim.



REDI LONG RAUNIM KAUR: Putim ol gutpela bilas na redi long raunim singsing kaur.

Don Niles bilong Institute bilong Papua Niugini Stadis i bin raitim.



**ELECTORAL
COMMISSION**
Papua New Guinea

Toksave

ILEKTOREL ROL NA LPV AWENES

Ilektorel Komisin i statim pinis wok awenes long Limitet Preferensel Vot (LPV) na Ilektorel Rol Rejistresen insait long ol dispela provins:

Manus, Noten, Westen na Wes Sepik Provins.

Dispela awenes bai i stat long Mas 6 i go inap long Mas 31 long dispela yia 2006. Ol opisa bilong Provins na Lokel Level Administresen bai i helpim ol lain wokman bilong Ilektorel Komisin long karimaut dispela wok awenes.

PROVINS

DE (2006)

Nu Ailan, Milin Be na Is Sepik	[10th April - 05 May 2006]
Is Nu Briten, Sentrel, Galf na Madang	[08th May - 02nd June 2006]
Wes Nu Briten na Morobe	[05th June - 30th July 2006]


NCD Electoral Rol

Ol manmeri insait long NCD husat i no enrol i ken go long NCD Ilektorel Opis (olpela Yacht Club) long Pot Mosbi na enrol nau. Yu ken ringim Mista Frank Gabi long 685 7089 o Mista Peter Malai Feope long 681 1759 long moa toksave.

Ilektorel Komisin bai i kamapim nupela Ilektorel Rol bilong 2007 generel ileksen na bihain taim bikos dispela Ilektorel Rol we em i gat long em nau i gat sampela asua na ol i no inap long yusim.

YU NO INAP LONG VOT SAPOS YU NO ENROL.

Tok orait i kam long Mista ANDREW S. TRAWEN, MBE
ILEKTOREL KOMISINA



LONDEA UNCUT

- Musik bilong senisim wol

"Once the lands of man flowed free with the songs of joy and poetry.
The good folk could mingle and compose songs and play instruments at will.
Those days are long since gone ever

Since the Dark Lord took away the essence of music from the people, the
mindless hordes of spellbound people continue to listen to mediocre music.

All was thought lost until the dark lords of knights broke free from his
clutches and raged war on him.

The Horsemen of the Apocalypse had arrived
There is hope, there's always hope".

Dispela hap toktok em Pili Peipul i raitim na i save ritim long wanpela 45-minit redio so ol i kolim 'Londea Uncut' we ol i save pilaim sampela ol nupela na stail musik tru bilong tude we ol i rekotim long nupela rekot kampani long PNG, Londea Multimedia Records.

Dispela so we Pili, Loqie na Victor Vele i kamapim em i wanpela bilong ol nambawan entatenmen so mi bin harim we wanpela praivet grup na i no wanpela bikpela redio stesen long PNG i mekim. Em i gat olgeta samting insait na i gutpela entatenmen stret.

Mi yet i no bin harim dispela so taim em i kamap long redio long NauFM long moning bilong Februari 25 bilong wanem mi bin stap yet long Paradais ailan, Buka, tasol progrem dairekta bilong NauFM, Shanique i bin tokim mi long wanem samting i save kamap insait long dispela so taim em i askim mi long harim ol musik na givim tingting bilong mi.

Londea MMR

Londea Multimedia Records husat ol i stap bes long Doreen Place, Korobosea, Pot Mosbi, i gat bikpela tingting long karim PNG musik i go fowet na senisim wol.

Na musik Londea MMR i wok long mekim i soim tingting na bilip bilong studio olsem em i no hat long PNG long sanap insait long intanesenel maket sapos ol i ken kamapim gutpela na stail musik.

Man i go pas long studio, Pili Peipul i bin kamapim Londea MMR long 2005 long wanpela liklik opis we i save mekim etvetaising long Pot Mosbi, bihain long em i kisim inap mani long opim opis na kisim moa samting bilong mekim musik olsem ol

musik masin.

Peipul i toktok long NauFM olsem "Mi wanpela gutpela man stret na olgeta manmeri save laikim mi na wanem samting mi sanap makim," Peipul i tok. "Olsem na dispela em wanpela grup bilong ol pipel husat ol i gat planti talen na i laik stap insait long musik indastri, mi givim ol wok taim mi lukim olsem ol i gat gutpela save lng musik.

Londea MMR nau i redi long kamapim ol

Bihain long NiuAge band, Cyclone i testim na mekim sampela moa wok long rekotim sampela moa gutpela kwaliti musik long dispela taim inap nau na i kisim gutpela nem ken wantaim wanpela moa ben bilong Bogenvil, Trouble Zone we Sasha Silovo husat i rekot wantaim Londea MMR nau, i save singsing wantaim ol.

Dispela studio long Korobosea i soim olsem olgeta 8-pela albam ol i katim pinis bai bihainim



STRETIM MISIK: Wanpela musik produsa bilong Londea i stretim musik insait long studio bilong ol.

gutpela kwaliti PNG musik we sampela bilong ol gutpela save lain bilong musik long dispela taim na wanpela samting tu em olsem, planti bilong dispela ol yangpela musik atis i stap skul yet long Mosbi.

Nupela level bilong mekim musik

Dispela level we mi toktok long en em dispela kain olsem narapela studio bilong Pot Mosbi, Cyclone dijital studio i mekim tupela yia i go pinis. Em i bin kamap olsem wanpela liklik studio bilong mekim ol musik long putim tekno musik wantaim tumbuna musik bilong PNG olsem wanpela musik taim ol i rekotim musik bilong NiuAge Band.

rot bilong Cyclone studio na karim strong bilong ol dispela nupela musik bilong PNG i go moa yet.

"Bikos mipela em ol grup bilong ol bipo musik wokmanmeri, mipela i traim long brukim maket liklik i go na traim long kirapim maket bilong mipela yet," Peipul i tokim NauFM.

"Taim em i stat stret, Londea i bin painim hat, tasol mipela i bin stap strong inap long sampela mun, na mi yet mi ken tok olsem mipela i mekim gut tru."

Laik i stap long ol musik atis


Em i tok studio i wok long mekim kamap ol bikpela nupela samting

na 7-pela moa ben i rekot nau long studio na narapela tupela ben em ol i bukim pinis bilong stat long rekot long ol wik i kam.

"Ol dispela ben i gat ol strong na stail bilong ol yet we i karamapim ol kain kain musik olsem Hip Hop i go long Ailan Funk, Regei i go long Blues, mipela i gat Jazz tu. Mipela i gat olgeta kain kain musik na mipela i wok long groa yet na mekim moa musik."

halivim i kam long Sasha, grup Kesema wantaim Balimo tok ples singsing bilong ol Limoso na ol danis musik speselis Drainside husat i gat bikpela singsing bilong ol Get up 'n' Move It.

"Het tok na tingting we i save strongim mipela em, taim yu kirap long moning, mekim samting yu yet i laik mekim," Pili Peipul bilong Yalibu long Sauten Hailans i tok. "Mipela i no save tingting i go het tumas, nogut



MIPELA YA: Ol yangpela musikman bilong Londea MMR

Sampela long ol ben husat i rekot pinis wantaim Londea em 4TLOM (For the Love of Music) we em i gat wanpela singsing bilong Namatanai nem bilong em Bolai insait long albam Local Situation na i wok long kirapim das i stap long Nau FM Top 20 Hit List we em i sindaun long namba 14 inap long 6-pela wik nau. DTP (Dark Theory Project) em i narapela grup we Sasha Silovo i singsing long wanpela rep singsing bilong ol, Rolling, Scholastic, wanpela grup husat i bin mekim nem long Nau FM na Yumi FM wantaim singsing bilong Elton Kili na Skylon The Love Song, AR-XV (AR-15) husat i save pairapim tasol ol Hip Hop wantaim liklik

bai yu tingting planti long olgeta kain liklik samting olsem wanpela indai man insait long opis husat i wok long mekim pepa wok olgeta de. Em i no wok mipela i laik mekim."

Peipul i tok Londea i laik kamap ol lain husat bai givim musik long ol indai manmeri husat i save sindaun insait long ol opis olgeta de.

"Em bai kam long haus, harim musik bilong mipela, malolo liklik na bihain go bek long opis na mekim wok bilong em gen."

Londea musik i gat strong

Shanique bilong Nau FM i laikim tru musik bilong Londea. "Em i gutpela tru na mi ting



Logo bilong Londea MMR Studio

olsem ol dispela yangpela musik atis i gat bikpela save tru bikos ol i wok long kamapim ol nupela kain musik olsem rep musik wantaim ol lokol stail musik tu."

Shanique i bilip olsem ol dispela ben i mas stat tingting long soim stail bilong ol insait long PNG na i go aut long Pasifik tu.

"Planti long ol musik i kam long Londea MMR nau i save pilai long Nau FM na tu long tok pisin susa stesen bilong mipela Yumi FM na ol i wok long pulim iau bilong planti manmeri olgeta de."

Peipul i tokaut pinis olsem studio bilong em bai go het yet long givim nambawan musik i go long ol musik fen na go moa yet long "givim yu musik yu laikim na musik yu no bin save olsem yu laikim".

Em i tok sapos yu tingting long go baim wanpela albam o singel yu mas tingim olsem mani bilong yu i gat bikpela strong bilong em long wanem em i ken tok wanem singsing bai stap na wanem singsing na musik bai dai na lus olgeta.

"Sampela singsing i no save kisim gutpela promosen bilong wanem sampela lain insait long midia indastri, tasol em i no nogut samting.

"Em nau yu yet i mas skulim yu yet long wanem kain musik yu laikim na wanem kain musik yu bai baim."

Em i wok wan manmeri i mas tingting taim em i laik baim musik.

"Mipela no laik bihainim wanpela kain stail musik tasol, em i gutpela tu long painim wanpela nupela kain musik bikos mipela i laik painim ol nupela musik bai PNG i noken sindaun long wanpela hap tasol."

Opim tingting bilong

pipel

Peipul i tok Londea MMR i laik opim tingting bilong ol musik fen, long givim kaikai long ol kru bilong ol na opim laik bilong ol long askim moa long ol pipel husat i save mekim musik bai ol i ken givim moa gutpela samting bilong wan kina bilong ol pipel.

"Maski stap olsem wanpela tumbuna taim man tasol. Opim tingting bilong yu long musik bilong tude. Dispela taim em taim we ol lapun manmeri i wok long indai na ol yangpela i wok long kamap."

Em i askim long wanem as tru na Hip Hop bai i mas stap bilong ol Amerika, Yurop na Australia tasol.

"Olsem wanem? Yumi no inap long mekim rep bilong yumi yet? Husat i tok ol Tolai i mas harim Tolai rok tasol na ol Sepik i mas harim ol tu bit musik bilong ol. Musik bilong mipela i mas kamap bihainim ol toktok na tingting insait long ol singsing we i opim tingting bilong yumi na i givim liklik fani na i gat ol stori bilong sutim bel.

Yu ken helpim mipela na mipela bai helpim yu na mipela olgeta i ken helpim long senisim wol bilong yumi hia long PNG."

Londea bai go het long katim ol CD bilong nupela studio albam bilong ol na ol musik produsa yet i lukluk long rausim ol namba wan albam bilong ol long pinis bilong mun Mas.

Tasol nau yet, yu ken harim ol musik i kam long Londea long Nau FM na Yumi FM na amamas wantaim ol.

GLASIM MUSIK em i kamap long Wantok Niuspepa tasol yu ken ritim long tok Inglis insait long The National niuspepa olgeta Mande.

Raun wantaim Kanage olgeta wik



TV GAID EM TV

FONDE MAS 30, 2006

5.27AM STATION OPEN
5.30AM G JOYCE MEYER
Religious programme
6.00AM G TODAY
9.00AM G CREFFLO DOLLAR
Religious programme
CLASSROOM BROADCAST
9.30AM Personal Development - Grade 7
10.20AM Making A Living - Grade 7
11.10AM Social Science - Grade 7
12NOON Mathematics - Grade 8
1.15PM Science - Grade 8
KIDS KONA
2.30PM G BANANAS IN PYJAMAS
3.00PM G NEW MACDONALD'S FARM
3.30PM G H#5
4.00PM G Y
4.30PM G HOT SOURCE
4.57PM G EMTV TOK SAVE
5.00PM G FOREIGN EXCHANGE
5.29PM G EMTV NEWS UPDATE
5.30PM G BERTS FAMILY FEUD
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN

MANDE APRIL 3, 2006

5.27AM STATION OPEN
5.30AM G JOYCE MEYER
Religious programme
6.00AM G TODAY
9.00AM G CREFFLO DOLLAR
Religious programme
CLASSROOM BROADCAST
9.30AM Personal Development - Grade 7
10.20AM Making A Living - Grade 7
11.10AM Social Science - Grade 7
12NOON Mathematics - Grade 8
1.15PM Science - Grade 8
KIDS KONA
2.30PM G BANANAS IN PYJAMAS
3.00PM G NEW MACDONALD'S FARM
3.30PM G H#5
4.00PM G Y
4.30PM G HOT SOURCE
4.57PM G EMTV TOK SAVE
5.00PM G FOREIGN EXCHANGE
5.29PM G EMTV NEWS UPDATE
5.30PM G BERTS FAMILY FEUD
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN

FRAIDE MAS 31, 2006

5.27AM STATION OPEN
5.30AM G JOYCE MEYER
Religious programme
6.00AM G TODAY
9.00AM G CREFFLO DOLLAR
Religious programme
CLASSROOM BROADCAST
9.30AM Personal Development - Grade 7
10.20AM Making A Living - Grade 7
11.10AM Social Science - Grade 7
12NOON Mathematics - Grade 8
1.15PM Science - Grade 8
KIDS KONA
2.30PM G BANANAS IN PYJAMAS
3.00PM G NEW MACDONALD'S FARM
3.30PM G H#5
4.00PM G Y
4.30PM G HOT SOURCE
4.57PM G EMTV TOK SAVE
5.00PM G FOREIGN EXCHANGE
5.29PM G EMTV NEWS UPDATE
5.30PM G BERTS FAMILY FEUD
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN

SARERE APRIL 1, 2006

8.00AM G PLANET FANTA
9.30AM G THE ADVENTURES OF "MECHA-RAPPA" THE COSMIC ROVER
9.45AM G ROCKIE AND HER FRIENDS
10.00AM PG SO FRESH
11.30AM G WORLD OF WILDLIFE
12NOON G WILD ADVENTURES WITH DAVID IRELAND: Giant Moray Eels
EMTV WIDE WORLD OF SPORTS
1.00PM G ICC CRICKET WORLD
1.30PM G TOTAL RUGBY
2.00PM G INTERNATIONAL RUGBY Waratahs v Chesahs, Sydney
4.00PM G THE CAR SHOW
4.30PM G THE BOAT SHOW
5.00PM G ESCAPE WITH ET
5.30PM G FISHING WILD AUSTRALIA
6.00PM G NATIONAL EMTV NEWS
6.30PM G AUSTRALIA'S FUNNIEST HOME VIDEO SHOW
7.27PM G EMTV TOK SAVE
7.30PM G TOTAL RUGBY
8.00PM G INTERNATIONAL RUGBY Hurricanes v Crusades, Wellington, NZ
10.00PM G SOUTH PACIFIC MUSIC
11.00AM G EMTV NEWS REPLAY
11.30PM G AIRLINE
MIDNIGHT EMTV PRIME TIME LINE UP

SANDE APRIL 2, 2006

7.26AM **STATION OPEN**
7.27AM G EMTV TOK SAVE
7.30AM G BUSINESS SUCCESS
8.00AM G BUSINESS SUNDAY
9.00AM G SUNDAY
11.00PM G FOOTY SHOW
12.30PM G GOODSPTS
1.00PM G AFL Round #1 - Hawthorn v Fremantle
4.00PM G SUNDAY FOOTBALL Round #2 - Dragons v Broncos
6.00PM G NATIONAL EMTV NEWS
6.30PM G 7TH HEAVEN
7.30PM G 60 MINUTES
8.30PM M SUNDAY NIGHT MOVIE: HARRY POTTER & THE CHAMBER OF SECRETS (2002)
Adventure/Fantasy/Mystery

Harry ignores warnings not to return to Hogwarts, only to find the school plagued by a series of mysterious attacks and a strange voice haunting him.
Stars: Daniel Radcliffe, Rupert Grint, Emma Watson, Richard Griffiths.
Movie Premiere

TUNDE APRIL 4, 2006

5.27AM STATION OPEN
5.30AM G JOYCE MEYER
Religious programme
6.00AM G TODAY
9.00AM G CREFFLO DOLLAR
Religious programme
CLASSROOM BROADCAST
9.30AM Personal Development - Grade 7
10.20AM Making A Living - Grade 7
11.10AM Social Science - Grade 7
12NOON Mathematics - Grade 8
1.15PM Science - Grade 8
KIDS KONA
2.30PM G BANANAS IN PYJAMAS
3.00PM G NEW MACDONALD'S FARM
3.30PM G H#5
4.00PM G Y
4.30PM G HOT SOURCE
4.57PM G EMTV TOK SAVE
5.00PM G FOREIGN EXCHANGE
5.29PM G EMTV NEWS UPDATE
5.30PM G BERTS FAMILY FEUD
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN

TRINDE APRIL 5, 2006

5.27AM STATION OPEN
5.30AM G JOYCE MEYER
Religious programme
6.00AM G TODAY
9.00AM G CREFFLO DOLLAR
Religious programme
CLASSROOM BROADCAST
9.30AM Personal Development - Grade 7
10.20AM Making A Living - Grade 7
11.10AM Social Science - Grade 7
12NOON Mathematics - Grade 8
1.15PM Science - Grade 8
KIDS KONA
2.30PM G BANANAS IN PYJAMAS
3.00PM G NEW MACDONALD'S FARM
3.30PM G H#5
4.00PM G Y
4.30PM G HOT SOURCE
4.57PM G EMTV TOK SAVE
5.00PM G FOREIGN EXCHANGE
5.29PM G EMTV NEWS UPDATE
5.30PM G BERTS FAMILY FEUD
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN

MIDNIGHT EMTV PRIME TIME LINE UP

7.00PM G TEMPTATION: The New Sale of the Century
7.30PM G PRAISE
8.27PM G EMTV TOK SAVE
8.30PM G WHO WANTS TO BE A MILLIONAIRE
9.30PM M C.S.I. MIAMI
10.30PM G EMTV NEWS REPLAY
11.00PM G CHIM SUPERSOUND
MIDNIGHT EMTV PRIME TIME LINE UP

SP NATIONAL WEEKLY HITPARADE


Bikpela Sponsa: SP LAGER - April /01/06

SINGSING	ATIS	DISPELA WIK
Milomilo	Kekene	1
Stap Sore	Kekene	2
Gutsomi	Leftovers	3
Stailim Stailim	Murphy	4
Apusombu Seta	Sepik Spirit	5
Biga Ai	David Rangs	6
Ramandu Beach	Off Cuts	7
Pasin Barata	Dadii Gii	8
Come Back	Leftovers	9
Maten Kandiek	Twin Hok of Kavieng	10
Sori Uwaho Namomu	Murphy	11
Brent Bino	X-vibes	12
Angel	Kekene	13
Lavili fes biutiful bodi	Stranded	14
Queen 4 Lane	Leonard ft Anslom	15
Misima Island	Mid East	16
Spent all my life	Triple J	17
Skul Mangi	Gedix	18
Keliu Ngala	Saba	19
Korivido	Saba	20

Host: Kas. T Statistics by: Turana Kemi & YUMIFM crew

CATHOLIC RADIO 103.5 FM

Fonde	Mande	Fraide	Tunde	Sarere	Trinde	Sande
6.00 ANGELUS	6.00 SUNDAY EUCHARIST (replay)	6.00 ANGELUS	6.00 ANGELUS	6.00 ANGELUS	6.00 ANGELUS	6.00 ANGELUS
6.05 MEDITATION/INSPIRATIONAL MUSIC	7.00 HOLY ROSARY	6.05 MEDITATION/INSPIRATIONAL MUSIC	6.05 MEDITATION/INSPIRATIONAL MUSIC	6.05 MEDITATION/INSPIRATIONAL MUSIC	6.05 MEDITATION/INSPIRATIONAL MUSIC	6.05 MEDITATION/INSPIRATIONAL MUSIC
7.00 VATICAN RADIO WORLD NEWS	7.30 CATHOLIC INSIGHT	7.00 VATICAN WORLD NEWS	7.00 VATICAN WORLD NEWS	7.00 VATICAN WORLD NEWS	7.00 VATICAN WORLD NEWS	7.00 VATICAN WORLD NEWS
7.15 VATICAN ENGLISH PROGRAM	8.00 VATICAN WORLD NEWS	7.15 VATICAN ENGLISH PROGRAM	7.15 VATICAN ENGLISH PROGRAM	7.15 VATICAN ENGLISH PROGRAM	7.15 VATICAN ENGLISH PROGRAM	7.15 VATICAN ENGLISH PROGRAM
7.35 NON-STOP GOSPEL MUSIC	8.15 VATICAN ENGLISH PROGRAM	7.35 NON-STOP GOSPEL MUSIC	7.35 NON-STOP GOSPEL MUSIC	7.35 NON-STOP GOSPEL MUSIC	7.35 NON-STOP GOSPEL MUSIC	7.35 NON-STOP GOSPEL MUSIC
8.00 JOURNEY HOME (EWTN)	8.40 IN THE LORD'S VINEYARD	8.00 JOURNEY HOME (EWTN)	8.00 JOURNEY HOME (EWTN)	8.00 JOURNEY HOME (EWTN)	8.00 JOURNEY HOME (EWTN)	8.00 JOURNEY HOME (EWTN)
9.00 VATICAN RADIO WORLD NEWS	10.00 NON-STOP GOSPEL MUSIC	9.00 VATICAN RADIO WORLD NEWS	9.00 VATICAN RADIO WORLD NEWS	9.00 VATICAN RADIO WORLD NEWS	9.00 VATICAN RADIO WORLD NEWS	9.00 VATICAN RADIO WORLD NEWS
9.15 VATICAN ENGLISH PROGRAM		9.15 VATICAN ENGLISH PROGRAM	9.15 VATICAN ENGLISH PROGRAM	9.15 VATICAN ENGLISH PROGRAM	9.15 VATICAN ENGLISH PROGRAM	9.15 VATICAN ENGLISH PROGRAM
9.40 KIDS SING-ALONG		9.40 KIDS SING-ALONG	9.40 KIDS SING-ALONG	9.40 KIDS SING-ALONG	9.40 KIDS SING-ALONG	9.40 KIDS SING-ALONG
10.00 CATHOLIC JUKEBOX		10.00 CATHOLIC JUKEBOX	10.00 CATHOLIC JUKEBOX	10.00 CATHOLIC JUKEBOX	10.00 CATHOLIC JUKEBOX	10.00 CATHOLIC JUKEBOX
10.30 GOSPEL MUSIC		10.30 GOSPEL MUSIC	10.30 GOSPEL MUSIC	10.30 GOSPEL MUSIC	10.30 GOSPEL MUSIC	10.30 GOSPEL MUSIC
11.00 NON-STOP GOSPEL MUSIC		11.00 NON-STOP GOSPEL MUSIC	11.00 NON-STOP GOSPEL MUSIC	11.00 NON-STOP GOSPEL MUSIC	11.00 NON-STOP GOSPEL MUSIC	11.00 NON-STOP GOSPEL MUSIC
12.00 ANGELUS		12.00 ANGELUS	12.00 ANGELUS	12.00 ANGELUS	12.00 ANGELUS	12.00 ANGELUS
12.05 VATICAN WORLD NEWS		12.05 VATICAN WORLD NEWS	12.05 VATICAN WORLD NEWS	12.05 VATICAN WORLD NEWS	12.05 VATICAN WORLD NEWS	12.05 VATICAN WORLD NEWS
12.20 VATICAN ENGLISH PROGRAM		12.20 VATICAN ENGLISH PROGRAM	12.20 VATICAN ENGLISH PROGRAM	12.20 VATICAN ENGLISH PROGRAM	12.20 VATICAN ENGLISH PROGRAM	12.20 VATICAN ENGLISH PROGRAM
12.40 REFLECTION MUSIC		12.40 REFLECTION MUSIC	12.40 REFLECTION MUSIC	12.40 REFLECTION MUSIC	12.40 REFLECTION MUSIC	12.40 REFLECTION MUSIC
1.00 LAMB'S SUPPER WITH DR. SCHOTT HAHN		1.00 LAMB'S SUPPER WITH DR. SCHOTT HAHN	1.00 LAMB'S SUPPER WITH DR. SCHOTT HAHN	1.00 LAMB'S SUPPER WITH DR. SCHOTT HAHN	1.00 LAMB'S SUPPER WITH DR. SCHOTT HAHN	1.00 LAMB'S SUPPER WITH DR. SCHOTT HAHN
2.00 MUSIC		2.00 MUSIC	2.00 MUSIC	2.00 MUSIC	2.00 MUSIC	2.00 MUSIC
3.00 CHAPLET OF DIVINE MERCY		3.00 CHAPLET OF DIVINE MERCY	3.00 CHAPLET OF DIVINE MERCY	3.00 CHAPLET OF DIVINE MERCY	3.00 CHAPLET OF DIVINE MERCY	3.00 CHAPLET OF DIVINE MERCY
3.20 NON-STOP GOSPEL MUSIC		3.20 NON-STOP GOSPEL MUSIC	3.20 NON-STOP GOSPEL MUSIC	3.20 NON-STOP GOSPEL MUSIC	3.20 NON-STOP GOSPEL MUSIC	3.20 NON-STOP GOSPEL MUSIC
4.00 CATHOLIC JUKEBOX (ENCORE)		4.00 CATHOLIC JUKEBOX (ENCORE)	4.00 CATHOLIC JUKEBOX (ENCORE)	4.00 CATHOLIC JUKEBOX (ENCORE)	4.00 CATHOLIC JUKEBOX (ENCORE)	4.00 CATHOLIC JUKEBOX (ENCORE)
4.30 NON-STOP GOSPEL MUSIC		4.30 NON-STOP GOSPEL MUSIC	4.30 NON-STOP GOSPEL MUSIC	4.30 NON-STOP GOSPEL MUSIC	4.30 NON-STOP GOSPEL MUSIC	4.30 NON-STOP GOSPEL MUSIC
5.00 JOURNEY HOME		5.00 JOURNEY HOME	5.00 JOURNEY HOME	5.00 JOURNEY HOME	5.00 JOURNEY HOME	5.00 JOURNEY HOME
6.00 ANGELUS		6.00 ANGELUS	6.00 ANGELUS	6.00 ANGELUS	6.00 ANGELUS	6.00 ANGELUS
6.05 MADANG LOCAL NEWS		6.05 MADANG LOCAL NEWS	6.05 MADANG LOCAL NEWS	6.05 MADANG LOCAL NEWS	6.05 MADANG LOCAL NEWS	6.05 MADANG LOCAL NEWS
6.10 VATICAN ENGLISH PROGRAM		6.10 VATICAN ENGLISH PROGRAM	6.10 VATICAN ENGLISH PROGRAM	6.10 VATICAN ENGLISH PROGRAM	6.10 VATICAN ENGLISH PROGRAM	6.10 VATICAN ENGLISH PROGRAM
6.30 LAMB'S SUPPER WITH DR. SCHOTT HAHN		6.30 LAMB'S SUPPER WITH DR. SCHOTT HAHN	6.30 LAMB'S SUPPER WITH DR. SCHOTT HAHN	6.30 LAMB'S SUPPER WITH DR. SCHOTT HAHN	6.30 LAMB'S SUPPER WITH DR. SCHOTT HAHN	6.30 LAMB'S SUPPER WITH DR. SCHOTT HAHN
7.00 HOLY ROSARY		7.00 HOLY ROSARY	7.00 HOLY ROSARY	7.00 HOLY ROSARY	7.00 HOLY ROSARY	7.00 HOLY ROSARY
7.30 CATHOLIC INSIGHT		7.30 CATHOLIC INSIGHT	7.30 CATHOLIC INSIGHT	7.30 CATHOLIC INSIGHT	7.30 CATHOLIC INSIGHT	7.30 CATHOLIC INSIGHT
8.00 VATICAN WORLD NEWS		8.00 VATICAN WORLD NEWS	8.00 VATICAN WORLD NEWS	8.00 VATICAN WORLD NEWS	8.00 VATICAN WORLD NEWS	8.00 VATICAN WORLD NEWS
8.15 MADANG LOCAL NEWS		8.15 MADANG LOCAL NEWS	8.15 MADANG LOCAL NEWS	8.15 MADANG LOCAL NEWS	8.15 MADANG LOCAL NEWS	8.15 MADANG LOCAL NEWS
8.30 VATICAN ENGLISH PROGRAM		8.30 VATICAN ENGLISH PROGRAM	8.30 VATICAN ENGLISH PROGRAM	8.30 VATICAN ENGLISH PROGRAM	8.30 VATICAN ENGLISH PROGRAM	8.30 VATICAN ENGLISH PROGRAM
9.00 TOK STRET LONG HMAIDS		9.00 TOK STRET LONG HMAIDS	9.00 TOK STRET LONG HMAIDS	9.00 TOK STRET LONG HMAIDS	9.00 TOK STRET LONG HMAIDS	9.00 TOK STRET LONG HMAIDS
10.30 VATICAN ENGLISH PROGRAM		10.30 VATICAN ENGLISH PROGRAM	10.30 VATICAN ENGLISH PROGRAM	10.30 VATICAN ENGLISH PROGRAM	10.30 VATICAN ENGLISH PROGRAM	10.30 VATICAN ENGLISH PROGRAM



Laikim Penpren

Nem: Mark Yudiane
Krismas: 16 (man)
Adres: Bema High School, PMB Lae Post Office, Morobe Province
Save laikim: Pilai soka, basketbol, volibol, harim musik, go piknik na lainim masol ats.

Nem: Henry Guruma
Krismas: 21 (man)
Adres: PO Box 423, Kimbe, West New Britain Province
Save laikim: Harim musik, kukim kaikai, serim tingting, stori, pilai spot na planti moa.

Nem: Donnis B. Jeliga
Krismas: 20 (man)
Adres: Kaboibus Local Church, PO Box 321, Maprik, East Sepik Province
Save laikim: Raitim na kisim pas long ol pren long hia na narapela kantri.

Nem: Rebecca David
Krismas: 17 (meri)
Adres: Kutubu High School, PO Box 419, Mendi, Southern Highlands Province
Save laikim: Pilai basketbol, soka, volibol, go lotu, tok pilai na stori nambaut.

Nem: Jonah Kunda
Krismas: 17 (man)
Adres: Sonoma Plantation, PO Box 360, Kokopo, East New Britain province
Save laikim: Wok gaden, tok pilai, go lotu na ritim Buk Baibel.

Nem: Paul Matthew
Krismas: 16 (man)
Adres: Sonoma Demonstration School, PO Box 360, Kokopo, East New Britain province
Save laikim: Harim singsing lotu, go lotu, pilai spot, mekim pren wantaim ol narapela.

Nem: Harry Peter
Krismas: 18 (man)
Adres: C/- Mr Peter Alex, Dept of Works, PO Box 103, Alotau, Milne Bay Province
Save laikim: mitim nupela prens, lukim Praise na SP Musik long TV, harim musik na ritim niuspepa.

Nem: Janet Bright
Krismas: 26 (meri)
Adres: PO Box CC 1487, Gold Star Oguaa-Central Region, Ghana, West Africa
Save laikim: Pilai spot, lukim muvi, harim musik, kukim kaikai na senisim poto na presen.

Nem: Jenny Holiha
Krismas: 16 (meri)
Adres: C/- St Marys Catholic Primary School, PO Box 4149, Lae, Morobe Province
Save laikim: Senisim presen na wok long kompiuta long skul.

Nem: Theresa Maino
Krismas: 16 (meri)
Adres: C/- St Marys Catholic Primary School, PO Box 4149, Lae, Morobe Province
Save laikim: Stadi, pilai spot na ritim buk.

Nem: Vina Abel
Krismas: 16 (meri)
Adres: C/- St Pauls Boikin Primary School, PO Box 107, Wewak, East Sepik Province
Save laikim: Senisim presen, wokim skul wok, pilai spot, helpim papamama na stadi.

Olsem wanem na kainkain kaikai i stap



STORI TUMBUNA

BIPO bipo tru i bin gat wanpela man i stap. Em i gat tupela pikinini man. Wanpela taim nau brata bilong man ya i bin mekim bikpela kaikai. Long dispela taim ol man i save kaikai pikinini bilong wel diwai.

Orait, tupela pikinini bilong dispela man ya i go long dispela bikpela pati. Taim ol i kambek long ples bilong tupela, brata bilong man ya i no givim sampela kaikai long tupela mangi ya long kisim i

go bek long ples bilong ol long soim papamama bilong tupela olsem ol i kam long wanpela pati. Olsem na brata bilong man ya em i kros nogut tru na i tokim ol pikinini ya, tumora bai yumi go long bus long moning taim tru. Orait long moning taim tru, ol i kirap na ol i go long bus. Papa bilong ol mangi ya em i kaikai buai na i spetim ol mambu na ol i wokim wanpela rot. Ol i go na kamap long wanpela maunten na man ya i tokim ol pikinini bilong em, "Yupela i katim bus long hia." Ol i stap long wanpela maunten. Ol i klinim bus pinis na man ya i go na kisim ol hapstik na i taitim wantaim inap olsem 20 liklik stik. Nau em i tokim ol pikinini olsem, long namba 20 de, taim wanpela stik tasol i stap long makim dispela de,

yupela i mas kambek long dispela hap bus. Em i tokim ol olsem wanpela stik em i makim wanpela de. Em i tokim olsem na namba tu de yupela i mas kukim dispela hap bus em yupela i kliaim pinis.

Nau em i tokim ol pikinini bilong em olsem. "Katim mi nau". Tasol tupela mangi i tok, "bilong wanem bai mipela i katim yu?" Papa bilong ol i tok, "brata bilong mi i gat kros long yumi olsem na mi laik mekim yupela i amamas. Olsem na katim mi."

Tupela pikinini harim em na ol i mekim olsem papa laikim tupela long mekim. Ol i katim em na bihain ol i kraik long em. Ol i lusim dispela hap bilong papa bilong ol i stap na ol i go long ples ol mambu i stap long en na ol i wok long

katim mambu olgeta de. Ol i no inap long go ausait long wanem ol i tingting long papa bilong tupela. Mama bilong tupela tu em i no save long wanem samting i wok long kamap long ol lain bilong em.

Na namba tu de nau ol i go bek gen long bus i klin long en na ol i mekim paia na kukim dispela hap ples. Taim ol i go bek long ples bilong ol, ol i go insait long haus na stap insait tasol. Long namba 20 de gen ol i go bek gen long dispela hap ples em ol i kukim pinis. Taim ol i kamap long ol mambu, bikpela brata em i kaikai buai na spetim mambu na ol i go insait. Taim ol i kamap long ples ol i klinim bipo, antap long maunten, ol i lukim kainkain kaikai i kamap long dispela hap em ol i no bin lukim bipo.

Ol i kisim wan wan long olgeta kainkain kaikai na ol i traim. Long apinun ol i kisim sampela i go long mama bilong ol long haus. Taim mama bilong ol i traim ol dispela kainkain kaikai em i kirap nogut tru olsem dispela em gutpela kaikai tru. Taim em i askim tupela long wanem rot ol i painim dispela ol kaikai tupela i stori long mama bilong tupela long wanem samting i bin kamap na olsem wanem ol i kilim papa bilong ol na katim em long dispela hap maunten.

Narapela de ol i go wantaim mama bilong ol long dispela hap bus. Bikpela brata em kaikai buai na spetim ol mambu na ol i go insait. Ol i kisim olgeta samting bilong ol tu i go insait pinis, ol mambu i pasim bek gen rot. Orait, ol i stat nau long kirapim wanpela liklik ples bilong ol long dispela hap. Ol i wokim

haus. Taim ol i katim wanpela diwai, olgeta diwai i pundaun nating olsem ol man i katim ol. Taim tupela brata ya i katim wanpela pos, olgeta pos i redi pinis olsem ol man i redim ol. Ol i karim wanpela diwai i go long ples, tasol olgeta diwai tu i go kamap pinis long ples. Taim ol i digim wanpela hul, olgeta hul bilong putim ol pos i redi pinis. Ol i mekim olsem tasol na dispela haus bilong ol i pinis long wanpela de tasol. Orait long nait ol i singsing Sigul, ol i paitim garamut na ol manmeri long bikples i harim na planti bilong ol i askim garamut i kraik we tru ya. Ol i mekim olsem tasol i go na wanpela taim, wanpela kusai man bilong dispela ples i go raun long solwara long kanu bilong em na em i lukim paia long maunten na i singaut i go long tupela brata ya wantaim mama bilong ol. "Rot bilong go antap i stap we?" Bikpela brata i tromoi liklik ston i go daun na rot i kam. Kusai man i go antap na ol i givim em kainkain kaikai. Ol i tokim em olsem tumora yu mas tokim ol man long bikples long kam singsing na ol meri long ples tu i kam wantaim ol man bilong ol. Het meri bilong ples na susa bilong em tu i go wantaim. Long moning taim ol i tilim ol kaikai na ol man i go bek long ples, tasol het meri wantaim susa bilong em i stap long liklik ples ya. Ol i maritim tupela brata ya. Bikpela brata i maritim het meri na liklik brata i maritim liklik susa bilong em.

Long dispela rot tasol na nau yumi gat planti kaikai.

**MARCEL TOPENIA
BUKA**



Mi wari na mi laikim helpim

Dia Laiplain,

Mi laikim operesen we i mekim susu bilong mi bikpela tasol mi no klia long dispela. Mi tingting mi mas wokim bikos susu bilong mi i liklik tumas na mi sem long en.


Boipren bilong mi na arapela tokim mi olsem susu bilong mi i orait tasol mi no bilipim ol. Mi lukim ol meri wantaim bikpela susu na mi save pilim liklik. Mi bai i no inap amamas i go inap mi wokim samting long stretim bodi bilong mi. Yu ting mi mas kisim oparesen?

I NO AMAMAS

Dia Pren,

Liklik namba bilong ol man i no laikim wanpela samting long bodi bilong ol. Ol i save toktok tumas long ol i sotpela o longpela, gat bikpela skin o nogat, planti gras long bros, liklik susu o gat planti samting. Toktok i no save pinis!

Sampela hevi i ken pinis sapos yu senisim wanem samting yu kaikai, wokabout raun o kisim, medikol tritmen tasol, sampela samting yu bai i no inap senisim. Hevi olsem bilong yu, we yu ting susu bilong yu i liklik tumas, yu ken



kisim oparesen tasol mipela bai i no inap tok orait long dispela. Operesen i ken kostim planti mani na i ken bagarapim yu, lusim yu wantaim mak long skin, na "solap". Em i mo beta yu long laikim yu yet olsem yu stap nau na i noken larim tingting long pilim liklik kamapim kain kain tingting wantaim yu.

Long gat liklik susu i no mekim yu luk nogut long ol man. Long dispela taim ol pipel i mitim ol meri wantaim bikpela susu na skin i luk gutpela tasol em i no tru. Olsem boipren bilong yu, planti man i save laikim ol liklik meri na i no save laikim tumas meri husat i bikpela.

Amamas long toktok bilong boipren bilong yu na ol arapela na traim long putim ol klos we bai mekim yu bikpela liklik.

Tingim tu olsem lukluk long bodi bilong man i wanpela samting we i soim arapela pasin na tingting bilong man i

moa impotent taim em i kam long stap amamas wantaim arapela taim ol i tingting long marit o mekim komitmen long wanpela narapela.

Mipela i laik ting olsem bekim bilong mipela i helpim yu lukim hevi bilong yu wantaim gutpela tingting, tasol, mipela i no laik pasim yu long askim long helpim long dokta sapos yu ting long kisim oparesen.

LAIPLAIN

Poteto sid developmen skim karim kaikai

Robert Lutulele i raitim

WANPELA wokbung sid poteto developmen skim namel long Isten Hailans Provinsel Gavman na Fres Produs Developmen Ejensi (FPDA) we ol i kolim EHP sit poteto projek i karim gutpela kaikai tru long namba wan yia bilong em i ron.

Nambawan hap bilong 18 sid poteto growa husat i kam long 4-pela distrik insait long Isten Hailans i no bin save gut long wok bilong planim, tasol bihain long ol i sindaun long ol trening i kam long ol wokmanmeri bilong FPDA, ol dispela sid growa i kamapim moa long 32 tan bilong ol sid poteto we mani mak bilong ol i winim K96,000 bihain long ol stat wantaim 5.4 tan sid ol i bin planim.

FPDA i kisim moa long 14 tan bilong ol sid i kam long ol sid growa.

Moa long 18 tan em wantaim ol fama long planim long kamapim moa long 70 tan we mani mak bilong em bai inap long K210,000 bilong ol setifait sid long dispela yia.

Dispela 14 tan i kam long ol fama em nau ol i wok long salim long kisim bek mani ol sid growa i dinau long en long sait bilong ol sid, ol spre masin na ol sefti klos na ol marasin.

Wok skelim i tok bai ol i ken mekim moa long K42,000 we ol bai yusim long sapatim projek inap provins i kamap self safisen na i ken groim sid poteto prodaksen bilong em yet.

Bikpela as tingting em long


strongim na opim rot bilong ol fama long kisim gutpela kwolati sid poteto insait long provins na kantri na long halivim ol fama long apim mak bilong kesmani ol i save kisim long groim na salim ol poteto. Dispela i wok long kamap strong na na kwolati poteto nau i wok long strong insait long maket olsem ol haus kaikai, ol hotel na ol arapela bikpela ples kaikai insait long provins. Long wankain taim ol i wok long salim ol insait long ol bikpela maket bihain long sik poteto blait i bin bagarapim ol poteto long 2003 na 2004.

Isten Hailans, nau i kamap namba tu provins i go pas long groim poteto bihain long Westen Hailans. Bipo long Poteto Lip Blait sik i bin kamap, Isten Hailans i bin sindaun namba 4 long mak bilong poteto ol i save groim na salim insait long kantri.

Siaman bilong Agrikalsa na Nesenel Risoses insait long Isten Hailans, Orike Bao i tok amamas tru long dispela na provinsel kabinet wantaim ol memba na ekting siaman bilong Agrikalsa na Netserel Risoses Etwaisari Komiti (ANRAC) bilong Isten Hailans Sekreteriet John Sari.

Dispela ripot em ekting jenerel menesa bilong FPDA na developa bilong projek, Robert Lutulele na Kodineta bilong FPDA Sid Poteto progrem, Gregory Liripu i bin givim long stat bilong mun Mas.

Isten Hailans Gavana Malcolm Smith Kela i bin opim dispela projek long mun Julai 2005 na wok i bin stat bihairi long en.



HATWOK KARIM KAIKAI: Wanpela long ol sid poteto growa long Isten Hailans, Enock Kumili bilong Kotuni ples na ol famili bilong em i amamas tru long namba bilong ol poteto ol i groim. Em i wanpela long ol bikpela we mak bilong em i winim tupela tan.

Ol fama i mas wokbung agensim Bet Flu

OL FAMA na ples manmeri i stap klostu long ol intanesenel boda mak bilong Papua Niugini i mas wok bung wantaim ol atoriti long traim daunim kirap bilong Bet Flu o sik nogut bilong ol pisin insait long kantri.

Siaman bilong Rurel Industris Kaunsil Brown Bai i tok RIC i sapatim strong tru Bet Flu progrem we Nesenel Agrikalsa Kworentin Inspeksen Atoriti (NAQIA) i kamapim.

"Maski NAQIA i nogat inap risoses ol i wok strong long skulim ol PNG manmeri i stap klostu long ol boda na PNG pablik long hevi bilong dispela sik Bet Flu," Mista Bai i tok.

"Ol fama na ples manmeri i noken givim baksait long ol dispela tok lukaut long dispela sik nogut. Ol i mas harim tok na bihainim olgeta samting ol atoriti i tok. Sapos ol i tokim ol long noken karim ol kakaruk o arapela abus pisin i kam insait long kantri, ol i mas mekim."

Em i singaut tu long gavman long sapatim NAQIA na givim inap mani long ol long mekim gut wok bilong ol.

Em i tok boda namel long PNG na Indonesia em i wanpela bikpela hap tru na NAQIA i mas i gat planti risos bilong mekim gut wok bilong em long lukautim dispela boda.

Man nogat tuls em nogat mining long laip

James Kila i raitim

SAPOS yu wanpela yangpela na strongpela man husat i stap long rurel eria o bus ples na tu wok i stap long taun na yu nogat ol tuls olsem busnaip, sawol na tamiok em yu nogat mining bilong laip bilong yu.

Yu husat man long ples na hauslain i mas gat tuls long haus bilong yu wan wan long soim olsem yu man tru. Sapos yu nogat tuls em yu westim nating taim na laip bilong yu long dispela graun.

Dispela em sampela strongpela toktok tru Koporetiv Maketing Opisa bilong Kopi Industri Koporesen - Risets na Growas Sevises Divisen (CIC-R&GSD), Brian Kuglame i save givim olgeta taim em i wok mekim ol wok raun bilong em long ol rurel ples insait long kantri.

Mista Kuglame em bilong Kundiawa distrik long Simbu provins na wanpela strongpela CIC ofisa husat i save wok klostu wantaim ol fama husat i bin kisim dinau long CIC long mekim wok bilong ol long sait bilong kofi developmen long ples na hauslain insait long kantri. Em i save raun long olgeta provins



MASIN BILONG PLES MAN: Mista Kuglame i soim ol tuls o samting we olgeta rurel o ples manmeri i mas i gat long sanap strong long graun.

insait long Hailans rijen olsem Isten Hailans, Westen Hailans, Enga, Sauten Hailans na tu long sait bilong ol nambis ples olsem Momase na Madang.

Bikpela ol toktok em Mista Kuglame i save givim em olsem planti ol yangpela man husat i no go het long skul bilong ol i mas tingim graun bilong ol long ples na go bek na kamapim wok long graun.

"Papa God i blesim yumi long PNG wan-

taim planti gutpela graun long planim kaikai na ol narapela gutpela samting na tu long mekim wok long helpim sindaun bilong yumi long ples," Mista Kuglame i tok.

"Tasol yumi wan wan i mas plenim gut taim bilong yumi na no ken westim dispela taim Papa God i givim yumi na raun nating na pilai kas o tromoi dat o raun raun nating nating long rot."

Mista Kuglame i save givim planti gutpela tok-


tok tru long kirapim bel bilong ol man bilong ples na tu ol yangpela man long holim graun na mekim wok na ol i ken painim gutpela amamas long laip bilong ol.

Em i save tok strong olsem wanpela yangpela man i gat diwai kopi na tu ol narapela diwai arere long haus bilong em na em i klinim ples em i stap long em na kisim gutpela wara em dispela man em wanpela trupela man stret.




KAMAPIM NUPELA KAUKAU:

NAU yumi hia long PNG i ken kamapim ol nupela kain kaukau bilong yumi yet we i gat strong bilong groa gut insait long kantri bilong yumi. Long dispela piksa, Autris na Laieson Opisa bilong Nesenel Agrikalsa Risets Institut, Elick Guaf i skulim ol fama long rot bilong kamapim ol nupela kain kaukau long Bubia insait long Morobe provins.



Gren Sief Sir Michael Somare

**PNG EVENTS KAUNSEL SEKETERIET
DIPATMEN BILONG PRAIM MINISTA
na
NESENEL EKSEKETIV KAUNSEL**



Sir Peter Barter

SALIM TOK AMAMAS

Praim Minsta, Rt. Hon. Gren Sief Sir Michael T Somare na Lady Veronica Somare long makim maus long Gavana Jenerel, H.E. Gren Sief Sir Paulias Matane na Lady Kaludia Matane na Gavman bilong Papua Niugini laik bung wantaim arapela lida insait long PNG spoting komyuniti, ol pipel bilong Papua Niugini na ol sponsa long

Tok amamas long Ryan Pini, Dika Toua na olgeta memba bilong Tim PNG wantaim ol etlit na opisa long gutpela win kempein long 2006 Komonwel Gem long Melbourne, Australia.



**Gutpela wok!
Yu mekim PNG amamas tru!**


Tok i kam



Hon. Sir Peter Barter, Kt OBE MP
Minista bilong Inta-Gavman Rilesens
Na Siaman, PNG Events Kaunsel

Amb. Aiwa Olmi
Dairekta Jenerel
PNG Events Kaunsel
Seketeriet





Tok amamas i kam long His Ekselensi Gren Sief, Sir Paulias Matane, Gavana Jenerel bilong Papua Niugini long Tim PNG stap insait long XVIII Komonwel Gem long Melbourne, Australia na kam bek bilong ol long PNG.

Gutpela pipel bilong mi,

Mi amamas long stap bilong Tim PNG insait long XVIII Komonwel Gem, insait long Melbourne, Australia we i bin stat long Mas 15 na pinis long Mas 26, 2006.

Namba wan Komonwel Gems i bin kamap long Hamilton, Ontario insait Kanada long yia 1930. Long dispela taim, nogat kantri i stap aninit long lukaut bilong narapela olsem ol koloniel kantri long Saut Pasifik we PNG i wanpela i bin go insait long ol dispela pilai. Tasol bipo long independens tasol, PNG i bin go insait long namba wan taim long yia 1962. Long dispela taim ol i kolim ol pilala ya, Britis Empaia Gem na dispela i bin kamap insait long Perth, Australia.

Kam inap nau, Papua Niugini i stap insait long olgeta Komonwel Gem. Long yia 1986 tasol, mipela i no bin go long Komonwel Gem insait long Edinburgh, Skotland.

Ol etlit bilong mipela i save bringim bek ol medol insait long spot boksing, lon bols, na suting. Wanpela gol medol long ron bilong gem long dispela taim i kam long meri Hanuabada, Geua Tau insait long spot lon bols long 1990 Komonwel Gem insait long Oklen, Nu Silan. Sampela i winim ol gutpela taim ol i bin mekim ol yet na i brukim ol nesenel rekod.

Dispela i bin kamap 15-pela krismas i go pas na nau mipela i painim namba tu gol medol rekod we i kam long bik nem swima bilong mipela, Ryan Pini. Trepela ron bilong em insait long 100 mita bataflai fainol long Mande nait i lukim em kisim gol medol. Mi, olsem olgeta arapela man i amamas nogut tru na salim tok amamas bilong mi i go long ol niusman husat i stap wantaim Praim Minista na planti arapela ol pipel long Papua Niugini long ol taan na rurel senta arere long kantri long Tunde morning.

Dispela win mas wanpela samting we i kirapim tingting bilong yangpela man na meri bilong mipela long tingting bik insait long spot na laip na kommitim ol yet, long kemap wantaim nem insait long olgeta hap long laip.

Mi kisim dispela taim long tok amamas i go long Biksi Long long winim silva medol insait long 33 kg na long arapela etlit husat i winim bipo taim bilong ol na nasim rekod na ol opisa bilong PNG Tim.

Ol pipel bilong PNG i ol lain husat i naturel etlit. Mipela ken

stap wantaim ol namba wan etlit long wol tasol tupela samting i stap we yumi mas wok long en. Namba wan i long tingting na pasin olsem, sapos yumi laik resis long kain gem, olsem Komonwel Gem, yumi mas gat komitmen. Yumi mas tren hat. Namba tu em, wanpela as watpo Ryan Pini i go long Brisbane i bikos i nogat gutpela ples stap long hia long tren. Yumi mas kamapim wol klas samting we ol etlit bilong yumi ken yusim.

Ol arapela gem long wol i kamap long ples o klaimetik samting olsem Afrika Gem, Winta Olimpiks, Asian Pan Am, tasol Komonwel i kamap long sait bilong histri.

Mi mas tok orait tu olsem arapela kain samting bilong Komonwel Gem i gem we i gat wan kain tok ples, olgeta etlit na opisa bilong ol Komonwel memba kantri i save tok tok wantaim wanpela arapela long Englis, we i kamapim gutpela sindaun na kamapim Komonwel Gem we long longpela taim nau ol i save kolim "frenli Gem".

Pasin bilong Komonwel Gem i long givim strong na sapot we i painim gutpela helt na fitnes insait long olgeta memba kantri na givim gutpela driman long ol yut long wok hat.

Tim PNG i bin gat 38-pela etlit husat i stap resis insait long 7-pela spot, etlitiks, boksing, lon bols bilong man, elit etlit wantaim disabiliti, skwas, swimming na wet lifting. Ol i stap namel long 6000 etlit husat i kam long 71-pela arapela kantri bilong Komonwel na i resis insait long XVIII Komonwel Gem.

Mi tok amamas long yupela ol etlit husat i stap insait long dispela bikpela level bilong kompetisen. Em i long komitmen bilong yu, strongpela tingting na hat wok bilong yu we i lukim yu representim kantri bilong yu.

Long makim olgeta pipel bilong Papua Niugini, Lady Kaludia Matane na famili bilong mi, mi welkamim yu bek na wisim yu gutpela ron insait long wan wan spot bilong yupela insait ol rifla, gem na mipela i weitim taim we yupela ken mekim moa beta gen long neks Komonwel Gem.

Icap God i Blesim yupela olgeta.

Sir Paulias Matane

Gavana Jenerel bilong Papua Niugini



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Toona ciliate na Toona sureni (New Guinea Red Cedar)

Nem bilong en: Niugini Ret Sida (New Guinea Red Cedar)

As ples na ples em i groa long en: Toona i save groa long Australia, PNG, Saut Is Esia, Sauten Saina, Filipins, Indien sabkontinen na Indonesia. Insait long PNG, Toona ciliate i save groa moa insait long Morobe provins, Nu Briten na Manus. Toona sureni i save groa long Bulolo na Wau, Makam Veli, Sentral, Milen Be na Manus provins.

Ret Sida i save groa long ol praimer na sekenderi renfores we mak bilong ren long wan wan yia i stap namel long 1200 na 1500 mm. Insait long ol dispela kain ples em i save hot na i wet na long taim bilong drai namel long 3 na 4-pela mun, em i ken groa gut to. Em i save strong moa long has bilong maunten o long ol graun we i no save holim tumas wara.

Wanem kain diwai: Ol dispela diwai em ol longpela diwai (longpela bilong em i ken inap long 40 mita samting) na bikpela bilong namel bilong em i ken go inap long namel long 2 na 3 mita. Insait skin diwai bilong em i grin na pink na bihain long yu brukim skin bilong em, em i save tanim i go bilak. Ausait skin diwai bilong em i smut, kala bilong em i dak braun na i gat ol skwea skin we em i save bruk bruk long laik bilong em yet. Ol binatang i save maritim ol plaua bilong en. Prut bilong em i drai, na i gat wanpela hap bilong em i op.

Rot bilong yusim: Dispela timba em planti i save painim bilong mekim wok insait long haus na long mekim ol bot, bilong mekim ol hai gret sia tebol samting, mekim ol kaving na ol musik masin. Ol flaua em ol i ken yusim bilong mekim ol yelo kala bilong ol kolos. Ol arapela hap bilong plaua, olsem ol lip na skin diwai bilong en i




gat strong olsem marasin. Ol i ken yusim bilong stretim ol hevi bilong bodi olsem sik disenti o pekpek blut na ol bikpela sua. Sampela kaikai bilong skin diwai na ol lip bilong em i gat strong bilong kilim ol binatang. Ol arapela samting ol ken kisim long dispela diwai em kaikai bilong ol enimal na kaikai bilong ol hani binen.

Flaua, ol prut na sid: Ol Ret Sida Plaua i save kamap long mun Julai i go long pinis bilong mun Ogas na prut bilong em i save kru long stat bilong mun Septemba i go inap Novemba. Taim bilong em long karim flaua em namel long mun Desemba na Mas olgeta yia.

Sid koleksen na prosening: Ret Sida prut (bokis bilong em) i save redi long bungim taim em i tanim long grin i go long gold o yelo long mun Novemba i go stat bilong Desemba.

Wok Neseri: Ol sid em yu ken planim i go stret insait long ol neseri bet o pot. Em bai inap long 7 i go inap 28 de bilong kru na brukim graun. Bihain long ol i painim tupela o tripela tip, yu ken brukim ol sidling. Bihain long tripela o 4-pela mun, yu ken rausim na planim ausait long neseri.

Groim gen olsem wanem: Yu ken yusim ol hap kating o hap han bilong diwai bilong groim gen ol arapela nupela diwai.



McCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Long kisim tok stia long olgeta wok diwai"

PNG inap lusim K10-milien long kopi ekspot long mun Mas

...La Nina givim bikpela hevi tru

James Kila i raitim

BIKPELA ren we i bagarapim planti hap bilong rot long bikpela Okuk Haiwe o Hailans Haiwe bilong Papua Niugini bai inap lukim bikpela ekspot o salim bilong kopi i go aut long kantri i lusim samting olsem K10-milien.

Dispela ol kopi inap long bringim nupela mani long helpim ekonomi bilong PNG, tasol ol i stap bikos Hailans Haiwe i bagarap insait long hevi bilong La Nina o taim bilong bikpela ren na tait wara.

Siaman bilong Kopi Expotas Kaunsel bilong PNG, John Edwards i bin tokaut long dispela bihain long rot i bagarap long Hailans Haiwe i lukim planti ol kopi i no inap long go aut long bris long Lae bai ol sip i ken karim i go ovasis.

Mista Edwards i tok olsem planti ol bikpela kontena trak i no bin muv insait long las tupela wik i go pinis bikos planti ol hap bilong rot long Hailans Haiwe i bin bagarap taim graun i bruk pundaun na pasim rot na ol bikpela trak i no inap muv.

Ol bikpela birua we i

bin kamap long Hailans Haiwe em taim graun i bruk na karamapim hap seksin bilong rot long Kassam Pass maunten, long Avani long Kompri veli na sampela hap bilong rot long long Simbu provins long hap bilong Migende na tu long hap bilong Wara Tamba.

Dispela weda peten o kain sindaun bilong san, win na ren we i lukim bikpela ren em ol i kolim La Nina i bin givim bikpela hevi tru long ol manmeri insait long Hailans rijen na tu long PNG.

Mista Edwards i tokaut olsem taim dispela hevi bilong rot bagarap i kamap long Hailans Haiwe ol kopi expotas i no bin salim moa long 45 kontena Grin Bin kopi.

Sore tru dispela ol kontena i no bin kalap long sip na mani mak em kantri i bin lusim long dispela taim bilong bikpela ren na rot i bagarap i bin sanap namel long K3 milien na K4 milien.

Tasol narapela ol bikpela hevi we i kamap long haiwe tu i lukim ol sampela papagraun i wok long askim gavman long peim ol sampela mani bikos ol i tok

olsem dispela ol graun bruk i go na bagarapim ol gaden bilong ol na ol narapela samting olsem kopi na ol diwai long eria bilong ol.

Dispela hevi bilong La Nina i bin bagarapim tru sampela ples long kantri we i lukim sampela manmeri i lusim laip bilong ol. Long wanpela eria long Enga provins, bikpela Wara Lai i bin tait nogut tru na karim ol enimal olsem pik na kakaruk na bagarapim tru gaden

bilong ol pipel.

Long Obura-Wonenara distrik insait long Isten Hailans, graun i bruk na karamapim wanpela ples na tu em i bagarapim gaden kaikai na kopi bilong ol pipel.

Wankain hevi tu em sampela ol ples insait long bus bilong Morobe na Madang i bin bungim bihain long ren i bin kapsait longpela taim tru na mekim graun i go malumalu na i bruk i go daun na bagarapim ples.

La Nina (La Ninia) em wanem samting?

Nem: Dispela nem La Nina em i tok ples bilong Spenis bilong kolim 'taim bilong kol'.

As bilong em: La Nina em nem ol saintis o saveman i givim long makim taim olgeta solwara insait long wan wan bikpela hap solwara long wol i save tanim i go kol.

Ol hevi bilong em: Taim La Nina i save kamap, taim bilong ren na san i save senis. Bai yumi ken lukim mak bilong ren i save pundaun i save bikpela moa. Ol taim bilong san bai sot moa na taim bilong ren bai go longpela tru.

Em i wankain olsem El Nino (El Ninio)? Nogat. El Nino em i nem bilong makim taim we strong bilong taim bilong san na solwara i save tanim i go hot moa. Taim solwara i tanim i go hot moa, san i save strong moa na yumi save lukim taim bilong bikpela drai. El Nino long tok ples Spenis em "Lilik Bor" o "Pikinini Kraisi" bikos planti taim dispela kain samting i save kamap klostu long Krismas taim.

PNG i lukim La Nina na El Nino pinis? Yes, long 1997 i go 1998 El Nino i bin kamap long PNG we i bin gat bikpela taim bilong drai na planti ples we i bin save kol bipo olsem long Hailans i bin lukim kaikai i bin sot. PNG i bungim pinis La Nina, taim mak bilong ren i pundaun i antap tru na yumi save lukim planti taitwara i save kamap na bagarapim sindaun bilong ol pipel bilong yumi.


Yumi inap abrusim ol dispela kain hevi? Yumi no inap save long taim we ol dispela kain samting bai kamap o wanem kain strong em bai karim. Tasol yumi ken luksave long ol han mak bilong em na redi long karim hevi bilong en.



KOPI KARIM HEVI: Hevi bilong senis long strong bilong ren na taim bilong ples kol i bagarapim sindaun bilong salim kopi bilong yumi i go aut long kantri. Bikpela ren i lukim rot i bagarap na ol kopi i no inap long go antap long sip bilong go aut.

Cat® Vibratory Soil Compactors

CS-563E
CP-563E



Designed to provide...
Outstanding Performance,
Reliability and Fuel Efficiency.

The 563E Series Compactors are high production units. Standard dual amplitude, changeable from the operator's station, expands the application range. Operate in high amplitude to get density on thick lifts in the fewest passes. Select low amplitude when operating next to structures, when approaching final density, or to avoid fracturing aggregates. Patented eccentric weight design assures positive amplitude selection and helps extend vibratory system service life.

Hastings Deering



Product People Commitment.
We deliver.



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9182	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144



TOK PISIN NEWS
from Radio Australia

radioaustralia.net.au

Hurim TOK PISIN long
Radio Australia
101.9FM
Port Moresby

Tok Pisin Service

6am - 7am 6060; 7240kHz

7pm - 9pm 5995; 6020; 9710; 1280kHz

PACIFIC BEAT

PASIFIK: Ekspet o save- man i lukim bikpela samting long sot-tem leba insait long Australia

WANPELA sot tem leba skim insait Australia na Nu Silan bai inap kamapim wanpela bikpela mani indastri bilong ol Pasifik Ailan, ol ekspet long Senta bilong Globol Tred Analisis o glasim long Purdue Yunivesiti, insait Indiana i tok. Ol piksa we Senta i mekim i soim skim we bai apim Australia na Nu Silan leba fos long 1% we bai kamapim US\$900 milien long wanpela yia we bai helpim ol Pasifik ailan pipel.

Husat i Askim: Jemima Garrett

Husat i Bekim: Terrie Walmsley, Dairekta bilong Senta bilong Globol Tred Analisis long Prudue Yunivesiti, Indiana.

WALMSLEY: \$900 milien i kam long ol Pasifik Ailan pipel insait Australia husat bai kisim planti mani long mani mak olsem \$775milien. Pasifik Ailan pipel insait long Nu Silan bai i ken kisim kain mani olsem \$100milien na ol Pasifik ailan pipel insait long Pasifik yet bai i ken kisim mani mak olsem \$22milien we ol i bai putim bek ken long Pasifik. Long sait long ol lain husat i lusim kantri bilong ol i min ol i bai kisim moa pe taim ol i go long Australia o Nu Silan. Wanem samting yumi lukim i ol i ting ol i bai kisim bikpela moa pe taim ol i go long

Australia o Nu Silan, bikos ol i wok long resis wantaim arapela wokman insait Australia na Nu Silan husat i nogat skil. Ol Pasifik ailan pipel save kisim bikpela moa helpim bikos long rimitens we i wok long kam bek long ol.

GARRETT: Ma mi ting planti bilong dispela mani we ol Pasifik ailan lain i mekim insait long Australia na Nu Silan bai go bek long ples bilong ol bikos ol yet bai go bek long ples bilong ol bihain sot-tem wok i pinis?

WALMSLEY: Em i tru, orait. Ol Pasifik ailan lain i ol wokman husat bai i no inap stap ol taim na ol i bai go bek long ples wantaim planti mani we i ol i bungim.

GARRETT: Yu mekim as bilong dispela namba long dispela 1% long Australia na Nu Silan leba fos. Kain bikpela skim olsem orait?

WALMSLEY: Trupela namba long husat bai go long Australia i 110,000 na mipela i painim aut olsem em i 2% tasol long leba fos bilong Pasifik ailan stet sapos yu tingim olgeta Pasifik ailan ikonomi. I bin i gat bikpela muvmen bilong leba long ol Pasifik ailan i go insait long ol

arapela kantri. 2 % i no bikpela tumas.

GARRETT: Kain skim bai kamapim gutpela helpim long olgeta Pasifik ailan kantri?

WALMSLEY: Mi bilip em i bai gutpela sapos em mekim gut. Ol i mas mekim long wei we em i no kisim pipel long ol ples we Australia na Nu Silan i wok long kisim long dispela taim na mekim olsem kisim ol pipel long ol kantri we i gat bikpela populesen. Em i bai kisim ol pipel we ken hevi long sait long mani i stap long go long ples we i gat sans bai givim helpim long ol Pasifik ailan.

GARRETT: Yu tok Australia bai gat mani helpim olsem US\$200milien olgeta yia. Wanem samting i mekim yu tok olsem?

WALMSLEY: Long dispela yu bai apim namba bilong leba fos, ol i gat dispela nupela, leba fos we i nau ken wok.

GARRETT: Long dispela yu wok long karamapim ol samting we Australia i sot long en na long dispela taim i wok long pilim pen long en. Na ol bikpela moa samting we Australia i sot long en we i ken mekim moa bagarap, hamas moa mani bai

Australia apim long samting ol i mekim insait long agrikalsa indastri bilong en?

WALMSLEY: Tru, yes.

GARRETT: Nau ikonomik piksa bilong yu i soim wanpela gutpela piksa long wanpela sot-tem leba skim. I gat wanpela ikonomik bagarap long dispela?

WALMSLEY: Bai i gat. Mi ting em i bai gat sans bai i gat sampela husat bai i no inap wok long stat. Bai i gat planti gutpela samting we i bai kam aut we namba bilong leba fos bai go antap na tu ol pe bilong dispela lain husat bai kam insait long kantri bai daunim pe bilong ol pipel bilong Australia. Mi painim aut olsem 0.4% bilong pe bilong ol pipel bilong Australia bai go daun. Dispela i liklik taim yu lukluk long ol senis insait long pe we i wok long kamap insait long Australia long las 5-pela yia. Wok we ol lain Meksiko i mekim insait long Yunaitet Stets i soim tu olsem em i save kamapim daunim bilong ol pe. Dispela ol lain husat i save lusim kantri bilong ol i no save resis tru wantaim ol wokman husat i nogat trening, tasol tru tumas, ol i save resis wantaim liklik grup bilong ol husat i nogat trening insait long Australia.

RADIO TOK PISIN PROGRAM

TUNE IN: 101.9 FM

Radio Australia Tok Pisin Program - stat long mun Mas 2005

MANDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
	7AM	Stesen Pas
Nait	7PM	Stesen Op
	7.01PM	Ol Hetlain na Program Priviu
	7.15PM	Spots
	7.30PM	Nius na Karent Afeas
	8PM	Helt
	8.15PM	Musik
	8.30PM	NIUS
	8.40PM	Spots Riplei
	8.55PM	Musik
	9PM	Stesen Pas
TUNDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
	7AM	Stesen Pas
Nait	7PM	Stesen Op
	7.01PM	Ol Hetlain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Mama Graun
	8.15PM	Musik/Spots
	8.30PM	NIUS
	8.40PM	Helt Riplei
	8.55PM	Musik
	9PM	Stesen Pas
TRINDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
	7AM	Stesen Pas
Nait	7PM	Stesen Op
	7.01PM	Ol Hetlain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Focus
	8.15PM	Musik/Spots
	8.30PM	NIUS
	8.40PM	Mama Graun Riplei
	8.55PM	Musik
	9PM	Stesen Pas
FONDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
	7AM	Stesen Pas
Nait	7PM	Stesen Op
	7.01PM	Ol Hetlain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Youth
	8.15PM	Musik/Spots
	8.30PM	NIUS
	8.40PM	Focus Riplei
	8.55PM	Musik
	9PM	Stesen Pas
FRAIDE Moring	6AM	Stesen Op - Nius Hetlain - Musik na ol intaviu
	6.30AM	Nius na Karent Afes
	7AM	Stesen Pas
Nait	7PM	Stesen Op
	7.01PM	Ol Hetlain na Program Priviu
	7.15PM	Musik na Chit-Chat
	7.30PM	Nius na Karent Afeas
	8PM	Wantok
	8.15PM	Musik
	8.30PM	NIUS
	8.40PM	Youth Riplei
	8.55PM	Musik
	9PM	Stesen Pas
SARERE	Nait	
	7PM	Stesen op - Ol Nius Hetlain/Program Priviu
	7.05PM	Musik na Chit Chat
	7.30PM	Nius
	7.40PM	Wantok
	8PM	Lokal Ben
	8.30PM	Nius
	8.40PM	Musik/Chit Chat
	9PM	Stesen Pas
SANDE	Nait	
	7PM	Stesen op - Ol Nius Hetlain/Program Priviu
	7.05PM	Musik na Chit Chat
	7.30PM	Nius
	7.40PM	Femili Blong Serah (Radio Plei)
	8PM	Lukluk Bek Long Wik
	8.30PM	Nius
	8.40PM	Musik/Chit Chat
	9PM	Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI LIG		FAINOLS		MP7		Eagles		A		
NRL		09:00 Tarangau vs Defence U19	Sarere Epril 1, 2006		13:00 E/F Masters vs Lamana WP2	Daimon 2		12:00 Pole Vavine WP		
Fraide Mas 31		10:00 Dobo Warriors vs Souths U19	Bisini 1		14:30 E/F Rapatona vs Souths Utd WP1	08:15 Manalos vs Bullets B		1:20 Kijo vs Ulamagi WP		
8:30pm Eels v Cowboys		11:00 Brothers vs Kone Tigers U19	08:00 Moonbi vs Jovu Extracts MP6		15:20 E/F Rapatona 1 vs University 2 MP3	09:45 Gazelle vs Kopex B		2:40 Scorpions vs Hoppers WP		
Sarere 1 Epriel		Sande Epril 2, 2006		Bisini 2		11:15 Brown Eagles vs Elcom B		4:00 Blacks vs Hoppers WD1		
5:30 Sharks v Rabbitohs		09:00 Post Puma vs Hawks U19	10:00 Yawata vs Blue Kumuls 2 MP5		08:00 PNG Gardener vs Bavaroko MP7	12:45 Chebu vs Dolphins B		Kot 3		
7:30 Sea Eagles v Roosters		10:00 Dobo Warriors vs Souths U19	11:00 Sunset vs Mirel Momase 1 MP6		09:00 Ela Utd vs Blue Kumuls 1 MP7	14:15 AW Bears vs SP B		08:00 Peteru vs Viriolo MD2		
7:30 Raiders v Panthers		11:00 Magani vs Paga Panthers U19	12:00 KG Utd vs Ela Utd MP7		10:00 Graveside vs Kurti Andra MP7	15:30 Samurai** vs Gazelle**		09:20 Pole Vavine vs Lavenda MD2		
Sande 2 Epriel		PRL 1		13:00 E/F Souths Utd 2 vs Eastern 1 MP1				10:40 Steamers vs Marawaone MD2		
2:30 West Tigers v Storms		09:00 Brothers vs Kone Tigers B	14:30 EF LBC Defence 1 vs Verave MP4		11:00 PS Rutz vs Blue Kumuls P5				12:00 Peteru vs Magpies MD1	
4:00 Dragons v Broncos		10:30 Tarangau vs Defence A	Bisini 2		12:00 Rapatona 2 vs University 1 MP5				1:20 Kijo vs Ulamagi MD1	
3:00 Knights v Warriors		12:00 Dobo Warriors vs Souths A	08:00 Graveside vs Blue Kumuls 2 MP7		13:00 Yawata vs Mirel Momase 2 MP5				2:40 NFA vs Arnotts Crusaders MD1	
Bai: Bulldogs		1:30 Brothers vs Kone Tigers A	09:00 Kurti Andra vs Bavaroko MP7		14:00 DT Rovers vs Kila Utd MP5				4:00 Scorpions vs Viriolo MD1	
POT MOSBI RAGBI FUT-BOL LIG		HOHOLA WOD 7/8 OVSISEN RAGBI LIG SEMI FAINOL		SOFBOL		VOLIBOL NCD VOLIBOL ASOSIESEN				
SP LIG 2006		Sande Epril 2, 2006		POT MOSBI MAN SOFT-BOL		WIK 3				
Sarere Epril 1, 2006		B Gret		2005/06 SISEN GEM 8		Taurama Leisure Centre				
PRL 1		11:30 BP Knights v Toks Valley Eels		Sande Epril 2, 2006		Sarere Epril 1, 2006				
09:00 Magani vs Paga Panthers B		12:30 JV Bulldogs v Toks Mix Dogs		Daimon 1		Kot 1				
10:30 Butterflies vs Waliya A		A Gret		08:15 Samurai vs Malangan B		08:00 Blacks vs Vailima MD2				
12:00 Post Puma vs Hawks A		1:45 Toks Mix Dogs/29 Dogs v MB Reds		09:45 AW Bears vs Dolphins A		09:20 U-Mi Yet vs Blacks MP				
1:30 Royals vs West A		3:00 Mutrus Brothers v Taraga Dragons		11:15 Manalos vs Kopex A		10:40 Marawaone vs Vailima Kupis MP				
3:00 Magani vs Paga Panthers A				12:45 Gazelle vs Samurai A		12:00 Pole Vavine vs Lavenda MP				
PRL 3				14:15 Malangan vs Bullets A		1:20 Ulamagi vs Arnotts Crusaders P				
09:00 Butterflies vs Waliya U19				15:30 Elcom vs Brown		2:40 Scorpions vs Hoppers MP				
10:00 Dobo Warriors vs Souths B						4:00 Pole Vavine vs Arnotts Crusaders MD2				
11:30 Tarangau vs Defence B						Kot 2				
1:00 Butterflies vs Waliya B						08:00 Viriolo vs Peteru WD2				
2:30 Post Puma vs Hawks B						09:20 Arnotts Crusaders vs Marawaone WP				
PRL 2						10:40 Vailima Kupis vs				

SP Spot Awot Nominesen de i surik

spot awot

Paul Zuvani i raitim

SP SPOT Awot ogenaising komiti i surukim de bilong pinis bilong ol nominesen ol ol manmeri lons 2006 Awot i go moa long wanpela wik.

Dispela de nau i surik i go long Fraide Epriel 7.

Dispela disisen i kamap bihain long ol ogenaising komiti i laik givim inap taim long olgeta komyuniti long kantri long makim ol pilaia wantaim ol etministreta, teknikal na kosing opisel.

Siaman bilong ogenaising komiti na Seketeri Jenerol bilong PNG Spot Federesen Sir John Dawanincura olgeta grup long kantri long ol i mas makim nem bilong man o meri em ol i bilip i mekim planti wok long spot bilong ol.

"Em i nogut tru taim mipela i lukim tasol sampela bilong ol nem na i no olgeta manmeri em mipela i bilip nem bilong ol i mas i kamap," Sir John i tok.

"Long tok stret mipela i kisim tasol nem bilong wanpela pilaia aninit long grup bilong Best Spotmanmeri wantaim bagarap long bodi. Na i gat tupela nominesen aninit long grup bilong Junai meri

etliet bilong yia na tupela bilong kosa bilong yia."

"Nau long dispela taim kantri bilong mipela i pas long biknem Komenwel Gem filing. Bikpela samting em ol manmeri i mas luksave olsem olgeta taim ol spotmanmeri i save tren na pilai olgeta taim maski em i gutpela taim o nogat."

"Na ol etlit bilong mipela i gat ol lain olsem long opisel, kosing, na etministreta husat i stap bihain long ol. Na planti dispela ol lain i no save kisim luksave."

"Long ol manmeri i kisim luksave long dispela awot olgeta taim mipela i mas putim dispela long tingting bilong mipela."

"Em i luksave bilong ol manmeri i mekim gut. Long kamap fainolis dispela em i ona na long winim awot dispela em i antap tru."

Sir John i tokaut tu olsem SP Spot Awot 2006 i bilong ol samting em ol pilaia na ol opisel i mekim long yia 2005.

"Long dispela gol medolis Ryan (Pini) na silva medolis Dika (Toua) long Komenwel Gem pilai bilong tupela i no inap go insait long nominesen bilong ol samting i kamap long 2005."

"Sas bilong kamap bilong tupela bai kamap long narapela yia (2007) na olsem nau yet tupela bai kisim bikpela Salen."

Morobe kamapim bodibilding skwat

bodibilding

Bustin Anzu i raitim

MOROBE Bodi Bilding Asosiesen i bin kamapim pinis tim bilong ol long pilai resis long Trukai Nesanel Sempionsip long Pot Mosbi long narapela mun.

Dispela skwat we i gat 12- pela man na tripela meri bai lukluk strong long holim bek taitol bilong ol we ol i winim long las yia.

Namel long dispela grup em Mista PNG David Mugarenang na Miss PNG Jephrian Jack. Tupela bai go wantaim dispela tim long difendim taitol bilong tupela.

Ful skwat em ol man: David Mugarenang (70kg), Martin Temai (65kg), Robert Waso (90kg), Esky Steel (90kg plus), Joshua Vuken (masters), Lason Lio

(novice), Eric Tokau (80kg), Mark Pina (novice), Anam Caleb (90kg plus), Jorry Anongo (junia) na Andy Sali (75kg).

Long sait bilong meri em: Jephrian Jack (lait weit), Monica Mugarenang (lait weit) na Elizabeth Steven (hevi weit).

Ol dispela lain bilong soim masel bilong Lae bai traim na winim lewa bilong ol selekta long ol i mas stap insait long dispela tim bilong pilai insait long Saut Pasifik Sempionsip long Pot Mosbi long mun Oktoba long dispela yia.

Man husat i go pas long dispela tim bilong Lae Mugarenang i tok ol lain bilong em i tren gut na lukluk i go pas long winim sampela taitol na tu difendim taitol bilong ol na makim gutpela nem bilong Morobe.


Em tu i askim ol bisnis haus insait long Lae long luksave long dispela pilai bilong soim masol na helpim ol.

*** i kam long bek pes

Ol klab husat bai kamap em Royals, Spiders, Magani, Tarangau, Bulldogs, Tigers, Crushers, Pirates, Defence na Panthers.

Defence klab i no soim sampela mak olsem em bai kamap long taim bilong miting long dispela yia na Lae ragbi lig i bin tok long rausim ol. Tasol long las minit, ol soldia man bilong Igam bareks i soim pes gen na dispela i bringim namba bilong ol tim i go long 10.

Long las yia, Tarangau i no resis long wanem i no gat inap namba bilong ol pilaia, maski ol i baim rejistresin fi.



MI KAM: Bataflai pilaia i redi long ron long Pot Mosbi ragbi lig pilai.

Long dispela yia, ol i kam gut pela 9-pela insait long resis. tru na bai ron wantaim nara-

Lahanis pilaia mekim komyuniti sevis wok

Komyuniti wok

James Kila i raitim

WANPELA gutpela komyuniti sevis wok tru bai kamap long Goroka we 10-pela Lahanis ragbi lig tim pilaia bai klinim olpela matmat bilong Goroka.

Dispela olpela pablik matmat i stap long Not Goroka klostu long Yunivesiti bilong Goroka (UOG).

Dispela komyuniti sevis bai kamap bihain long Goroka Samba ov Komes na Industri wantaim menesmen bilong Coca Cola Goroka Lahanis i bin pasim tok long soim gutpela wok pasin long Goroka komyuniti na long Isten Hailans provins wantaim.

Saiman bilong Coca Cola Lahanis Terry Shelly i bin tokaut long dispela log wik

olsem matmat em bus nau i karapim na olsem ol i no laik bai gutpela matmat i go bagarap.

Em i tok planti ol biknem manmeri wantaim ol spotmanmeri i go daun long dispela ples na long lukim bus i karapim i no soim rispek em ol i mas soim long dispela biknem ples.

Wanpela bilong ol biknem spotman em Australia Wallabi Brian Johnson.

Dispela man stat long 1958 inap long 1963 em i stap kepten bilong Goroka ragbi sait.

Long dispela taim Johnson i bin kisim Goroka sait i go long Pot Mosbi long pilai egensim DCA tim.

Ol i winim DCA 70-2 long dispela pilai.

Narapela biknem man husat i go daun long dispela matmat em George Greathead. Dispela man i gat bikpela nem long kopi industri na tu em i bin pilai long Goroka ragbi lig sait.

Shelly i tok long ol i mekim kain wok olsem ol i laik tokim ol manmeri olsem menesmen bilong ol i no bilong kamapim ol pilai tasol. Nogat.

Ol i lukluk tu long mekim ol komyuniti wok tu wantaim.

Long taim em i tokaut long tingting bilong tim em i no tokaut long nem bilong 10-pela ol pilaia husat bai mekim komyuniti wok.

Dispela olpela pablik matmat em provinsol gavman i no bin helpim long klinim long planti krismas na olsem bus i karamapim.



Hannay redi long pilai

Knights redi long taim Johns i pinis

KWINSLEN Orijin ripresentativ Josh Hannay bai kisim ples bilong Ty Williams husat i kisim bagarap long bungim ol Parramatta Eels long tumora nait.

Hannay i bin statim 2006 sisen bilong em wantaim ol Toyota Young Gun, em namba tu divison bilong Cowboys tim long taim em i gat hevi long sol bilong em.


Hannay i gutpela long difens na olsem kosa Graham Murray i gat bilip long em olsem em i redi. "Mipela olgeta i save olsem Josh i bin pilai gut long senta long ol las pilai bilong em na olsem em i mas kisim dispela ples long dispela (primia) divison."

Jacob Lillyman i gat hevi long skru bilong em na olsem Rod Jensen bai kisim ples bilong em.


Na faiv eit Johanthan Thurstan i mas save pinis' long sas bilong em long NRL long aste long em i pilai krangki egensim wanpela Storm pilaia las wiken.

Ol tim lain up bilong Cowboy na Eels em :Matt Bowen, Neil Sweeney, Josh Hannay, Paul Bowman, Matt Sing, Johnathan Thurston (vc), Brett Firman, Shane Tronc, Clint Amos, Mitchell Sargent, Steve Southern, Luke O'Donnell na Travis Norton (c). Senis Rod Jensen, Justin Smith, Matthew Scott, Carl Webb na Gavin Cooper,

Eels: Wade McKinnon, Luke Burt, Ben Smith, Brett Delany, Eric Grothe, John Morris, Tim Smith, Justin Tsoulos, Mark Riddell, Paul Stringer, Nathan Hindmarsh, Chad Robinson na Luke O'Dwyers. Senis em PJ Marchs, Dean WIDDERS, Nathan Cayless, Peter Lewis, Matt Petersen.



MI REDI: Not Kwinlend Cowboys senta husat bai kisim ples bilong Ty Williams



EM YAH: Andrew Johns redi long tromoi bal

NEWCASTLE Knights i plen nau long wankain wei em ol i mas pilai long taim Johns i pinis long pilai wantaim ol.

Johns husat i putim han bilong em i go antap long pilai long Australia Kangaroo tim long taim ol i bungim Nu Silan Kiwis long mun Mei bai pinis long pilai ragbi lig long pinis bilong dispela sisen.

Johns husat i ki pilaia long Knights tim i bin bungim planti bagarap long bodi bilong em long las yia i no bin pilai na long dispela ol Knights i bin painim hat long pilai gut. Ol i kamap long las ples long las yia sisen.

Long dispela sisen ol i laik traim senisim dispela ples long taim Johns i pilim orait nau na i wok long pilai wantaim ol.

Na long kisim ples bilong Johns long hap bek ol Knights i kisim Junia Kangaroo pilaia Jarrod Mullen husat bai mas pilai wantaim tim stat long 2007 inap long 2009.

Mullen i tok long em i stap aninit long divelopmen program bilong Johns i strongim tingting bilong em long stap wantaim ol Knights.

"Mi mekim planti wok wantaim em na em i gutpela tru long stap aninit na lainim samting long kain pilaia olsem," Mullen i tok.

"Mi no ting sampela lain bai inap long senisim Joey," em i tok.


Mullen husat i wanpela Knights junia pialia em sampela toktok i kamap olsem planti ol arapela klab i wok long bihainim em.

I bin i gat toktok olsem Michael Hagan husat i kosa bilong Knights long dispela sisen tasol bai kosa bilong ol Parramatta Eels long 2007 sisen i wok long tingting long kisim em i go wantaim em.

Long dispela Sande ol Knights i pilai wantaim ol Nu Silan Warriors. Na Johns bai go pas long tim bilong em gen.

Stuart yusim wankain tim

Harim gut!



KILIMI Ashley Harrison (rait han) na Craig Wing i laik bagarapim Dragons pilaia

SIDNI Siti Roosters kosa Ricky Stuart bai yusim gen wankain tim em i bin yusim long las wiken egensim Manly Sea Eagles long dispela Sarere.


Adrian Morely bai kam bek bihain long em i kisim wanpela saspenson. Em bai joinim Craig Wing, Anthony Tupou na David Shillington long lis bilong ol pilaia husat bai mekim senis long fes 13 pilaia.

Save bilong Stuart long holim yet tupela top pilaia long bens i karim kaikai taim ol i nekim Raiders.

Na long wankain taim ov kontret Manly faiv eit Travis Burns i tok hevi bilong pilai long fes Gret i hait samting we i strongim em long redi gut long pilai long prima divison. Dispela yanpela paivot bai wanpela top pilaia bilong ol Eagles long dispela sisen.

Lainap bilong tupela tim em: Eagles: Brett Stewart, Michael Robertson, Steve Bell, Steve Matai, Chris Hicks, Travis Burns, Matt Orford, Jason King, Michael Monaghan, Brent Kite, Steve Menzies, Anthony Watmough, Ben Kennedy(C). Senis em: Shayne Dunley, Luke Williamson, Adam Cuthbertson, Mark Bryant, Paul Stephenson (1 player to be omitted)

Roosters em: Anthony Minichiello, Amos Roberts, Ryan Cross, Iosia Soliola, Sam Perrett, Braith Anasta, Jamie Soward, Shane Shackleton, Brett Finch, Craig Fitzgibbon (c), Nigel Plum, Chris Flannery, Ashley Harrison. Senise em Craig Wing, Anthony Tupou, David Shillington, Adrian Morley, Lopini Paea (wanpela bai go aut).



I NO BENJI TASOL: Kosa Tim Sheens

WEST Tigers kosa Tim Sheens i tok faiv eit Benjie Marshall i no wanpela man tasol husat i mekim tim.

Sheens i mekim dispela toktok bihain long sampela manmeri i tok Tigers i stap bikos Marshall i stap. Rausim Marshall na Tigers i kapsait. Tasol dispela wik Sheens i tok dispela ol tingting na toktok i no tru.

"Benjie i no wanpela man tasol husat i mekim tim."

"Olgeta pilaia i mekim tim," Marshall i tok taim ol Tigers winim tasol sikspela (6-pela) pilai long 21 pilai em ol i kamap long em long taim Marshall i no pilai wantaim ol.

Las wiken ol Tigers i go daun long Niu Silan Warriors 26-10 long taim Marshall i no pilai long hevi em i gat long wisket bilong em. Benjie i kisim bagarap long wisket bilong em bihain long sampela lain i paitim em long wanpela klab long Sidni long tripela wik i go pinis. "Tasol mi gen tok Benjie i wanpela top pilaia."

NRL 2006 LATA

Klab	P	W	D	L	B	P
1. Knights	3	3	0	0	0	6
2. Cowboys	3	3	0	0	0	6
3. Panthers	2	2	0	0	1	6
4. Roosters	3	2	0	1	0	4
5. Broncos	3	2	0	1	0	4
6. Storm	3	2	0	1	0	4
7. Dragons	3	1	0	2	0	2
8. Bulldogs	3	1	0	2	0	2
9. Sharks	2	0	0	2	1	2
10. Sea Eagles	3	1	0	2	0	2
11. Eels	3	1	0	2	0	2
12. Tigers	3	1	0	2	0	2
13. Rabbitohs	2	0	0	2	1	2
14. Raiders	3	1	0	2	0	2
15. Warriors	3	1	0	2	0	-2

Tok klia: P: Pilai, W: Win, L: Lus, B: Bai, D: Dro, PTS: Poin



Noken mauswara
givim mani stret: Kidu

I ken bihainim Pini lek



MEKIM SAMTING TRU: Dem Carol Kidu

OLGETA taim gavman i save toktok long givim mani long spot tasol taim baset i kam i nogat mani i save kam bihainim ol toktok.

Minista bilong Komyuniti Developmen na Spot Dem Carol Kidu i mekim dispela toktok long taim Gavana Jenerol Gren Sif Sir Paulias Matane i mekim ofisel Welkam long Tim PNG husat i mekim gut long las tupela wik Komenwel Gem long Melbon, Australia.

Dem Carol i tok inap long mauswara tasol. Nau em i taim bilong mekim samting stret na i no givim lip sevis long spot

Dispela kain askim em GG Sir Paulias Matane i mekim tu long tok welkam bilong em long Mande.

Long bekim toktok bilong tupela Praim Minista Gren Sif Sir Michael Somare i tok em bai givim gavman mani mak namel long K5 milien na K10 milien long minista bilong Komyuniti Developmen helpim na stretim ol ples bilong pilai na long developim spot long narapela tupela yia.

Em, bai helpim ol swiming pul long Taurama, Moem na Igam bareks bai ol pul i gutpela long tren swim.

PM i givim salens tu long Nesanel Spot Institut long Goroka long kamap wantaim sampela spot program we bai helpim gavman long luksave long wanem wei em bai em helpim ol pilai na spot etministreta. Long tok tenk long Ryan Pini na Dika Toua em i givim K10,000 na K5,000 wantaim.

Paul Zuvani i raitim

WANTAIM gutpela trening na komitmen bilong pilai na sapot em i no hat long kamapim gutpela pilai na win.

Dispela em ol toktok golden manki bilong PNG Ryan Pini i mekim long taim bilong Tim PNG Welkam seremoni long Sir John Guise Stedum long Mande dispela wik.

Em i tok PNG inap long kamapim ol win sapos i gat ol gutpela hap bilong tren na olsem pilai i putim inap taim bilong em long tren.

Em i tok em i stat long kamap long swim long Taurama (Sir Donal Cleland) swimming pul taim em i liklik manki inap long nau na olsem dispela em i no hat.


Tasol em i lusim long hia long hevi em Taurama pul i save gat long en: long sampela taim pul i save pas na sampela taim NCDC i no save putim marasin bilong pul long mekim em i gutpela long swim na long pul i stap ples long ai bilong san.

Long dispela ol hevi em i mas go long Brisben, Australia na tren.

Pini husat i skul long wanpela yunivesiti long Australia i mas stopim skul bilong em long em i laik givim inap taim long tren long swim na dispela sakrifais bilong em i karim kaikai taim em i winim gol medol long 100m bataflai resis long las wik Melbon Komenwel Gem.

Long taim kantri i wok long bungim kainkain hevi planti manmeri long Papua Niugini i lukim win bilong Pini olsem em i bungim ol na i givim bel isi long ol.

Na wetlifita Dika Toua em i givim tenk yu i go long Papa God long givim em save na strong long win.



ARAPELA KEN MEKIM: Ryan Pini i givim toktok long ol manmeri long Sir John Guise Stedum long Mande dispela wik.

"Mi no inap long win sapos Papa bilong mipela long heven i no givim mi dispela strong."

"Mi givim tenk yu long em."

"Na tenk yu tu PNG long sapot bilong yupela," Toua i tok.

Long taim bilong Welkam seremoni Gavana Jenerol Sir Paulias Matane i tok swima Ryan Pini na wetlifiting silva medolis Dika "Namo" Toua i putim nem bilong PNG long wol mep long gutpela pilai bilong tupela.

"Yutupela i putim PNG long wol mep na tenk yu tru long dispela," Sir Paulias i tok.

"Na long ol arapela pilai tenk yu tu long ol gutpela pilai."

Tasol em i tok i gat tripela samting we inap long helpim pilai long win.

Dispela tripela samting em namba wan komitmen. "Sapos

pilai i putim inap taim bilong em long tren em i no hat long kamapim gutpela pilai na win."

"Narapela samting em i mas i gat gutpela ol trena.

"Na namba tri samting em i mas i gat gutpela ol fesiliti."

"Na em i samting bilong gavman long givim gutpela sapot long spot."

Na wankain toktok em Minista bilong Komyuniti Developmen na Spot tu Dem Carol Kidu i mekim long taim bilong welkam.

Dem Carol i tok i nogut long gavman i mauswara nating long amamas mani em bai givim long spot we long tru tru dispela i no save kamap.

Sapos em i tok long givim mani long baset bilong em orait em i mas bihainim tok bilong em.

"Nau em i no taim moa long

mauswara. Wantaim nupela Spot Developmen dispela i no ken hat long yumi developim na kirapim ol pilai bilong mipela," em i tok.

Askim long sapot bilong gavman i kam tu long maus bilong ol kampani.

Mausman bilong ol kampani na bos bilong IBS Mick Nades i tok taim ol kampani i wok long givim sapot long ol spot long wankain taim tu gavman i mas givim helpim.

Sapos gavman i no givim helpim narapela han bilong spot i no inap long strong, Nades i tok.

Nades i mekim dispela long Welkam resepsen long Lamana Hotel long Mande avinun we Hotel i kamapim ol paia wok tu.

Long taim Tim PNG i kam planti handret tausen manmeri na pikinini i bung long Jackson Intenesenel Eapot long wet, lukim na welkim ol pilai.

Na taim bikpela Air Niugini balus i ron i kam insait long teminol tupela bikpela wara ka bilong DCA i stap long sait sait na pamim wara i go long balus long soim welkam pasin long Tim.

Tim i no bin kamaut long temi nol inap long wanpela aua na 30 minit tasol dispela i no mekim ol manmeri i ronowe.

Ol i stap inap ol i lukim Pini na Toua. Praim Minista Gren Sif Sir Michael Somare wantaim o bubu bilong em i namba wan long bungim Pini na Toua na Tim PNG long ples balus.

Tim PNG i kamap long Sir John Guise Stedum na bihain raunim Waigani, Boroko, 3 Mail, Korobosea, Sabama, Kaugere, Badili, Koki, Ela Bis, Taun, Kondedobu, Poreporena Fri Wei, Hohola na kam bek long Waigani na bihain go long Lamana Hotel.



I NO LIKLIK NAMBA! Planti tausen manmeri i kamap long givim tok welkam long Tim PNG long dispela Mande stat long Jackson Eapot, Sir John Guise Stedum na raunim olgeta rot bilong Pot Mosbi.



TUPELA SEMPION: Ryan Pini na Dika Toua i soim gol na silva medol bilong tupela.

09ers king bilong Madang sofbol

sofbol

Verolyn Nombri (DWU sumatin) i raitim

09ERS Kingston em ol nupela king bilong Madang man sofbol na Kalibobo i kwin bilong Madang meri sofbol.

Long pilai bilong ol man ol 09ers i nekim Agmark Kopex 2-0.

09ers pitsa Melly Turangau i mekim olgeta samting i hat tru long larim ol Kopex i mekim wanpela ran wantaim ol strongpela bal bilong em.

09ers Kingston kosa Bob Kramer i tok bipo long pilai i stat ol i bilip long ol yet na dispela win bilong ol i bihainim tasol dispela tingting bilong ol.

Kramer i tok maski filding i bin hat pilai bilong ol i bin go gut we dispela i lukim ol i kamapim tupela ran.

Em tok tenk yu long tupela sponsa KK Kingston na maina sponsa Lae Bisket na Arnotts Bisket long sapot em ol i bin givim long tim.

Las yia Agmark i bin go long ol fainol na lus long Malangan.

Na kosa bilong ol Esau Vinarang i bin sanap strong long helpim tim bilong em

tasol dispela i no bin helpim ol Kopex. Hevi bilong ol Kopex i bin stap long beting bilong ol.

Graun komiti Warren Kakat i tok dispela em i skul bilong ol Kopex na olsem em i gutpela ol i lain long dispela pun-daun bilong ol.

Tasol wanem samting moa i stap em long lukluk long narapela yia long traim bun gen.

Long pilai bilong ol meri Kalibobo i kamapim nupela rekot long em i no lus long wanpela pilai long stat bilong sisen inap long em i winim gren fainol.

Las Sande em i soim tru olsem hatwok bilong em i no samting nating taim em i pasim strongpela Idmons sait long go het na win 6-4.

Tim menesa Mary Bart i tok em i amamas tru long strongpela pilai em ol pilaia bilong em i kamapim na i tok tenk yu long ol papamama husat i larim ol pikinini bilong ol i stap long tim na pilai.

"Em i tru olsem mipela i nogat wanpela sponsa husat bai sapotim mipela tasol maski long dispela mipela i strong yet inap long mipela i win," Bart i tok.

Shirley Gireng husat i mekim namba tri

yia akaunting skul bilong em long Lae Yunivesiti bilong Teknologi i kam olgeta long Lae long pilai olsem bet meri bilong tim.

Em i tok komitmen bilong ol long pilai i lukim kaikai bilong taim ol i givim long trening bilong ol.

Em i kisim awot olsem namba wan o gutpela betmeri bilong gren fainol pilai.


Madang Sofbol Asosiesen (MSA) petron na Madang MP Alois Kingsley i kamap tu long lukim ol gren fainol pilai.

Memba i tok sofbol i famili pilai na olsem olgeta yia i luk olsem i gat ol nupela tim, pilaia na olsem oltaim nupela stall na wei bilong pilai i save i kamap.

Em i tok long em i stap Memba bilong Palamen oltatim em bai givim sapot i go long sofbol pilai.

Long dispela taim Madang Sofbol Asosiesen presiden Ralph Tarasomo 9-pela senta i soim laik long kamap long 2006 nesenel sofbol sempionsip long lsta wiken long Madang.

Ol senta em long Lae, Pot Mosbi, Lihir, Kaviend, TomMadir, Rabaul, Ramu, Mt Hagen na Madang yet.



SPOT RAUN

wantaim

SCOTT VAVINE

Developim ol top pilaia

MIPELA i bin lukim wantaim amamas sampela ol top pilaia husat i soim strong na save bilong ol long pilai long tupela wik i go pinis long Melbon Komenwel Gem.

Sampela bilong ol kantri i bin nogat nem bipo tasol wantaim gutpela plen ol i gat long strongim na developim spot ol i bin kamapim nem. Papua Niugini yumi ken tok i wanpela bilong ol.

Tasol em long developmen program. Long sait bilong ol hap we ol pilaia bai stap na yusim long go long trening em narapela samting olgeta. Long dispela sait em mi bai toktok long em long narapela wik.

Tude mi bai toktok long we bilong developim ol gutpela pilaia bilong mipela.

Wanem ol dispela samting em yumi mas i gat long developim ol etlit bilong mipela?

Kosing: Long noken askim tumas yumi save olsem wantaim gutpela kosa em gutpela pilaia bai kamap. Na sapos save na strong bilong pilaia i sot hatwok bilong kosa i ken lus. So tupela sait i go wantaim.

Sampela samting we i save kamap long bung bilong kosa na pilaia em:

- PILAIA i ken kamap wantaim sampela gutpela wei bilong pilai. I olsem wantaim gutpela kosa em gutpela pilaia i kamap;
- KOMITMEN em kosa i givim taim long lainim na lukautim pilaia i save karim gutpela kaikai;

• WANTAIM pe na sindaun bilong kosa dispela i ken helpim kosa long mekim gut wok bilong em;

• WANTAIM rait namba bilong ol pilaia em kosa i mas i gat long en i save helpim gut ol pilaia long kamap gut na

• KOSA i mas i gat ol arapela samting olsem hobbie bilong em namel long taim em i givim long wok olsem kosa.

Namba tu samting em long pilaia. Long pilaia i gat kamap gut ol dispela samting i mas stap:

• EM i mas i gat save na strong bilong pilai, i gat laik long pilai na tren hat;

• KAMAP wantaim ol wei long painim ol gutpela pilaia na putim ol long developmen program. Dispela i min olsem holim ol pilai long wanwan ol rijon na painim ol pilaia we yumi save ol bai kamap gut sapos yumi putim dispela ol lain manmeri long ol rait ples;

• OL spot developmen opisa i mas putim kisim inap namba we dispela bai mekim isi long ol i lainim ol pilaia long wei bilong pilai na olsem ol i ken lukim kaikai bilong wanem samting ol i laik long mekim na

• OL spot etministreta i save long tingting bilong ol pilaia olsem wanem samting tru em ol pilaia i laikim long en. Dispela i min olsem ol pilai bilong Olimpik, Komenwel, Saut Pasifik Gem na ol arapela bikpela pilai.

Long wik i go pinis na long dispela wik bihain long Tim PNG i mekim gut long Komenwel Gem na i kam bek planti ol lain manmeri i tok long moa sapot i mas go long wok bilong spot.

Dispela long wanem spot long planti wei i helpim gutnem bilong mipela, i helpim tingting bilong ol manmeri long komyuniti long sindaun gut na i ken helpim ol manmeri olsem wok na kisim mani.

Toktok i bin kamap Oposisen lida, i kamap long ol memba bilong Palamen, Praim Minista na Gavana Jenerol olsem gutpela sapot i mas go long developim ol spot long kantri bilong mipela.

Na Praim Minista long dispela wik i tokaut long em bai givim toktok i go long gavman long kisim K5milien - K10 milien long developim spot.

Sapos kain helpim i kamap dispela bai gutpela nius long spot long kamap gut. Taim bilong toktok nating i pinis.

Diwai nekim Tarangau

ragbi lig

Floyd J Lala (DWU sumatin) i raitim

DIWAI i brukim wing bilong Tarangau 22-12 taim em i winim em 22-12 long wanpela strongpela pilai long Madang prisisen 9s ragbi lig gren fainol pilai long Ron Albert pilai graun las Sande.

Diwai i win long kisim K200 praismani.

Em i tru tupela sait i bin mekim planti asua long holim bal long namba wan hap tasol Diwai i stretim dispela hevi long namba tu hap we dispela i helpim ol long pilai gut inap long ol i kisim win.

Long namba wan hap bilong pilai Tarangau i wok

long go pas long pilai wantaim skoa 6-4. Dispela ron gut gen long namba tu hap we ol i no kisim longpela taim long skoa gen wantaim gutpela konvesen. Dispela i lukim Tarangau i go pas yet 12-6.

Tasol dispela ron bilong ol i no stap long taim. Taim Diwai i kisim gutpela tingting long namba tu hap ron bilong pilai i senis we pilai i ron long sait bilong Diwai.

Dispela i lukim senta bilong ol Jack Marabe i skoaim tupela trai. Namba wan trai bilong em i kamap bihain long em i kisim wanpela gutpela pas long Daniel Dire. Dire long dispela taim i ran i go brukim banis bilong ol Tarangau we i lukim ol

Tarangau i nogat taim long pasim em bipo long em i tro-moi bal i go long Marabe long mekim gutpela ran na skoa. Konvesen i go gut na dispela i lukim ol ran baksait tasol Tarangau 12-10.

Dire i gen Marabe long skoaim namba tru trai bilong em na Bernard Turkey Pos narapela trai.

Na presiden Rex Sos i amamas na tok dispela win i soim olsem ol i kam bek pinis long Madang ragbi lig.

"Dispela i tokaut long ol narapela klab olsem mipela i kambek pinis. Mipela i namba wan tim long Madang ragbi lig yet. Mipela i tingting long kisim yet Madang taitol long dispela sisen," Sos i tok.

Long pilai long namba tu ples Namon Hawks i kaikaim gut Souts Warrior 30-4 long asua bilong ol Souths yet husat i painim hat long banisim gut bal bilong ol. Ol Hawks i kisim K150 praismani na Tarangau i kisim namba tri ples wantaim K100 praismani.

Long Anda 19 divison Agmark Royals i wilwilim Hawks we ol i kisim K150 praismani na Diwai i brukim han bilong Tigers long kisim K100 praismani olsem namba tu ples. Hawks i kisim namba tri ples wantaim K50 praismani.

Ol prais em Ela Motors Madang i sponsaim.

Ol propa sisen pilai i stat long dispela wiken.

Summit sempion bilong Tri-long-tri Madang basketbol

basketbol


Verolyn Nombri (DWU sumatin) i raitim

SUMMIT i strong tumas long pilai we em i win long tupela divison long Madang Tri-long-tri basketbol pilai long wiken.

Tri-long-tri (Tri-on-tri) i wanpela basketbol pilai we ol pilaia i yusim tasol hap kot na i no long pul kot olsem tru tru basketbol pilai.

Na long toktok long dispela kain pilai Madang em wanpela senta tasol long kantri we i holim kain pilai olsem. Na dispela em i namba tu taim kain pilai i kamap.

Eit-pela tim i kamap long pilai long divison bilong man. Divain Wod Yunivesiti i gat tripela tim. Summit i gat tupela tim na PNG Maritime



BILONG MI: Chariot pilaia i laik ronawe long Saint pilaia long Kapitol Basketbol resis. Pot Mosbi bai wanpela senta em nupela resis bai kam.

Koles, Luteran Skul bilong Nursing, Tusbab Sekenderi Skul Plunks, Mervics na Stars i gat wanpela tim long divison.


Summit, LL Plunks na Maritime i bin go pas long kompetisen inap long ol i kamap long ol semi fainol.

Long dispela ol pilai LL Punks i daunim Maritime 31-14 na Summit i hamarim LL Plunks 29-18.


Divison bilong ol meri i gat DWU, Luteran Skul bilong Nursing, Summit na Tusbab Sekenderi Skul tim.

Summit, DWU na Luteran Skul bilong Nursing i go pas long divison. Long wiken pilai Skul bilong Nursing i pinisim win bilong DWU 6-5 long semi fainol. Em i go moa long bungim Summit long gren fainol em dispela i lukim Summit i bagarapim sindaun bilong em na memeim em 37-5. Banis bilong Skul Nursing i malumalum na olsem Summit i brukim tasol.

Madang basketbol Asosiesen (MBA) presiden Miri Areori i tok Madang i namba wan senta long kantri long ronim kain pilai olsem. Na em i tok Asosiesen i laik holim holim wanpela bikpela pilai long Jun dispela yia na long narapela yia i hop long mekim dispela pilai olsem wanpela nesenel pilai long kantri.



WANTOK SPOTS



Lae lig no stat yet

RAGBI LIG

Bustin Anzu i raitim

LAE ragbi lig sisen i no stat yet long wanem olgeta klab long kompetisen i no baim rejistresin fi bilong ol pilaia bilong ol yet.

Dispela em wanpela hevi nau i stap wantaim olgeta klab long kompetisen.

Planti klab i kisim rejistresin long wanpela mun i go pinis tasol pasin bilong rejistresin i ron isi na dispela i kilim tingting na laik bilong olgeta lain bilong ragbi lig.

Wankain pasin i bin kamap long 9s na tu dispela sik i surik i go antap long pri-sisen na nau ol i abrusim pinis mak o taim ol i makim bilong pri sisen.

Dispela nau tu i kamapim sampela kain tingting na wari olsem dispela bikpela kompetisen bilong ol long Ista Salens bai ron gut tu o nogat.

Dispela Ista Salens em wanpela bikpela pilai resis insait long kalenda bilong Lae ragbi lig na ol opisols i luk fowat long dispela pilai mas i go wantaim ol narapela gem bilong dispela yia. Ol i no inap mekim wankain olsem 9s pri-sisen.

Dispela pri-sisen inap long kamap long las wik tasol nogat klab i soim pes long Lae ragbi lig. Dispela i no mekim presiden Daniel Nandoma i no amamas long ron bilong Lae ragbi lig.


Em i tok ol klab i bin kisim ol fom bilong rejistresin longpela taim na nogat wanpela bilong ol i kam bek na givim ol dispela pepa wantaim nem bilong ol pilaia.

Foapela klab tasol i soim pes wantaim rejistresin fi tasol narapela 6-pela i no yet. I luk olsem dispela wiken tu bai i no gat gem.

Dispela em bikpela wari bilong presiden.

■ i go moa long pes 40

SAPOT BAI KAM: PNG golden bol Ryan Pini amamas long gol medol bilong em wantaim Praim Minista Gren Sif Sir Michael Somare long taim Somare i holim amamas kaikai wantaim Tim PNG long Davara Hotel long Tunde dispela wik. Somare i tok long givim inap sapot long spot long baset bilong em long ol yia i kam. *Lukim stori long pes 42*



I no Benji tasol holim Tigers

Sheens tokaut

... lukim dispela na ol arapela NRL stori long pes 41

CAMPING

model: 20640A
code: 163970

**SLEEPING BAG w/HOOD
COLEMAN**

K69.00

model: 20750A
code: 172985

**SLEEPING BAG w/HOOD
INDIAN**

K99.00

model: 20730A
code: 172984

**SLEEPING BAG CHILDREN
PANDA**

K69.00

model: COMB TENT
code: 168934

2 MAN TENT COMBO
Incl: 1x Coleman 2 man
tent & 2x Sleeping bags

K199.00



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.